

近代中國史料叢刊續編第七十八輯
沈雲龍主編

小倉山房文集

袁枚著

(卷廿三—廿九)

文海出版社

有限公司

印行

小倉山房文集卷二十三

錢唐袁枚子才

書鄴人對後

唐鄴人剔股奉母有司旌之昌黎欲腰諸市二者吾俱非之夫非禮之孝旌與誅律無明文非先王之闕也先王若曰將旌之與世固有僞爲名者將誅之與世固有愚爲孝者將誅其僞而旌其愚人藏其心不可測度也不如淡而置之聽其自致明乎上之所重不在於是而教孝之大體立焉未嫁之女爲夫志律勿旌亦勿禁卽此意也孔子曰苟志于仁矣無忘也曰可以爲難矣

仁則吾不知也持此二義以律過中之行始無偏陂不
然彼之制行旣過矣而我之持論又過焉是上下交相
過也卒何以得大中哉故大學不曰治天下而曰平天
下

書王荆公文集後

荆公上仁宗書通識治體幾乎王佐之才何以新法一行天下大病讀其度支廳壁記而後嘆其心術之謬也夫財者先王以之養人聚人而非以之制人也今其言曰苟不理財則閭巷之賤人皆可以擅取與之利也與人主爭黔首而放其無窮之欲然則荆公之所以理財者其意不過奪賤人取與之權與之爭黔首而非爲養人聚人計也是乃商賈角富之見心術先乖其作用安得不悖三代聖人無理財之官但求足民不求足國其時黔首熙熙一心歸附譬之臧獲婢妾仰食于家主然

所以畜之者恃有恩意德教維繫其間不徒恃財力以相制也後世秦隋兩朝專求足國不求足民卒之與爭黔首者陳涉竇建德之流貧民乎富民乎夫物之不齊物之情也民之有貧富猶壽之有長短造物亦無如何先上因物付物使之強不凌弱衆不暴寡而已春秋時阡陌未開豪強未并孔門弟子業已富者自富貧者自貧而聖人身爲之師亦不聞哀多益寡損子貢以助顏淵勸子華使養原憲者何也宋室之貧在納幣郊費冗員諸病荆公不揣其本弊弊然以除貨取贏考其所獲不逮桑孔而民怨則過之以利爲利不以義爲利爭黔

首反失黔首矣悲夫

書權文公鄧都論後

鄧都廉直史遷以冠酷吏權文公作論雪都皆史遷噫
是烏知遷之心哉古無酷吏名之者遷也漢無酷吏首
之者都也當秦殘暴高祖易以寬仁文景繼之天下熙
熙然安昇平也久矣忽都以嚴得寵立聲名從此寔成
義縱踵至殺人流血動至數萬都作備之罪遷所深惡
也遷旣惡都何難并其生平公廉直諫之事刪而不書
然而遷書之反詳者何哉以爲史者所以戒天下萬世
也使天下萬世見公廉如都直諫如都而一爲苛暴卽
首蒙惡名且身斬家破爲天下快庶幾曉然于小善之

不足以掩大惡而相趨爲長者也。遷立傳之心也。此遷之所以爲良史也。曉一孔者何足以知之。唐人好排古人持高議都不足雪而權公雪之。申生季札未可貶而獨孤及白居易貶之皆過也。凡言必究其所裨而專必稽其所敝。三代後父子兄弟間恩寢薄矣。得過厚者矯之而立言者又從而尊之。于世有所裨無所敝也。孔子曰觀過知仁。申生季札之過。申生季札之仁也。都之過其足觀也哉。

書柳子封建論後

柳子之論封建辨矣。惜其未知道也。夫封建可行乎。曰不可。封建不可行。而何非乎。柳子曰。道可行。而勢不可。行。勢。吾。所。無。如。何。也。柳子不以爲勢。無如何。而竟以爲道。不宜行。是父老堯禹之說也。夫封建非勢也。聖人意也。郡縣非聖人意也。勢也。天生蒸民。作之君。作之師。一人之力。不能君天下。必衆君之一人之教。不能師天下。必衆師之。其亶聰明。作元后者。中天下而立焉。非有圭田。世祿不能正經界。行井田。非有諸侯卿大夫。不能有三田。世祿非有井田。經界不能。有鄉廬郊。遂。選車出卒。

言揚行舉之法非有諸侯之公子羣公子又不能有大
宗小宗故井田學校軍政宗法其事皆因封建而起謂
封建非聖人意勢也然則井田學校軍政宗法亦非聖
人意勢乎封建始於何皇都不可考柳子之說似民之
自爲封建擇其智者而君之若蟻之穴蜂之巢者然不
知上古諸侯雖有萬國然史冊所載人皇定三辰地皇
畫九州伏羲黃帝垂衣裳神農教耕稼堯舜治厯明時
禹治洪水皆一聖人開天獨倡非仗衆諸侯助也亦非
聽諸侯百姓之自爲謀也以舉世不知耕不知織不知
天時地利不知舟車服用之際而一人如天如帝先知

先覺其威靈神譏何萬國之不可兼并而乃俱才出秦
始皇下乎然而聖人不爲者公天下之心治天下之法
以爲非封建不可故也柳子謂湯借諸侯伐夏周借諸
侯伐殷故不敢變易其國是知有商周而不知有黃農
虞夏并隕窺天陋矣且夫秦之失天下制政俱失周之
失天下則在政不在制何也封建非周制也夏封建四
百年商封建六百年制失而能千年者未之有也禹誅
防風啟伐有扈湯伐豕韋高宗伐鬼方周烹齊哀公誅
殺之權操之天子何嘗無指臂之使自昭王溺楚穆王
忘戴天之仇且鬻荒遊覽而大事去幽王被弑平王忘

戴天之仇且戊申遷都而大事又去周之天子不知有
父子而欲周之諸侯知有君臣得乎然以無父之人卒
不至於國亡身滅者雖文武成康之遺澤在人亦賴衆
諸侯維持而拱衛之不可謂非封建力也夫穆王平王
不知有父此豈武王周公開國時所能逆料而爲之立
制乎是周之政失而非制失也明矣父子之倫廢君臣
之道失然後強侵弱衆暴寡諸侯蠶食大夫兼并左氏
曰其餘四十縣長轂四十曰分趙氏之田爲七縣曰其
俘諸江南夷於九縣周書曰千里十縣一縣四郡春秋
戰國時凡稱郡縣者無算蓋不待秦并天下而海內之

國。駸。駸。乎。半。化。爲。郡。縣。矣。吾。故。曰。郡。縣。非。聖。人。意。也。非。秦。之。所。能。爲。也。勢。也。秦。因。循。苟。且。因。其。勢。而。導。之。較。之。宋。解。兵。權。唐。靖。藩。鎮。事。更。易。焉。有。叛。人。無。叛。吏。非。一朝。一。夕。之。故。而。歸。功。于。郡。縣。何。耶。使。封。建。不。廢。則。諸。國。有。君。秦。雖。暴。不。能。毒。流。天。下。彼。揭。竿。而。起。者。亦。終。有。所。格。而。不。便。惟。其。爲。郡。縣。也。在。始。皇。尊。無。二。上。然。後。可。以。移。民。以。遷。在。陳。項。疆。索。無。阻。然。後。可。以。直。趨。關。中。是。秦。之。失。雖。在。政。而。尤。在。制。也。又。明。矣。然。則。封。建。可。行。乎。曰。道。可。勢。不。可。今。之。阡。陌。盡。矣。城。郭。改。矣。稅。法。變。矣。其。所。封。者。非。紇。袴。之。子。弟。卽。椎。埋。之。武。夫。也。其。能。與。三。代。比。

隆乎且不特無其勢并無其道。漢
王天下亂晉封八王互相殘殺天
子天下又亂是何故哉先王有八
親也尊賢也與絕國也舉廢祀也
各子其子也故封建行而天下治
而封建寵愛子也牢籠功臣也求
休戚如秦人視越人之肥瘠也故
先王之心行先王之法是謂徒政
優之仁義師丹王莽之均田限田
無所不敷蓋不徒封建然也因其

可哉古論封建者苟仲豫陸機劉頌顏師古魏徵李百
藥劉秩杜佑皆能言之而後人獨愛柳子之說吾故入
之其封建之利諸儒俱已備言茲不具論

六卷上集

再書封建論後

或曰子言封建之非勢固已然如子孫何柳子曰尾大不掉則子孫徒建空名於公侯之上矣曰柳子亦知先王之愛百姓甚於愛子孫乎周公之命邇曰賢則昌不賢則亡武王滅殷欲作官于五行之山周公不可曰五行之山天下之險也使我有德則天下之納貢者遠矣無德則天下之伐我者難矣此意也非獨周公意也卽堯愛禹湯所以封建意也當其時天子不仁則湯武至諸侯不仁則齊桓晉文至于八百國中苟有一賢君則民望未絕師曠曰天之愛民甚矣豈其使一人肆於民

上先王亦愛民甚矣。豈其使子孫一人肆於民上。尾大不掉之說。皆後世云云。非先王意也。雖然。夏亡矣。杞不亡。殷亡矣。宋不亡。卽以子孫論而封建之天下。雖亡不亡者。何哉。蓋公極而私存。義極而利存。天道然也。亦非先王意也。或曰。封建之世。如人才何。柳子曰。封建者。繼世而理。上果賢乎。下果不肖乎。又有世大夫之世。邑世祿。聖人生於其間。亦無以自立于天下。曰。以若所云。則柳子不知今。并不知古矣。古者有國。學所以教胥子也。有鄉。學所以教野人也。彼言揚而行舉者。其果專在國。而不在鄉乎。若夫舉舜于畝。畝膠鬲於魚鹽。傅說於版。

築伊尹於耕太公於釣管夷吾於士百里奚於市此并
不在學校者也安見聖人生而無以自立於天下乎柳
子之說爲孔孟言也夫孔孟之不能自立者道不行也
非封建爲梗也然賴有封建然後栖栖皇皇之衛之陳
蔡之梁之齊之滕幾幾乎有可行之勢而諸侯敬弟子
從則聲名愈大千萬年後猶知遵奉爲師使聖人生於
郡縣之世三試明經不第則黜徙一邦姓氏湮沉亦逐
世無悶已耳安見其有以自立於天下耶然則孔孟之
刪六經垂俎豆傳食諸侯雖無以自立而有以自顯者
封建力也且惟封建故君多臣亦多王臣公公臣卿卿

臣大夫大夫臣士士臣皂皂臣與與臣僚僚臣僕僕臣
臺此十人者皆不耕而食在官之祿者也然不虞其不
足者何也其時大夫有采地民有受田累世菑畬尺土
無曠故十一之稅重於後世而所出足供所食又大小
其才爲十等用則游惰者無有也雖有佛老無所容身
其間雖欲建浮屠立刹院而萬國鱗列經界劃然亦無
此隙地縱有楚材而晉用者其爲得展其才受其利濟
則一也後世以天子養羣臣故制祿之數恒虞其乏以
人才副定額故放廢之士日見其多而且賢人君子官
如博舍所懷迄不得施或老死牖下欲越一步棲一椽

不。可。得。而。非。士。非。農。非。工。非。賈。之。氓。從。而。襍。之。且。據。享。
其。土。木。山。川。之。奉。若。是。者。皆。秦。之。罪。也。若。夫。有。治。人。無。
治。法。自。古。然。矣。試。問。柳。子。之。時。彼。懷。印。曳。紱。有。社。有。人。
者。上。果。賢。乎。下。果。不。肖。乎。必。曰。朝。拜。而。夕。斥。之。矣。其。拜。
者。果。賢。乎。斥。者。果。不。肖。乎。柳。子。將。何。詞。以。對。

人、春上、月、文集

書唐介傳後

無其事而誣之讒也。有其事而言之直也。然直之爲道，有禮焉，無禮則絞矣。有學焉，不好學則蔽矣。子貢曰：惡訐以爲直者，訐未嘗非直也。無禮而不學，則訐矣。宋唐介論文潞公以燈籠錦獻張貴妃，其訐者與其無禮而不學者，欺諫官，退不肖職也。所謂不肖者，必誤國害民，然後可以明白指列，不宜抉蹶昧制宰相也。亦不宜因甲事遷怒乙事，而悻悻求勝也。介忌張堯佐，遷怒潞公，因潞公遷怒貴妃，無論所劾無有也。就令有之，而官省甚密，進奉甚秘，介何從知之？介如探聽於宦寺，訪求於

捷徑則介亦行險僣倖之人而已矣。言人之邪而已。不
得爲正。發人之私而已。不得爲公。此類是也。禮曰。疑事
毋質。又曰。內言不出于闔。宮闈之地。內言也。亦疑事也。
可昌言之。而身質之乎。王鳳陷王商。發陰事。而丙吉咎
官婢。誣汚衣冠。此君子小人之辨也。或曰。介黜潞公。薦
富弼。亦爲宦官。官妾不知姓名。故歟。曰。此宋人之陋說
也。舜察邇言。湯立賢。無方。樊姬進孫叔敖。長孫后譽魏
徵。未嘗不得其人。若夫鄉曲之儇鈴閣之卒。皆宦官。官
妾。不知名者也。其可以爲相乎。宋史以趙抃與介並傳。
爲其抗直相似。不知抃之言曰。君子有過。當微護愛。惜

之小人雖小過當力遏絕之此言正介之藥石也與同
傳焉介愧矣

刁春山房文集

其時

之妻

有夫

十七

婦曰

婢乞

爲婢

稱婢

竈

之范仲淹欲寬之富公介兩賢之間有難色甫責富公
曰是不知有法也是又悞矣夫法者胥吏皆知之非獨
甫也孔子曰赦小過周公曰議親議賢豈周公孔子皆
不知法者乎其時仁宗寬大不罪諫官政無缺失故畧
知好名者諫無虛日不過攻人主後官訐大臣陰私而
已蘇轍年才十九對策中便斥仁宗好色妄庸習氣大
概爾爾介後受制于王安石一無建明聲名減于作御
史時故何也凡人無病而多則有病而不治亦勢之所
必至者也善乎陸宣公之言曰所謂小人者非必盡懷
險詖覆邦家也以其趨尚狹促以自異爲不羣以阻議

爲出衆故孔子以蹉蹉言行者爲小人然則宋之諫臣
其不識政體者皆小人而已矣

小倉山房文集

書復性書後

唐李翱闢佛者也其復性書尊性而黜情已陰染佛氏而不覺不可不辨夫性體也情用也性不可見於情而見之見孺子入井惻然此情也於以見性之仁嗚爾而與乞人不屑此情也於以見性之義善復性者不於空冥處治性而於發見處求情孔子之能近取譬孟子之擴充四端皆卽情以求性也使無惻隱羞惡之情則性中之仁義茫乎若遠而何性之可復乎孟子曰乃若其情則可以爲善說曰人情以爲田大學曰無情者不得盡其辭古聖賢未有尊性而黜情者喜怒哀樂愛惡欲

此七者聖人之所同也。惟其同，故所欲與聚，所惡勿施。而王道立焉。已欲立，立人已欲達，達人而仁人稱焉。習之以有是七者，故情昏，情昏則性匿，勢必割愛絕欲而遊于空。此佛氏剪除六賊之說也。非君子之言也。孔子曰：性相近，習相遠。繼之曰：上智下愚不移。性有上中下之分，斯情亦有上中下之別。見舟車焉，賢者曰：可以濟人。其次曰：可以遊息。不肖者曰：可乘以作賊。見美色焉，賢者曰：勿使怨曠。其次曰：勿惑爲戒。不肖者曰：吾昵之。而且鬻以取利。其情之動而不同者，皆隨其性之昏明。高下而流露者也。情何累？性之有且。夫子之言性與天。

道不可得聞。夫子之情則無行不與矣。弗狂召則喜，館人亡則悲，論戰則懼，聽韶則樂，思周公則夢，終其身循環於喜怒哀懼愛惡欲而不已也。堯舉十六相，未必非喜，舜除四凶，未必非怒，喜怒不必爲堯舜，諱也。孟子不以好貨好色爲公劉，太王諱而習之，乃以喜怒爲堯舜，諱不已，悖乎文王、赫斯、顏淵、不遷、子路聞之喜，皆喜怒也。後世惟晉惠帝流乃無喜無怒，童然若初生之犢，其性學之深，果賢于堯舜、文王、顏淵、子路乎？孟子曰：我四十不動心，言當大任而不懼，卽齊王反掌之意，翽然認爲堅忍虛寂，則亦北宮黝告子而已矣。奚稱爲孟子然。

則習之水火之喻何如曰尤誤也夫水性也其波流
光燄則情也人能沃其流而揚其光其有益於水火也
大矣若夫汚而爲泥沙鬱而爲烟黴此後起者累之所
謂習相遠也于情何尤哉

書留侯傳後

四皓高祖故人也當高祖除秦苛法天下如出炎火登春臺四皓不披羊裘受物色其行徑過高非人情一旦震于金幣齊其足雙雙而俱至不爲高祖用乃爲惠帝用失人又不類高士旣來之則安之惠帝可與遊宜少留焉若伯夷太公之就西伯卒奄奄無聞偕行耶同日死耶何沒沒也不賢惠帝而來不智賢惠帝而不輔不仁不在其位而與人家國不義四皓亦陋矣哉高祖謂戚夫人曰彼羽翼已成不可搖動其言尤可疑四皓無碩德重望填輔東宮苟搖動之彼家中枯骨何足介意

吕后時產祿封王惠帝搖動者數矣不得已而痛飲求
早崩爲可悲也彼四皓安在羽翼又安在然則四皓何
如人曰史遷好奇于留侯傳曰滄海君曰力士曰黃石
公曰赤松子曰四皓皆不著姓名成其虛誕飄忽之文
而已溫公作通鑑刪之宜哉宜哉

惠帝爲四皓立碑爲後世人臣賜葬之始見任昉
文章緣始而通典通考金石錄皆無之方知文章
緣始亦僞書趙世家屠岸賈事亦相類通篇以妖
夢神鬼事雜之則史公欲以鈞奇而非爲實錄也
明矣惠帝時無司徒官碑稱夏
黃公爲惠帝司徒尤可笑自記

書宋均傳後

或問宋均之言曰吏能宏厚雖貪無害惟廉察之人爲
毒最甚是何言歟曰子不見夫犬馬乎芻屑糶盆受人
畜養可謂貪矣然而利于人又不見夫蛇蝎乎餐風露
飲水可謂廉矣然而害于人夫蛇蝎非與人有仇也犬
馬非與人有情也其氣之一良一毒天早有以付之使
爲其性而在彼亦不能自克也用人者畜犬馬不畜蛇
蝎此宋均意也曰然則何以有用人之仁去其貪之說
曰仁與貪雖有公私之分而皆起于一念之愛其生機
皆未絕也惟夫一無所愛之人生機盡絕而無可用亦

無可去此申韓之所以原于老子也。且仁而貪不如仁而廉不仁而廉則不如不仁而貪何也。均一不仁耳。貪則心怯廉則膽麤貪則易敗廉則難傾。吾恐郢都張湯盧杞之殺人必多于寧成義縱元載之殺人也。莊子曰察士無凌誅之事則不樂夫凌誅亦何樂之有。而察士當之則以人之不樂爲己之樂也。果以人之不樂爲己之樂則其殘民以逞又何所不至。漢東平王以爲善爲樂齊南陽王以聚蝎爲樂此其証也。然則子路贖人受謝夫子是之子貢贖人不受謝夫子非之又何歟。曰太上貴德其次務施報太上者上智也其次者中人也。天

下上智少中人多聖人立教不以上智相期而以中人
爲斷以爲天下人非一己所能盡贖也使人人知贖人
之有謝而共爲之則人之不贖者寡矣使人人知贖人
之無謝而讓吾獨爲之則人之受贖者寡矣且索謝與
受謝又不同也吾之贖人原非爲謝而彼之以是心至
者吾從而受之亦所以安其心也必使彼之心抱不安
于我而我之廉名乃播于遠邇則是贖名非贖人也可
以欺庸人不可以欺聖人

八卷目方
文集

書顧覲之傳後

沛郡唐賜飲比村唐氏酒還得病吐蠱二十餘物賜妻張從賜臨終言刳驗五臟悉皆糜碎尚書顧覲之議張忍行刳腹子嗣又不禁止論母子棄市劉勰爭之不能得詔如覲之議垂爲科例君子曰法可執也而情不可不原也夫殘死者誅此法也問所以殘毀者情也唐賜之子若妻愚民也愚則以遵先人之命爲孝且急欲得先人致死之由以爲孝孝且獲誅設有悖逆之人殺父與夫剖屍以逞毒覲之何以律之仍以棄市論是孝與惡同罪也求之于棄市之外則法已盡矣比村之酒毒

酒也吐蠱碎臍毒既驗矣不誅行毒之凶人而誅受毒之妻子何也觀之以爲微生人乎世之行毒者多而無故而剖其夫與父之屍者鮮也以爲愛死人乎則死且命之矣既受毒以死而又沒其冤滅其家絕其血食鬼之呼號可知也先王之所以重毀支體者愛人故也然上之愛人不如人之自愛也人自愛莫如身而有時割癰疽者蓋以不愛爲愛故也况加于無所知之身以驗其所以致死之故哀痛迫切遵命遽行若是者爲理其冤可也冤得而後責其不告于官擅自毀割以過失論可也唐高宗患頭風醫曰刺血可愈武氏欲高宗

之不愈以死也大言曰醫欲刺天子頭可斬也覬之聞
之當賞武氏矣宋史孫唐卿判陝州有民盜母骨與父合
葬者有司論如律唐卿釋之與此論暗合

六季上房文集

書王文正韓魏公遺事後

孔子曰可與立未可與權孟子曰是乃仁術也權術二字始於孔孟大臣經邦權爲貴宋名臣少可與權者惟王文正韓魏公可與權然韓公之權正王公之權不正不可不辨夫正與不正無他亦辨之其心而已矣其心爲國歟正也其心自爲歟不正也魏公知貢舉爲蘇轍病請改期竄任守忠出空頭勅一道此魏公之權而王公必不爲者也王公薦寇準不使知拒張師德不肯見此王公之權而魏公必不爲者也何也進賢退不肖非破常例不足以得非常之才而制小人之死命然專擅

之迹中外共知矣魏公以爲苟利國雖冒不韙之名亦所不計王公以爲恩威者天子之事也事雖當人臣冒而行之寧獨無後咎餘責耶當日當國之久主眷之深韓不如王蓋一則見其大而自謀者疎一則用心深而結主者巧故也然則凡焚諫草絕私謁者皆非歟曰古之薦人所謂讓于臯陶讓于夔龍者彼臯陶夔龍豈皆不知歟古之諫君如周公陳無逸召公作旅獒彼豈私入告而又順之於外歟沽諫名與沽不諫而諫之名孰大薦人市人恩與不薦人而市君恩孰深是皆深於行權而不得其正者

書鄒浩傳後

鄒浩以諫貶嶺南將行泣下其友田晝責之曰浩居京師寒疾五日不汗死矣豈獨嶺海之外能死人哉君母以此自滿也浩收淚謝之君子曰浩固懦矣而晝亦爲不仁也君子之于朋友也善則勉過則規有患難則恤其妻孥而慰其心志浩旣流竄此患難時也非平居有過時也宜慰恤不宜規諫齊莊公之難有陳不占者赴崔氏餐則失匕上車失軾曰無勇私也死義公也遂死崔氏君子不以其懦而沒其忠也浩之泣懼乎悔乎憂國家乎戀其祖父之邱墓乎爲離別可憐之色乎爲公

爲私均無傷于忠也。彼田晝者于死生之道了然如此。蓋學陳東之救李綱爲一疏以救其友。脫有不幸其與寒疾之死亦相等也。不自責而責人薄于情而午其直。君子所深惡也。且浩不宜泣晝宜泣耳。蔡元定遠竄時朋友送之有泣下者。元定夷然。朱子曰朋友相愛之情。季通不挫之志可謂兩得矣。然則浩與晝可謂兩失也。

書通鑑溫公唐維州論後

土蕃劫盟入寇爲唐患久矣得維州以控平川永安中國此韋臯德裕之忠謀而僧孺拒之于義大乖溫公乃引荀吳拒鼓叛爲言不知荀吳之拒鼓叛卽孔明之縱孟獲也知功將成特使敵人盡其力服其心而毋勞再舉卒之鼓與孟獲逃將焉往若唐失維州則百年爲戎路而已矣不得以鼓與孟獲比又曰土蕃新好維州小而信大不知維州未降前一年土蕃已圍魯州彼背盟在先我納降在後非失信也又曰悉怛謀在唐爲向化在土蕃爲叛臣其受誅何矜焉更誤矣文王三分天下

有其二其二者皆殷之
叛臣也文王與湯皆至
之於桀於殷乎又曰譬
羊矣吾亦攘之則又引
聽其攘而不問乎將訴
家而不認故物乎維州
之牛也石祁子曰天下
之何補此指宋萬弑君
化者不同漢高已定天
下故封子密以招遠

殺之自覺無名者也。禍莫大於誅降，悖莫甚於以怨報德。恥莫恥於殺人以媚寇，僧孺之論溫公之言殆兼之矣。祖逖鎮雍州，石勒畏之，逖麾下叛，降勒者，勒送還之，逖感其意，亦送所降以報。君子以爲失計，且以爲不忠，何也？降者不受，境將日蹙，而逖奉天子討勒，非若敵國然，爲講信修睦計也。在易比之九五曰：舍逆取順，失前禽也。禽來趨己者，尚舍之，而况于人？溫公作相，契丹戒曰：中國相司馬矣。母生邊蠻，其時棄米脂四郡以與西夏，而又持論如此，然則公之所以服外夷者，如斯而已乎。

溫公當王安石執政時遣王韶經畧西事復熙河
一路又遣趙鼎充招討使旨畧討安南官兵入萬
死者過半公有鑒于此故借論維州事
以儆神宗然于唐代事理殊不合自記

讀賈子

賈子偽書也。天子御四夷有五帝三王之道在。未聞表與餌也。賈生王佐才識政體必無是言。若所云云。隋煬帝都已行之。其效何如也。吾尤怪太史公謂生悲不用。故早折。非知生者。洛陽年少內位大夫外爲師傅。非不遇也。文帝肫誠自罄。不及寧肯虛舉其所議論。頗見施行。其未爲丞相者。將老其才而用之。賓門納麓。堯試舜。且然而遽謂文帝不用生乎。生不死。帝必用生。生用其所施。必遠過鼂董而卒之。天奪其年。豈非命耶。生自傷爲傅無狀。哭泣過哀。思文帝之恩。情梁王之死。蓋深于

情者也。所以爲賢也。爲鵬賦。弔屈原。皆文人之偶。寄顏淵。不改其樂。亦三十而卒。烏得以其早亡爲有所懟乎。夫書既不足以傳生。而太史公又妄以已意測生。宜乎蘇氏之論生愈與生遠也。

讀左傳

向戌見孟獻子尤其室曰子有令聞而美其室非所望也獻子曰吾兄爲之毀之重勞且有聞嗚呼此獻子之所以爲君子而戌之所以爲小人乎夫君子之令聞不在于室求也戌恃有令聞以合晉楚之交卒至亂中國勞諸侯而已受其封曰我一人之爲非爲楚也如賤媒然彼此兩譽非爲男氏也非爲女氏也子已有利焉耳假使楚氛甚惡爭盟起釁晉人旋入于宋楚迫而兵之則宋先亡然戌之爲人不卑媮爲恭不矯詐爲儉則亦無以傾動兩國而行其說其所以規獻子者正其所以自

爲也。左氏深惡之。故一記受封邑。再記受夫人之璧馬。
 以著其貪。貪令聞與貪璧馬一也。善觀人者。不薄之于
 受璧馬之時。而早覘之于規獻子之日。或曰堯舜茅茨
 禹卑宮室。何耶。曰卑宮室者。異乎峻宇雕牆而言也。論
 堯舜必折衷于二典。禹貢今有人焉。衣山龍火藻之服。
 受璆琳瓊珎之貢。而終日黠然居茅茨土階中。類歟。不
 類歟。此說蓋墨家者流也。尚待辨哉。

讀喪禮或問

名之于人甚矣哉古之人有自隱其過以求名者有自表其過以求名者余讀劉古塘喪禮或問序而不覺駭然也某公居喪屏妻自期有七月之後因見母故見其妻而心動強抑苦禁諄諄然告人夫禮禫而從御御之云者以上臨下之詞黃帝御女云云始于道家邪說未聞以同藏無間之夫婦而可言御也杜預註爲射御之御蓋從政也義最正大鄭氏以爲御婦人不知禫在先吉祭在後孝子尚未復寢而乃於堊廬中先御婦人乎君子出辭氣斯遠鄙悖床第之言不踰闕夫子告宰我

以居處不安所該無限而卒不指爲與婦居與婦處也
自漢儒創爲非時見乎母不入門之說似乎君子一遇
凶事而母子有重關之隔夫妻如盜賊之防不已悖乎
然某公之所以自言其私者亦有所本人問漢第五倫
公有私乎倫舉二端以不自隱飾相傳爲美不知倫之
私倫以爲自知之而卒未嘗自知也倫之言曰有饋于
里馬者雖不受後遇三公選舉終不能忘然亦終不用
也蓋以不忘饋馬爲私而不知倫之私不在此當饋馬
時倫當爲己身立想不當爲國家立想其人素無交歟
不受可也與選舉無與也其人素有交歟受千里馬報

以其值可也。與選舉又無與也。當選舉時，倫當爲國家立想，不當爲己身立想。其人無益于國，歟不用可也。不必因其曾饋馬也。其人有益于國，歟不受馬可也。不必因其曾饋馬而故不用也。如因其曾饋馬而故不用，則倫但知立一己之名，而不知爲國家收用人之效。倫之罪大矣。又曰：兄子有疾，一夜十往還，竟安寢。已子有疾，終夜不往，夜竟不眠，蓋以眠不眠爲私，而不知倫之私又不在此。禮兄弟之子猶子也，猶之云者，準子爲言而固已親親之殺矣。倫于兄子疾，十往則已。子疾更宜十往，已子疾不往，則兄子疾亦不必往。倫貪愛兄子之名。

而。至。于。一。夜。十。往。則。固。已。身。往。而。心。不。隨。且。既。悉。其。病。狀。加。之。勞。苦。安。得。不。眠。倫。貪。遠。其。子。之。名。而。至。于。夜。不。一。往。則。未。悉。其。病。狀。情。固。未。安。而。欲。往。之。情。卒。難。遏。禁。又。安。得。眠。倫。不。自。知。其。矯。情。釣。譽。之。私。而。猶。以。爲。與。人。共。有。之。私。是。所。謂。一。言。而。再。過。者。也。且。倫。亦。幸。而。不。忘。不。眠。其。友。朋。父。子。聞。天。良。猶。未。盡。滅。耳。若。并。此。而。無。之。將。遁。天。倍。情。終。其。身。爲。德。之。賊。矣。某。公。之。于。妻。也。將。以。妻。待。之。乎。不。以。妻。待。之。乎。以。妻。待。之。則。所。居。之。喪。卽。妻。之。喪。也。喪。中。饋。奠。之。事。霜。露。之。感。率。其。妻。而。共。致。焉。雖。日。日。見。何。害。不。以。妻。待。之。則。專。視。爲。媵。褻。蕩。心。之。具。而。

此外無一事焉。雖終身不見，何益？夫至于隔絕其妻，至
期有七月之久，則早視其妻爲媒，褻蕩心之具，而不以
妻待之矣。一旦相見，勃勃然有男女之思，又何尤焉？且
某公不嘗敘黃石齋事乎？石齋爲其友所黜，置妓而扃
戶焉。石齋處之夷然，夫以妓之邪，而石齋視之如友朋，
以妻之正，而某公畏之如鴆毒。其所以自待與所以待
妻者，何太不倫至此！夫君子于倫理間，自有中庸之道，
必欲強爲直而僞爲名，其不可哉。

方集

讀孟子

柴守禮殺人。世宗知而不問。歐公以爲孝。袁子曰。世宗何孝之有。此孟子誤之也。孟子之答桃應曰。瞽瞍殺人。臯陶執之。舜負而逃。此非至當之言也。好辯之過也。夫舜之不能無父。卽臯陶之不能無君也。有父而後有君。有君而後有法。瞽能殺人。卽能殺臯陶。臯陶能執瞽。卽能執舜。彼海濱者何地耶。瞽能往。臯亦能往。因其逃而赦之。不可謂執。聽其執而逃焉。不可謂孝。執之不終。逃而無益。不可謂智。臯陷舜。爲遁。逃。主舜。容臯。爲不共。戴天之人。不可謂仁。中國無帝。臯將空天下。而無君乎。抑

自立而代舜乎。將來一無父之人而立之爲天子乎。以子之矛陷子之盾。孟子窮矣。然則臯陶舜如之何。曰舜不自信其孝之能格父。必不肯爲天子。臯陶不自信其力之能制瞽。必不肯爲士師。舜爲天子。臯陶爲士師。瞽瞍必不殺人。記曰量而後入。不入而後量。漆雕開不肯仕。曰吾斯之未能信。後世一介之士猶知此義。而謂舜與臯陶肯貿貿然于天位哉。聖賢之所以自立者。言前定則不跲道。前定則不窮。若待事發而后籌之也。固已晚矣。桃應不知道之前定。故悞問孟子不知言之前定。故悞荅然則充類至義之盡。如之何。曰瞽果殺人。無論

舜不執法也。卽舜欲執法，臯陶必諫可也。不肯陷其君於不孝也。無論臯陶執法也。臯陶卽不執法，舜亦必逃何也。殺一不辜而得天下，是不爲也。父殺人卽已殺人，也。安有一君一臣各行其志，絕不相顧而爲此鹵莽之事哉。秦商鞅用法嚴，太子犯法，鞅以爲太子不可加刑，乃刑其傅鞅。尚知國君有子而臯陶乃不知天子有父，是不如鞅也。荆昭王之時，石渚爲政，廷有殺人者，追之則其父也。還伏斧鑕死於王庭，渚尚知廢法不可而舜乃逃而欣然，是不如渚也。然則周世宗宜如之。何曰以舜律世宗，迂矣。以臯陶律周之司寇，又迂矣。昔朱子謂

魯莊公不能防閑其母宜防閑其侍從之人此世宗平日之所當知也及至無可奈何世宗亦宜降服出次減膳徹樂三諫不聽號泣從之使守禮知所愧悔而戒於將來不宜以不問二字博孝名而輕民命也不然三代而後皇陶少矣凡縱其父以殺人者皆孝子耶彼被殺者歟無子耶

書柳子天說後

柳子曰天地大果蓏也元氣大癰痔也陰陽大艸木也
烏能賞功而罰禍乎袁子曰天地有功禍而無賞罰賞
罰者有心之用也功禍者無心之值也漢高所居五色
雲起諸葛將薨大星墜地是天地有功禍也漢高何德
以興諸葛奚罪而亡是天地無賞罰也雷擊嬰兒電焚
艸木以有知之威罪無知之物其威是也其所以用威
者非也國政不修兵荒水旱以有忒之辟殃無辜之氓
其罰是也其所以行罰者非也然則天之于人猶人之
于蟻乎遺肉于地聚者百族負焉而趨隆焉而居利其

身肥其子孫人之功而非賞也傾烈火沃沸湯卵傾巢
覆淨屍百萬人之禍而非罰也彼蟻者豈無善惡功罪
叫號呼切日辨論于人之側者乎而人無見聞也天則
大矣龍蛇虎豹蠻夷蟲豸鬼魅皆如人之呼籲叫號于
其下而天無見聞也人與蟻俱遊于天之下而人爲蟻
禍福人與天俱托于氣運之中而天爲人禍福有時人
爲天所禍福而并及于蟻有時天地爲氣運所禍福而
並及于人

書崔實政論後

崔實政論曰嚴之則治寬之則亂孝宣之治優於孝文
仲長統曰人君宜書此一通置之坐側是二人者教後
世之君日以殺人爲事者也夫政者正也當其可則正
矣古之聖人與其殺不辜寧失不經議貴議親非寬也
刑人於市與衆棄之不蔽要囚非嚴也亦曰當而已當
則無所不治不當則無所不亂安見嚴者皆治而寬者
皆亂也或曰實之爲此言者目擊元成之衰孝宣之中
興故耳是大不然夫元成之衰是昏也非寬也果其寬
則蕭傅不殺堪猛不誅王章不死矣孝宣之中興是明

也。非嚴也。若果嚴則不弛酒食之禁，不除子匿父之條，不縱張儉之亡命矣。或曰：實此言爲桓靈之柔懦言之。是又不然。善射者有志於殺人，其所殺者其仇也不善射者有志於殺人，則旁穿斜出必殺數十人，而其仇猶未死也。教英主以嚴猶可，教庸主以嚴尤不可。當桓靈之昏，黨錮牢獄毒流海內，李雲冠縶，張鈞劉陶之死，實猶以爲未足乎。然則子產火烈之說非歟？曰：火明象也。明其法使不犯而已，不以焦爛爲功也。古之人知英主不世出，昏主亦不世出，故爲中人說法曰：御衆以寬，曰寬則得衆；曰寬而有制，未聞以嚴教者。以宣帝之明而

有意於嚴故趙蓋韓楊之死猶不厭衆心况桓靈乎吳
劉廙作先刑後禮論陸遜非之是矣

ノスル方文集

書戾太子傳後

孟子曰大人能格君心之非又曰求則得之心之所求者事之所有也高宗求賢夢板築孔子欲與周夢周公呂后殺趙王夢爲崇趙武靈欲取吳娃夢美人熒熒而歌豈真有鬼神哉無他心而已矣人之心有所求自知其不能得也而抑之抑則靜靜則心之不存焉者寡矣天子之心有所求自信其無不得也而縱之縱則蕩蕩則心之存焉者寡矣武帝好儒得申公董仲舒好文學得鄒枚好色及歌舞得韓嫣李夫人好刑法得張湯趙禹杜周好財得桑孔好邊功得西夷南越蒲陶天馬好

仙得上林神若嵩呼萬歲好治巫蠱得太子皇后牀下
之木人所謂求則得之道固然也今夫閭巷布衣入則
孝出則弟侃侃自信雖有淫昏之鬼不敢矚其室也武
帝當漢全盛享天下四十餘年何巫蠱之能靈就使希
幸官人怨而詛帝帝果不諱官人非殉葬亦徙居園陵
耳又何益于已而爲大逆此其理皆易知也以帝之明
而卒不知者帝之心在貪生耳求仙既可以長生巫蠱
卽可以短壽故太乙候神之外平日所祀鬼神至于二
百所又令丁夫人維揚虞初等以方祠詛匈奴大宛是
率天下而先爲巫蠱者帝也其爲江充所窺也久矣帝

年高少恩慮後宮美人必有怨者慮左右大臣必有交
結皇后太子者其又爲充所窺也久矣故充者卽文成
五利流也彼以長生誘之此卽以巫蠱懼之而田千秋
者又卽充術也充以木人誣太子千秋卽以白頭翁救
太子其邪正雖殊而巧中則一也當其時有臣如汲黯
賈誼者爲之痛哭流涕深言神仙之必無淫祀之無益
怨女之宜省使帝不以生死動其心不以猜忌存于中
則巫蠱必不發卽發亦必不深治雖有十江充奚能爲
內而宮人外而士大夫未必不免死萬萬數也帝之父
子夫妻未必不以天恩終也然而在朝之臣惟有驚懼

憐。憐。閉。口。奔。竄。者。何。哉。蓋。其。時。當。嚴。刑。峻。法。之。餘。公。卿。皆。斲。走。下。士。救。過。不。暇。而。天。下。之。人。才。固。已。盡。矣。古。之。賢。君。知。其。心。之。不。可。貪。也。而。撻。而。存。之。知。人。才。之。不。可。棄。也。而。禮。而。養。之。人。吾。類。也。殺。一。不。辜。而。得。天。下。不。爲。也。鬼。神。非。吾。類。也。非。其。鬼。而。祭。之。不。爲。也。內。無。怨。女。外。無。曠。夫。其。所。與。居。者。疑。丞。師。保。股。肱。心。腹。而。已。注。詞。邪。說。何。從。而。入。之。然。則。帝。之。表。章。六。經。獨。無。功。歟。曰。務。其。名。不。核。其。實。苟。爲。不。熟。不。如。漢。稗。轉。不。如。文。帝。之。好。黃。老。宣。帝。之。好。申。韓。也。使。武。帝。好。聖。人。之。道。如。好。神。仙。畏。小。人。如。畏。巫。蠱。則。唐。虞。三。代。求。亦。得。之。矣。嗚。呼。惜。哉。

書韓子琴操後

韓子羨里操曰臣罪當誅今天王聖明自謂深得文王心事此高視聖人深求之而愈遠也夫聖人中庸之極也中庸人情之極也文王之囚胡爲乎聞醢鬼侯而嘆也文王之歸胡爲乎聞天散宜生行賂而免也以嘆爲當誅文王不宜自陷於刑矣旣陷於刑而自伏當誅不當僥倖以免矣以紂爲聖明又不當嘆矣若心口不相應而故反之以取媚則迂曲已甚人之生也直文王之生也獨不然乎無是非之心非人也文王其無是非之心乎大雅文王曰咨咨汝殷商女怙倮於中國斂怨以

爲德曰如蜩如蟪如沸如羹其非紂也至矣豈平時非
紂而至美里乃頌紂耶抑美里頌紂而赦歸後轉非紂
耶或此詩非文王所作諒亦不過周公召公之詞云爾
豈周公召公知文王之心轉不如韓子耶稱紂爲聖明
使文王遇堯舜之君其又將奚稱耶當時譖文王者崇
侯也文王歸遂伐崇以當誅之罪幸免於誅而又伐人
以鳴愬何耶蓋文王深知臣罪之不當誅與天王之不
聖明而大義所在則三分有二以服事殷身命所關則
異以行權而以直報怨內文明外柔順易所稱盡之矣
孟子論小弁之怨甚是而於舜則曰象憂亦憂象喜亦

喜然則象殺人舜亦殺人乎其深求聖人語病與韓子同。

書後

嘗笑韓子不讀詩經故有美里操子瞻不讀易經故有武王論易革卦繫詞明言湯武革命應乎天而順乎人安得謂孔子不稱湯武也論語周之德可謂至德也矣明指武王以應上文武王曰予有亂臣一語所以統稱周者兼文王而言以三分有二之業創自文王故也不然武王十有三年中何嘗非服事殷者耶使文王遲至十三年之後紂惡

不悛又安知其不伐殷耶要知堯舜湯武易地皆
然者也而子瞻襲漢儒黃生之牙慧尤覺無味古
琴操曰殷道溷溷浸濁煩兮炎炎之虐使我愆兮
此詩也三代之所以直道而行也過韓子遠矣

小倉山房文集卷二十四

錢唐袁枚子才

鐔硯銘

制硯如連鐔。欲維婁我。惟汝可。

斧硯銘

文事也而武。其制取殺墨如鋒之義。

又

筆可爲刀。硯宜作斧。膏以喻糜。英雄用武。

朴硯銘

石。斫子朴而婉。交墨子不受染。墨子遇之日形其短。

師恩視銘

吾師乎。以此爲困。授之于吾。而荒其莊。嗚呼。

鐘視銘

有扁斯石。鳧氏爲鐘。不窕不橈。搏身而鴻。旋蟲爲幹。龍賓作宮。適用副墨。摹形考工。扣而鳴之。儒名翁翁。

鏡視銘

石與之形。金與之貌。如玉如瑩。亦元亦妙。十二龍賓。藉君作照。

方視銘

面如田。長陌而方。阡潤如泉。細理而靡。顏居萬石之間。

惟。汝。稱。賢。得。之。偶。然。不。名。一。錢。使。主。人。兮。生。愛。憐。居。吾。
語。汝。假。我。數。年。露。滴。硃。研。染。盡。湘。東。八。萬。箋。慎。勿。隨。無。
墨。者。而。與。之。周。旋。

汶硯銘

石。有。汶。密。密。不。罅。墨。可。永。夜。

貨布硯銘

如。貨。如。布。數。硯。以。對。惟。士。之。富。

井田硯銘

耕。于。田。夜。得。息。耕。于。硯。夜。兀。兀。問。胡。不。休。日。期。所。收。千。
萬。年。後。始。有。秋。

竹節杖銘

寸寸節母乃太杖者出人盡怪顛而能扶始知其可愛

方竹杖銘

其狀迂其節拘有欲規而圓之者先生曰吁

都盛盤銘

盧叟製器負重名其漆欲測膠欲堅朱色而昔粹而清
梳巖帳區櫛禁縈飾雕所到罔勿精曹王髹器五觚平
周君畫筴龍輿形公然神妙能追爭我製為盤名都盛
豈支以載量克勝其大不楸欹不傾陰花細纈珊瑚明
頽霞隱隱東方生佩阿耀采龍賓馨鱗羅布列瓊瑤瑛

文房靜對娛心靈星回于天器始成傳之子孫價連城
紀何年作歲在庚

ノブ上馬文集

策秀才文五道

問孔子刪詩書定禮樂修春秋此說相傳久矣然考之
論語惟從先進似定禮正雅頌似定樂其餘俱無明文
夫子自稱述而不作信而好古曰多聞闕疑曰吾猶及
見史之闕文詩書古也凡子所言所好所雅言者也就
有所疑闕之可也毅然刪之而不學史之闕文何也春
秋之夏五郭公至無謂者也逸書之升陬毫姑逸詩之
棠楹素以爲絢皆有意義者也不刪無謂之春秋而刪
有意義之詩書又何也今治春秋者從經乎從傳乎必
曰從經然從經者果束三傳于高閣試問春秋第一篇

鄭伯克段干鄆鄭爲何伯段爲何人克爲何事鄆爲何地開卷茫然雖鬼不知也必曰不得不考于傳矣然則傳所載桓公隱公皆被弑而經皆書公薨隱弑者之寃滅逆臣之迹豈非作春秋而亂臣賊子喜歟若曰爲國諱小惡書大惡不書毋乃戒人爲小惡而勸人爲大惡歟當孔子修春秋時豈逆知將來有公羊穀梁之徒爲之疏解歟抑豈與作三傳之人同時發凡起例而爲之歟左氏韓宣子適魯見易象與魯春秋以爲周禮在魯似春秋爲魯史無疑然楚語莊王傳太子申叔時教之以春秋晉語稱羊舌肸習于春秋其時孔子未修而春

秋一書楚晉二國已傳誦之者又何也

問若稽古帝堯此追序之詞也不于百年何遽稱古然則堯典者夏書耶商周書耶康成訓古爲天稽爲同堯舜同天可也皋陶同天亦可歟凡安國疏稽古爲順考古道而行夫置閏古無有也治水古無有也然則堯之所順考而行者何古也不能先覺而試鯀九載民何辜歟不明試以功而試以二女有此試人法歟納于大麓果卽捐階焚廩意歟抑是大錄天下之政歟歲二月東巡至十月而五嶽已畢天子之車吉行三十里其周流得及歟未子註詩不取傳箋頗爲昔人所訾然毛鄭以

召南平王爲平正之王周頌成康爲成安祖考之義改
前王之謚法以張其私說楚茨諸篇皆田功祭祀之事
而以爲刺幽王采蘭贈芾不無男女之思而以爲刺國
政履帝武敏明似高辛之從而必以爲感人道曾孫來
止是成王勸農而必以爲與王后同行朱子廓清之功
安可少歟然朱子所謂寡婦見鰥夫而欲嫁之及淫婦
爲人所棄云云亦卒無考而黍離一詩或以作者爲箕
子爲衛伋爲伯奇關雎一詩或以作者爲畢公爲后妃
爲應門失守其將誰信歟

問論語古註訓學字爲誦習朱注學之爲言效也因說

文學字中有文字易云交者效此者也以效訓學義蓋本此然人情誦而習之悅也效人之所爲而習之何所悅歟子曰敏而好學曰則以學文曰博學于文曰思而不學曰學詩曰學易學似主誦習說而子路曰何必讀書然後爲學則直指讀書爲學尤彰明矣宋儒乃以多讀書爲玩物喪志何歟使解學字過高則聖人十有五而志學之時已足包括不惑知天命而又何必再加數十年之閱歷歟然孔子稱顏淵不遷恕不貳過爲學似又與讀書有間豈古之讀書非今之讀書歟且今之三尺童子誰非誦周南召南者而卒之正牆面而立者曰

首猶然又何也。

問正統之名始于北宋道統之名始于南宋夫所謂正統者不過曰有天下云爾其有天下也天與之其正與否則人加之也所謂道統者不過曰爲聖賢云爾其爲聖賢也其爲之其統與非統則又私加之也夫人心不同各如其面或曰正或曰不正或曰統或曰非統果有定歟無定歟唐以前作史者時而三國則三國之時而南北則南北之某聖人也從而聖之其賢人也從而賢之其說簡其義公論者亦無異詞自正統道統之說生而人不能無惑試問以篡弒得國者爲不正是開闢以

察惟唐虞爲正統而其他皆非也以諫無道者爲正則
三代以下又惟漢高爲正統而其他皆非也此說之必
窮者也然論正統者猶有山河疆宇之可考而道者乃
空虛無形之物曰某傳統某受統誰見其荷于肩而擔
子背歟堯舜禹臯並時而生是一時有四統也統不太
密歟孔孟後直接程宋是千年無一統也統不太疎歟
甚有繪旁行斜上之譜以序道統之宗支者倘有隱居
求志之人遯世不見知而不悔者何以處之或曰以有
所著述者爲統也倘有躬行君子不肯託諸空言者又
何以處之毋亦廢正統之說而后作史之義明廢道統

之說而后聖人之教大歟

問格物致知考古書格字雖有十八解而朱子以讀書窮理當之自是不刊之論惜其所補本傳不無語病曰窮致事物之理以造乎其極天下物無窮則格亦無窮曰一旦豁然貫通學者格無窮則通亦無日未免啟人之疑按先儒有以知止一節至物有本末事有終始爲格致本傳者此正合乎朱子之說而其理較精子曰文武之政布在方策此非治國平天下者所當格歟易曰多識前言往行以畜其德此非修身齊家者所當格歟多學而識是非夫子之格物歟一以貫之是非夫子之

致知歟然則大學所謂物豈一蟲一鳥之物所謂知豈一寸一節之知歟子靜陽明求其解而不得乃創爲尊德性致良知之說以爲萬物備于我不必求于物審是則邇之事父遠之事君尊其德性而不必學夫詩也子入太廟子所雅言致其良知而不必詩書執禮每事問也以孔子之良知當不在子靜陽明下而何以終日不食終夜不寢以思無益者何耶又何以必至齊而后能聞韶必返衛而后能正樂必問于郊子老子而后能知官知禮耶袒陽明者動云良知二字本于孟子不知孟子之語業已可疑夫孩提之童無不知愛其親者非愛

其親也愛其乳也早離其親而使他人乳之則雖中上之資亦未必不以他人爲母而終身不知其親矣今將致其索乳之良知而擴充之則徒近乎告子食色爲性之說而與聖道愈遠蓋亦廣咨博訪必如孔子問聊曼父之母而后知父墓之所存歟及其長也紘兄之臂者亦頗不少是亦足爲良知而擴充之歟或孟子陸王皆中人以上之語不可以語下而論格致者終當以朱子爲正歟

論語解四篇

諸子百家冒孔子之言者多矣。雖論語吾不能無疑焉。夫子之所最重者仁也。以顏子之資僅許以三月。其他令尹子文陳文子皆不許也。何至於管仲而曰如其仁如其仁。管仲果仁矣。天下有仁人而器小不儉且不知禮者乎。天下之知禮能儉且器不小者。或未必仁也。騰口說而持之過堅。使前後不合。後世之慎言語少許可者。且不然而謂聖人然乎。然則何以有此。曰論語有齊論魯論之分。齊人最尊管仲。所謂子誠齊人也。知管仲晏子而已矣。以管仲爲仁者。齊之弟子記之也。故上篇

齊桓公正而不譎。下篇陳成子弑簡公。非齊論而何。魯人素簿管仲。所謂五尺之童。羞稱五霸。以管仲爲無一可者。魯之弟子記之也。故上文哀公問社。下文子語魯太師以樂。非魯論而何。均有僞託未足爲信。然則聖人之言如何。曰人也。奪伯氏駢邑三百。沒齒而無怨焉。善善從長。譽而不過。此聖人之論管仲也。

論語一書。須知命名之義。論議論也。語語人也。自學而起。以至卒章。皆與人議論之語。而非夫子之咄咄書空也。記者記其言而不記其所。以言致註疏家。往往望礙。其答弟子問者。則詳於師說。而畧於問辭。記言之體。應

爾也。孟武伯、孟懿子及游夏問孝，聖人答之不同。仲弓、顏回、樊遲、司馬牛問仁，聖人答之不同。子貢、子路、仲弓問政，聖人答之不同。宋儒以爲就人所不足者教之，非也。當時問者各有其人之議論，而夫子爲之折衷記言者，不詳載問詞而統括大義，則曰問仁、問孝、問政云爾。人非木偶，豈有言無枝葉，突然舉一字以相問者？况仁孝致一問可也，何必重複問耶？一人問可也，何必各人問耶？顏淵問爲邦，夫子合三代之當，時周德雖衰，天命未改，夫子從周之意，惓惓不忘。一旦生今，反古斟酌，百王豈以顏淵爲五百年之王者哉？當時顏子非問爲

邦也論時論輅論冕論樂如今之論史者然記者不欲舉其辭則統括之曰問爲邦云爾夫子如其問而定之時則夏輅則殷冕則周樂則韶亦如今之論史者然其他爲邦之兵農刑政不問則不答也不然豈有南面爲君僅頒一厯乘一車戴一冠奏一部樂而竟謂治國平天下之道已盡於此乎疑孔顏論爲邦必不簡畧至此然則何以證其各人之問不相同歟曰子路問聞斯行諸子曰有父兄在冉有問聞斯行諸子曰聞斯行之此則兩人之間相同也而夫子答異其時公西華惑且問矣若孟懿子孟武伯游夏仲弓樊遲司馬牛數人果問

同而答異則在旁側耳者豈無公西華其人起而一問其所以不同之故耶倘諸人於相見時各述其先生之說又安能不違如愚而不互相質難耶蓋公西華之所以疑者問同而答不同故也公西華之所以不疑者答異問亦異故也犁牛之子云云或與仲弓論人才或與仲弓論郊祀俱不可知而仲弓之言不載從所畧也不明記言之體而強解焉于是史遷謂仲弓父賤何晏謂仲弓父不善朱子謂司馬牛多言而躁樊遲麤鄙近利皆以意爲之不可爲典要

如或知爾則何以哉問酬知也會點之對絕不相蒙而

夫子何以與之王充以舞雩爲祭名童子爲歌童未免
附會吾以爲非與曾點也與三子也明與而何以實不
與曰沂水春風卽乘桴浮於海也從我之由卽吾與之
點也子路聞之喜卽點之從而後也赤也爲之小孰能
爲之大安見方六七十如五六十而非邦也者層層駁
斥卽由也好勇無所取材之責也聖人無一日忘天下
而門下子路能兵冉有能足民公西華能禮樂三子之
才雖不言夫子已素知之第問之試其自信否旣自信
矣倘明王復作天下宗子與三子各行其志則東周之
復期月而已可也無如轍環天下終於吾道之不行不

如沂水春風一歌一浴較浮海居夷其樂殊勝蓋三子之言畢而夫子之心傷矣適會點曠達之言冷然入耳遂不覺嘆而與之非果與聖心契合也如果與聖心契合在夫子當莞爾而笑不當喟然而歎在會點當聲入心通不違如愚不當愈問而愈遠且受嗔斥也蓋歎者有悲憤慷慨之意無相視莫逆之心夫子之好學也至矣曰飽食終日無所用心難矣哉曰賜也賢乎夫我則不暇樊遲從遊於舞雩問崇德修慝辨惑曰善哉問遊不忘學爲善而顧乃不學而遊乎夫子之欲仕也至矣爲委吏爲乘田公山佛肸召皆欲往其喜人仕也又至

矣

使

非

宋

因

沮

子

夫

弗

否

也

之

也

僖

物

也

曰

也

也

也

淫陰事也。中才之人不道人曖昧而况聖賢乎。而况園
后乎。夫子何人而子路以劉楨平視之意測之。太鄙。朱
子註大夫人國有見其小君之禮。此語雖不見經傳。然
聘禮載同姓之國。夫人使下大夫勞使臣。以二竹籩。魯
衛兄弟也。君夫人與外臣通問禮也。原不計夫人之賢
否也。孔子不引禮以折子路。而乃急而援天以自明。更
鄙。予以爲子路仕孔文子者也。孔文子出公黨也。子路
賢人也。且勇者也。賢而勇。但知食人之祿。患人之事。而
不暇總全局以審其大聖人固不然。衛君待子爲政之
間。意欲夫子之助出公也。不料夫子之忽答以正名也。

玩必也二字之神。夫子亦早知子路之意。而故鄭重其詞曰。必如是則我爲政。不如是則我不爲政也。子不仕於無父之國也。云爾。於是拂子路意。而以爲大迂。其墨墨然不悅也久矣。冉有者。子路黨也。不得已再托子貢探之。子貢又不得已假伯夷叔齊以探之。其不得已何也。兩賢皆知夫子未必爲衛君。而誠慮道破轉無味。故也。乃夫子復有求仁得仁之語。而不爲之意。昭然若揭。則子路聞之。又必墨墨然不悅也久矣。一旦子見南子。子路以爲出公南子所立也。子既不爲出公。又何必見南子。言與行違。其所以不悅者一也。南子專政者也。又

能敬遠伯玉而知賢者也。倘敬夫子而夫子告以正名之迂說，又告以求仁得仁之故事，未必不動其母子之天性。召荆驥黜出公而孔文子且有旦夕之禍，其所以不悅者二也。公山佛髀章所稱子欲往者，將往未往之詞，子見南子明是已見之詞，已見則夫子必有與南子問答之語，記者雖不載而子路當時必知之，其所以不悅者三也。然則夫子何以矢之曰：此夫子之怒詞也。怒野哉之由，屢說不明，故不得不以中人以下之語教之也。言予之正名乃天經地義也，使予見南子而不告以正名爲急，則將獲罪於天而天且厭之矣。天之所助者

信也。人之所助者順也。名不正則不信，不信而天將厭之。曰由也，不得其死，然曰柴也，其來由也死矣。皆天厭之之明證也。子疾病，子路使門人為臣，意非不善，而夫子亦呼天而斥之，何也？按儀禮喪服章，家臣為大夫斬衰三年，以大夫而上同天子僭也。此後進之禮樂也。夫子平日惡之久矣，然而不言者，居是國，不非其大夫也。耳。一旦疾甚而幾自陷於大不韙，則病間而安得不呼天以怒耶？子路賢人也，且勇者也，但知忠君耳，但知尊師耳，不暇總全局以審其大鳴呼此聖人賢人之辨也。

正名者何？曷註正百物之名？鄭康成以名為字義，余獨取朱子不父其父而禰其祖之說語氣較近。

小倉山房續餘文集卷二十五

錢唐袁枚子才

坐觀垂釣賦

爲莊念農作

子才子息志塵鞅棲神元妙迥謝軒冕日事漁釣過其
友莊先生而傲之曰子亦知夫釣之樂乎當子之稀膏
棘軸而邀蠶于康衢也吾則琅玕三尺冰蠶一絲馳波
跳沫與水爲嬉當子之僕邀相從跽莊鞠踞參衙府而
不得舒也吾乃投亞九飯祝一鮒魚伸眉肆肘天不能
拘思子之樂樂不我如胡不易子之所事而娛吾之所
娛莊先生曰不然吾聞好酒者溺好獵者驚當局者悞

芳觀者清故五采之藻。裘服之者不見而見之者耀焉。
五音之笙簫吹之者不聞而聞之者妙焉。當夫霜竹浮
陰風梧散葉夕炤千里碧雲一色水蕩影以鱗鱗魚浮
空而戢戢乃命童子坐危石俯深流投醜扇以爲餌削
焦銅以爲鉤或沉或浮載泳載游余不持一綫但瞪雙
眸試操縱之有道任貪廉之自求彼得吾不喜彼失吾
不憂杼澹觀於物外何筌蹄之足謀於是神如東王公
之鯉大如任公子之鰲年如姜尚父之老臺如嚴子陵
之高入吾目兮不過一瞬當吾坐兮不過終朝釣鯉魚
而無羨乎尼父會大都而奚夸夫魚刀子但知垂釣之

樂。而。鳥。知。季。坐。觀。垂。釣。之。逍。遙。子。才。子。於。是。嗒。然。意。入。
擱。然。神。爽。一。葦。蠟。蘆。投。繩。釋。網。叩。舷。而。歌。曰。巧。人。之。巧。
坐。而。息。兮。地。人。之。拙。垂。竿。立。兮。吾。欲。作。書。與。魴。鯉。慎。出。
入。分。辰。如。之。人。大。巧。而。有。愚。色。兮。

笑賦

陸大夫本無笑疾。養空而遊。所見人士
其蔽莫測。其由付之一笑。啞啞不休。則
銅山又起。屢覆前車。仍循舊軌。廣斟惟
知有造。必化無泉。不瀉縱置。筦鑰于枕
泉下。贈百萬與何人。無一言之報謝。又
熱官自投苦縣。自上危竿。取下千怨。博
而異獲。或始笑而終歎。從高墜者。輒碎
然後。鶴唳思聞。尊羹想餐。不已慎乎。又
出是慕不學。顏含思尋。管輅王莽。所信

則黃。原。少。日。卜。葬。則。青。山。無。墓。見。衛。士。而。頭。低。望。神。巫。
 面。部。步。百。鬼。集。于。胸。中。五。行。遮。其。前。路。捨。王。道。之。蕩。平。
 墮。喪。身。于。雲。霧。又。有。蒲。博。呼。盧。葉。子。作。戲。每。一。登。場。如。
 厖。止。吹。牌。子。營。然。神。魂。囚。繫。屏。珍。羞。以。忘。餐。置。妻。孥。而。
 苦。藥。一。息。尚。存。六。時。不。廢。試。清。夜。以。捫。心。終。不。知。其。何。
 味。又。有。丹。訣。大。悟。蒲。團。小。參。受。錄。自。喜。長。齋。自。甘。捨。名。
 教。之。樂。地。誦。梵。咒。之。喃喃。斬。半。菽。于。戚。里。揮。萬。鎰。于。伽。
 藍。廣。陵。則。妖。亂。有。志。臺。城。則。餓。死。難。堪。凡。此。千。秋。之。惑。
 皆。出。一。念。之。貪。至。于。誦。習。詩。書。瞻。覽。宇。宙。何。必。鈇。劊。苛。
 碎。清。曠。似。豆。披。臙。顏。裕。遂。康。成。後。黨。枯。骨。以。死。手。抱。陳。

編而苦鬪卒之。古人不生長夜不晝徒相毆于昏黑終不知誰之勝負亦有困于習而心昏縛于教而自束繩趨溝衷龜腸蟬腹埋不經于心見不出于獨寧顯悖夫周孔懼小違于濂洛如蘼蠹之藉角作耳如水母之以蝦爲目甚至八翼沖舉一行未讀相引爲曹高冠簇簇方且選才俊而秉均油焉若諸人者紛紛藉藉究究居居其氣多滯其質本愚雖有盧扁之藥不能祛其疾惠莊之辨無以釋其拘君子洞觀物外手暗擲揄不得已而虛舟相值愧謝不如拈花無語舉杯相於惟齷然與筮爾不能忍于須臾。

刑部尙書加贈太傅錢文端公神道碑

今天子優禮文臣。稱爲江浙兩大老者。一爲沈公德潛。一爲錢公陳羣。沈年雖高于公。爲後進受知。今上而公則受知。聖祖。世宗贊國家文明之治。先沈二十餘年。故薨後。天子加贈太傅。賜祭。塋諡文端。崇祀賢良。一切恩禮較沈爲尤隆。非徒眷舊臣兼以重先朝也。公爲錢武肅王十四世孫。高祖富一公始遷秀水。生而敦敏。愛讀書。母陳太夫人躬自課督。公貴後。繪夜紡授經圖。皇上題詩獎許。以康熙甲午舉人辛丑進士。改翰林庶常。世宗登極。召見曰。錢陳羣不獨女佳人。

亦好遂以編修主試湖南旋遷學士視畿輔學政乾隆
元年擢通政司右通政丁母憂服闋補原官累遷禮刑
兩部侍郎加經筵講官充乙丑會試總裁主江西丁卯
庚午兩科鄉試壬申病 上命太醫診視予告歸里公
天才警敏藻思空湧每扈從賡歌帳殿前諸黃門環而
伺之晷刻未移百韻已就歸田後 上有吟咏輒寄示
公絡繹往來至于餘首凡國家大禮畢武功成公必進
雅頌數十章 璽書褒美賞資不可紀極辛未南巡
命閩召試諸生卷丁丑南巡 命在家食一品俸壬午
南巡晉刑部尚書銜乙酉南巡加太子太傅賜劬子汝

器舉人辛巳視 太后七十萬壽 命與九老會 賜

杖入朝辛卯祝 太后八十萬壽 命紫禁城瀛臺騎

馬偕九老遊香山圖形內府 上于公若有宿契每入

見 聖心先怡公亦事君以誠承顏抗詞動引書語頌

不忘規民隱必告壬午公子汝誠典試江南 上先諭

總督尹文端公招公遊攝山俾父子歡會 聖壽六十

念公老難北行 命沈文懋公往嘉禾互相勸止公進

竹如意 上批劄云未頒僧紹之賜恰致公遠之貢文

而有節把玩良恰今賜卿木蘭所獲鹿服食延年以俟

清晤凡此 恩意周摯皆出于尋常控揣之外龍光湛

卷二十五續

濼海內榮之公雖研深文學而于政治尤通明雍正七年爲陝西宣諭化導使宣講時有姦民某闖入聽講公異其狀命遮留之果邑中捕者至乾隆十九年僞稿獄與公家居矣密奏姦民主名未立請緩窮治以省株連奉旨嚴飭俄而諒其誠悃寵眷如初公任天而動倜儻和易口汨汨如傾河汲引後進酬應翰墨必躬必親日不暇給然能廢心而用形人人滿所懷以去而體益聰強構宅雙溪之西春秋佳日輒偕故人野叟遊桑麻間常至古杭聖湖小住信宿見者或以爲元老或以爲神仙幼有至性弟死未殮公抱尸臥糞濫屢使避太

夫人至見公身冷如冰乃哭而止之官通政使時以應
得已身封典諡 封外祖母 上許之遂著爲令公諱
陳羣字主敬號香樹又自號柘南居士兩娶于俞氏皆
誥封夫人三代贈如公官子七人長汝誠官刑部侍郎
次汝恭汝懋汝豐汝隨汝弼汝器皆有官秩女九人薨
年八十九葬

銘曰 文思天子張咸英臯陶庭堅方降生爽鳩氏代
鳳鳥鳴奕奕錢公輔聖清肫然明允更篤誠爲士作鑑
文持衡有茅必拔賢必登義刑義殺廷尉平惟公折獄
能引經天牢雖空臣疾攫昧死上疏求歸耕 上帝耆

之詩。寵行東門送者。車千乘。爭羨白鶴翔蒼冥。誰知在
野。如在廷。羹醲舜薰時。和廣君臣師友相。合并四河八
海。無河名五年巡狩。鑾輿迎羣臣之中。喜見卿子牟。
魏闕江湖情。能無銜感涕沾纓。韋孟雖歸王室爭。丹忱
足照青史青。傷哉頽光大老驚。帝猶批勅期遐齡。
龍章雖來臣目眩。中涓捧祭馳新塋。有擘其容圖殿庭。
龜銀後祚隆。隆升實盱實覃多孫曾。公委化矣公永寧。

原任浙江巡撫盧公神道碑

乾隆四年兵部右侍郎盧公巡撫浙江枚乞假歸娶謁
公于南衙一見如舊相識矜寵甚盛次年枚官京師聞
公被劾天子命內大臣汪札爾往按其事獄兩月不
具浙之氓呼喚罷市篡公於頌繫所昇至吳山神廟中
供舖糗粢盛者如牆而進所過處婦女呼冤躅足數萬
人赴制府軍門擊鼓保留制府德公據實奏聞天子
知公無罪而又不欲長黔首之刁風也遣戍軍臺一時
朝野駭公能得民枚亦疑公果何術以致之後四十餘
年公子崧以貞石未建來索銘幽之文讀其狀方知公

自縣令至任封疆忠勤惠愛終始一貫以故誠能動物應如臍蠶初非違道干譽之所能襲取于須臾宜備書之抒部民之思爲大臣之式謹按公諱焯字光植號漢亭奉天鑲黃旗人先代從龍世襲恩蔭祖崇興官江西布政使父承倫官大理寺少卿公生而岐嶷粲粲有才以功業自期初知武鄉縣縣有均徭錢供差費而遇差仍按里派夫公革除之有豪家莊頭倚勢凌民公大創之有巨盜四十餘家公剿絕之遷知亳州州俗好鬪有白帽鐵帽諸黨公擒其魁餘黨解散擢知東昌府署登萊青道實授河南南汝道遷按察布政兩使巡撫福建

今上元年謫浙江落職再起授鴻臚寺少卿巡撫陝西
再落職 命往巴里坤哈密協理軍需事竣還家年七
十五薨公抗爽而和與衆人語姝姝然不衣自暖然義
之所在赴若江河之決武邑災公開倉賑饑東昌災公
放隄水入運河飭各屬開倉賑饑俱不待報請便直行
事浙江海塘恃尖山爲保障壩工屢圯公親臨築成

上喜 御製碑文以賜西陲用兵湖北奉部檄運歸化
城米往軍前公慮道遠費重奏請以陝西采買者就近
先撥 上嘉之謂深得大臣敬事之道當田文鏡總督
河東時政尙苛嚴司道以上莫敢櫻其鋒東昌一郡所

訪至二十餘案。囚纍纍。獄不能容。公到登時。判遣囹圄。爲空田。心銜之卒。亦無如何也。公爲政大概。以膽決濟。其仁心。福建前任撫臣奏。建寧田糧較明季少十之五。六部議按。敵均攤。公奏請先丈量。而後酌增。上許之。文無虛浮。其事遂寢。鹽販拒捕。有登山者。總督某欲用兵。公止之。而密遣官禽獲。首犯分別杖懲。卽時案結。豫省黃河遷徙無常。兩岸爭地。訟牒債輿。公曉以漲則升科。坍則豁免。一言而訟息。湖州費氏大族也。有兄公某。訟其弟妻李氏之姦。公不忍以曖昧事。污人名節。爲平反之竟。以此獲譴。然有識者觀公之過。知公之仁。公揚

休玉色軒軒霞舉長鬢飄然望而知爲公輔從武鄉遵
餉入都年才強任世宗召見卽賜飯賜豐貂墨刻香
珠等物捧至殿外又喚入命聞寫年庚具奏嗚呼公
日後塵旌擁鎮垂三十年皆由此時特達之知然以縣
令微員薦引無人而簡在帝心一至于此雖公之儀
狀奏對必有異乎尋常者而卽此可想見世宗之聖
德如天求賢若渴矣遭逢之盛至今聞者猶爲泣下所
著有觀津錄牧臺政畧秉臬申州錄撫閩撫浙畧數十
卷配周氏以覃恩誥封夫人副室崔氏以子貴誥
封宜人皆以己丑年四月合葬於拱極山之高原禮也

子五人長山蔭工部主事次崧官衛輝太守次嶠次嶠
次蚪女六人孫九人 銘曰屋漏在上知者在下圭恩
易。邀。民。口。難。借。翠。翠。盧。公。氣。如。春。夏。弊。絕。吏。瞿。樂。與。人
化。鏡。磨。愈。皎。衣。涅。不。緇。屢。起。屢。躋。未。竟。其。施。人。爲。公。惜
公獨道然委運任化知我者天天眷良臣令終壽考樹
蔭幽宮鶴歸華表

經筵講官兵部尚書彭公神道碑

乾隆四十九年六月兵部尚書彭公薨于里第遺疏上
聞。天子震悼一時士大夫走位相弔泣且歎曰先
皇帝老臣盡矣存者惟嵇相國爲先輩而彭公科尤先
海內望之如晨星孤月倘假一二年重宴鹿鳴瓊林豈
非熙朝盛事而天偏靳之悲夫然公之清節重望恩
榮壽考于古爲稀勒之貞珉備國史之採不可廢也其
同館後進袁枚受公知五十年爲按其狀而銘之曰公
諱啟豐字翰文應鄉舉時芝生庭中因自號芝庭先世
由江西遷蘇郡之長洲祖定求康熙丙辰會試殿試俱

第一父正乾考授州同知三世皆以公貴誥贈光祿大夫吏部右侍郎公貌清羸長不踰中人而風骨珊珊如鷺飛鶴翔凌風欲去雍正三年舉于鄉四年會試第一殿試亦第一大學士張文和公奏科名與而祖同世宗喜卽召入南書房七年充河南鄉試副考官時未散館而有是命皆異數也十三年遷左春坊左中允今上登極之元年遷侍講累遷至侍讀學士通政司左通政吏兵刑三部侍郎尋授兵部尙書充經筵講官兩聖人知公廉明能文章凡掄才大典倚公如金鑑命校順天鄉會試者三主直省試者七視學政者二經歷

滇。南。中。州。江。右。山。左。浙。西。輔。軒。所。臨。庶。士。權。逐。其。他。讀。
卷。殿。上。及。闕。回。遊。拔。貢。教。習。朝。考。召。試。諸。卷。皆。疊。次。
任。委。連。綿。不。斷。公。亦。飭。躬。齋。心。克。與。上。意。相。副。從。江。
西。還。奏。所。過。宿。州。有。司。賑。災。不。實。又。奏。請。敕。各。省。學。臣。
見。督。撫。毋。卑。諂。應。遵。會。典。儀。適。上。是。之。在。浙。時。奏。官。
河。宜。開。濬。漕。費。宜。遵。舊。制。毋。浮。收。本。省。官。出。巡。應。額。限。
役。夫。毋。過。于。名。任。兵。部。時。奏。武。職。銓。補。遲。速。不。均。宜。與。
卓。異。官。均。以。雙。單。月。輪。班。間。用。奏。馳。驛。官。奉。使。者。有。廩。
給。口。糧。而。夫。役。俱。向。驛。站。借。雇。慮。開。多。索。二。應。之。漸。宜。
停。例。支。改。一。馬。三。夫。上。皆。可。其。奏。發。部。議。施。行。當。是。

時 士方嚮用公適有同部兩侍郎不相中造蜚語聞

上引公爲證 上問公公對未聞 上疑有私隆爲

侍郎越二年以原官休于家先是公乞養歸爲娛奉太
夫人故簣山澹池蒔花竹極園林之勝至是再歸山水
益清幽樹益茂公擁萬卷嘯哦其間雖大耋聽強不衰
或春秋佳晨出遊石湖寒山士女皆知兩朝元老擁觀
塞路初公侍 內廷時 世宗賞大臣福字偶未及公

特手書以賜侍今 上泛舟賞花釣魚 命和詩至

二百餘首所賜珍玩無算祝 皇太后萬壽與九老會

圖形中禁金川蕩平公迎 駕山東進凱歌 恩復尙

書銜與宴在江南三次迎 鑿皆召見 溫諭四十九
年公迎 駕跪龍泉莊 上遙望見卽 命侍衛扶起
命秋冬北上與于叟宴公方感 上恩修安車欲行
未及期以無疾終年八十四性峭直稍不可于意卽形
詞色然過後輒不省慊慊自下遇布衣文學之士皆抗
禮與鈞枚弱冠入都卽奇賞之聞其入彀特呼車往賀
主司得人晚年猶端書細字往來唱和尤密常語人曰
袁君非徒詩文佳也聽其議論如魯公書徹透紙背其
見知如此妻宋氏 誥封一品夫人子五人長紹謙山
東桃源同知次紹觀翰林侍讀學士次紹咸增廣生次

紹升丁丑進士次紹濟尙幼女三人其一適常州學士
莊公培因甲戌科殿試第一孫十二人皆有科名曾孫
六人

銘曰庭實九獻特達圭璋簫韶九成來儀鳳皇天生彭
公爲世休祥履星辰上立日月傍帝畀玉尺東度西

量公洗心眼清儷冰雪萬蟻戰酣一燈破黑拔茅使高
升珠使跳爛其盈門八座三貂抒所蘊畜施于爲政解
豸爽鳩屢拜寵命周官司馬權重中樞公靜鎮之四

海宴如帝謂古賢七十懸車卿年已屆可以歸歟公
拜稽首聖恩優老臣願歸田咏歌天保都人羨公祖

茂盈道一十七年煙雲花鳥臣請 主安 帝問卿好
以其餘閒爲書院師胡瑗孫復歐范優爲以其餘福蔭
及孫曾玉堂蕊榜綿綿繩繩齊門之外新塘之東百尺
華表萬古清風

小倉山房文集

原任湖北巡撫太常寺少卿程公墓志銘

公程姓名燾字九峯號雲軒系出新安之臨溪六世祖
士麟遷杭州艮山門外之笕鎮公生而孤露家極貧持
缺益盛淖糜母子分以療饑以戊午舉人補中書軍機
處行走遷武選司主事引見以御史用出爲甘肅洮泯
道奏母老改江南驛鹽道遷安徽按察使再遷布政使
調陝西巡撫湖北剪髮獄起仍降江西布政使補太常
寺少卿以病免公性僕直勇曳任氣有所懷雖權貴前
必達其意任兵部事繁誤軍機處傑直之期傅忠勇公
語人曰九峯久不來想戀兵部耶如彼處樂可不必再

來軍機。公聞之。佛然曰。兵部軍機。皆國家事。相公不當分畛域之見。程燾才拙。僅能料簡一處。無分身法。卽遣人往軍機處取直宿行李。忠勇公笑曰。人言九峯。慧九峯。又慧耶。然其言甚正。盍爲我婉留之。同事者再三云。公始往。公常言世之論仕者有二失焉。其一以爲功名可力取也。于是通苞苴。事造請以求之。其一以爲功名不可以力取也。于是玩時愒日。而百事廢焉。不知不可求者。官也。不可不求者。官之事也。一階級有定數。而可妄冀乎。一斛粟皆君恩。而可素餐乎。以故公所任事。專務先難。從忠勇公傳。恒平金川。從大司馬舒公赫德。

觀兵滇黔再從陝甘總督黃公廷桂平定伊犁經田葉爾欺不阿克蘇地方繩行沙度二萬餘里心計手畫不知渴饑諸大臣倚賴甚重而上亦因是深知公爲按察時六安州有河南祝姓者詐僞事發誣引河南寶鬚子寶不伏公命脫械雜長鬣者數人令祝指認祝茫然寶竟遂雪公又常云周道如砥其直如矢凡斷案引律貴得大中不可上奏屢卻因其輕用雖字以揚之欲其重用但字以周內之以故公折獄過慎夜閱決事比持燭折聖瞿瞿申旦勞積疾生舌本中穿漸裂以犬醫曰此心血竭火債興之故也竟以不起年六十四先娶金

氏再娶胡氏子二長承獻次楷孫四人塋

路曰。毀。毀。而。能。行。者。真。也。隆。隆。而。仍。勞。者。勤。也。無。稗。政。故。能。撫。其。軍。也。有。仁。心。乃。以。儻。其。身。也。古。而。不。今。嗚。呼。哉。其。人。也。

廣東雷瓊道按察使司副使金公墓志銘

乾隆丁巳子寓薦主金少司寇家見其從子序倫知原
守濟南被劾歸旗貌軒偉甚日與余朝夕狎宴飲諧謔
相得也已而起廢外用遂別去戊戌冬其子岳爲蜀中
司馬寄信屬余銘墓余弱冠卽受司寇恩今老矣雖其
家之一釐息一童孫有所誣謗詎不敢辭而况君與余
素有撫摩之好者哉謹按君諱允彝字序倫一字懿亭
饒白旗人工部侍郎永錫公之孫宣化府厚庵公之子
行六年未三十循例得南豐縣丞遷兗州府金鄉縣知
縣辦災課最調宰蓬萊引見時奏對詳明世宗大悅

賜。饒。賜。豐。貂。擢。濟。南。府。知。府。君。既。世。家。又。驟。受。天。子。恩。以。才。自。負。與。按。察。使。唐。公。綏。祖。不。相。中。而。唐。又。總。督。田。文。鏡。所。擢。用。也。據。揭。劾。奏。卽。合。唐。鞠。訊。之。考。掠。至。再。君。無。效。詞。當。是。時。司。寇。公。巡。撫。廣。西。密。奏。此。案。有。寃。

世宗命吏部尚書劉於義刑部侍郎牧爾登會同山東巡撫岳濬覆訊所劾果虛僅以失察書吏罷官 皇上登極召見授鎮江府同知遷廣東南雄府知府調潮州再調廣州擢雷瓊道未半年喉痛卒年五十八嗚呼當田文鏡柄用時一時文武大臣望風噫喟無敢撻其鋒司寇公爲君叔父尤當避嫌而乃毅然飛章入告 世

宗不加之罪。竟別簡大臣爲之。案覆以示大公。以昭聖
人之無我有是哉。君臣之際。至於如此事。隔數十年。草
茅聞者。猶爲流涕。而在君當年之身受者。更何如也。君
娶夫人楊氏。生子四女。二長子岳。初任廣西羅城令。以
于清端公會宰。是邑故考其遺事。刊板流傳。嗚呼。公之
子慕善如是。亦君之庭訓使然耶。葬某
銘曰。寶劍起矣。直木擠矣。危而後光。能有幾矣。嗚呼。金
若樹樂于墳。其母忘。天子之德之仁。

小倉山房
文集

誥授通議大夫陝西按察使秦公墓志銘

余榜中得人最盛爲銘其墓者禮部尙書沈文愨公工部尙書裴文達公而外惟我陝西臬使秦公公以甲辰舉人內閣中書中已未進士殿試第三人授翰林院編修改官九江府知府調廣信府服闋引見再授平陽府知府特遷西安按察使在任九年乞老疾歸卒于商州旅次年七十一公貌清挺長身藍立鬚飄飄若神與人交坦中任真終始如一雖以文學受知今上而未遇時曾參幕府習刑名故歷外任二十餘年所張施條奏無不上俞下頌九江鹽無坐商零販者必赴省驗收

關稅夫錢浮費無算公請大府咨撥省商徑赴儀徵買
運抵郡銷售鹽價以平玉山縣姦民喻開士與監生朱
捷山有仇造逆匪馬朝柱偽劄投棄路傍邑宰某惑之
將興大獄公呈馳訊鞠雪其冤長武縣民尙景福等強
借籽種毀書役廬舍公審知皆飢民非盜也殲厥渠魁
餘皆省釋貴溪有案相似參將許承麟將以盜報公往
止之申辨良久許不可公忿而歸須臾許求見長跪謝
曰頃公所言老母在屏後悉聞之責我不聽仁人之言
怒而不食今我受母命來承公教矣遂徒一人杖三人
而案以定律截殺死一家非死罪三人者斷斷財產

二人者不在此例公奏一家中雖人數不一然已殺二人則其中豈無孤寡倘屍主煢煢無告而凶犯妻子仍擁厚資於義何當請嗣後凡殺一家非死罪二人者亦給與罪人財產一半 上深是之載入則例中公雖用法寬然於大猾無所縱如葭州衙差大荔高陵兩縣之積匪某皆以罪浮于法特置重典所到處必葺橋梁崇書院禁溺女卹災禱以故耆民髦士皆迎拜車前歌呼祝延分校乙丑會試得李因培張紹渠等仕至公卿識拔靈石縣武童何道深官貴州遊擊 王師征緬時死錫箔之戰崇祀昭忠人歎公知人之明性不飲酒在諸

同年席上專覩七筭者公與子二人而已。

健資號柱川爲朱龍圖學士少游先生二

大以豐簪紱盈門從堂弟文恭公亦以丙

大河憲父曾榮前母王氏母徐氏俱以

例妻徐淑人先公卒子鼎雲拔貢生公歿

秦中城隍神者余恐蒙韓昌黎羅池廟記

載云

銘曰廉不劇劇何用不臧明能恢恢何弛

公星降文昌初以其耀照臨玉堂繼以其

更也而良刑也而祥橫目冒彰額手稱慶

錫以銀黃天祐有德俾其壽康委化順終塋開原鄉橫
山化臺宰樹鬱蒼

小倉山房文集

原任禮部侍郎齊公墓志銘

乾隆元年秋余與齊公次風同試博學鴻詞于保和殿
一時士論僉以實學推公及榜發 欽取十五人公果
與選余雖報罷而公念同徵之誼最殷後三年余亦入
翰林作後進常與公唱和外出爲令始與公別別四十
七年余老矣遊天台山公死已久且塋其兄周南弟世
南年八十餘龐眉扶杖延予飲其家抱公詩文集百卷
出曰先生視此以志其墓嗚呼當時薦此科者海內凡
二百餘人而今則在野在朝屈指無有也公之遭逢寵
遇升沉禍福非余後死其誰知之而誰表之謹按公名

召南字次風又號息園幼而穎敏讀書十行俱下年十六受知于督學何公世璣充博士弟子貢入京師中已酉副車雍正十一年督臣程公元章以鴻博薦授翰林院庶吉士改檢討 御試高等超遷至侍講學士加日講起居注官充戊辰會試同考官 上書房行走再遷內閣學士禮部右侍郎公清癯短身而憑鄉朴之氣溢于眉宇獨能宏搜博覽記性過人 上于寧古塔得古鏡未詳欵式問朝臣莫有對者公引證書史羅縷具奏 上大悅顧左右曰是不愧博學鴻詞矣 國家疆域恢宏烏喇巴哈俱置侯尉又新開伊犁諸臣奉使者輒

先詣齊侍郎家問路公與一冊某堠某驛應宿何所需
若干糧數萬里外若掌上螺紋毫忽無訛或問曾出塞
乎曰未也然則何由知之曰不過漢書地理志熟耳問
之讀漢書者卒亦不解沈尚書德潛常在 上前譽天
台石梁之奇 上問公公曰荒山磽确不足以勞 聖
駕人笑其奏對率易而 上以此益重之十四年四月
從 上書房歸澄懷園日昃馬驚觸大石上腦涔涔流
昏憒不起 上大驚命蒙古醫速治醫剗生牛腹臥公
其中又取牛腦乘熱納公額左右搖公始蘇當是時
上方嚮用公遣 皇子及中使問病者不絕于道又數

月公病少痊步猶蹢躅頗忘所記書不能握筆又心念

老母乞回籍終養 上慰諭再四然後許之還浙後掌

教蕺山萬松兩書院 上三次南巡公力疾迎 駕皆

召見賞賜優渥先是公有族匪周華者素不良公訓誨

不悛遁海外三十餘年忽因浙撫熊學鵬巡城遮道獻

所著逆書揭公十大罪熊奏聞 上誅周華赦公削職

歸里公身受 上特達之知方恨無涓涯報而怪民妖

言乃出自近族悔平時教救無素又隱忍不先舉發以

致惡彰于天自分雖九死罪固當而 上復屈法活之

恩愈重愧憤愈深結轡不已路上疾暴作還家匝月竟

以不起年六十六嘗言鄜道元水經註明于西北闕于
東南特撰水道提綱三十卷又歷代帝王表十三卷後
漢公卿表一卷所修官書則一統志明史綱目續文獻
通考禮記漢書考證皆所纂也 曾祖三仲祖化龍父
薰俱以公貴贈如公官妻張氏封二品夫人子式遷國
學生女二人葬台州花坑之原

銘曰天台之山其高萬有八千以是鍾靈生公其間學
識其大才擅其全以人視山幾與齊肩雖梟獍嚙其後
惡馬蹶于前而終以受知于天無損其賢嗚呼非我求
遊誰表此阡嗣後川澍澍峯綿綿磅礴鬱積繼公而生

者其又在何年

中憲大夫分巡廣東肇羅道衛公墓誌銘

己亥夏枚還武林晤玉亭衛公于陳葑洲觀察席上德
器粹然知爲賢者今春粵遊路出西江蔣太史心餘寄
聲問公并云兩賢相覲必有傾衿之樂不意到端州聞
公病旋即不起其子琬歸墓中州乞銘其墓伏思枚于
公爲部民弟樹于公爲屬吏令聞懿範親炙最深聞公
喜枚來將命家人治具張飲談十日以蠲厥疴而不圖
願莫之遂竟殮殍綿延以至于死悲夫豈人生一見天
果靳之耶然而七十衰翁萬里忽至又未嘗非蒼蒼者
示之意也章微闡幽非枚奚屬謹按其狀而爲之銘曰

先生姓衛諱詣字玉亭河南懷慶府濟源縣人以丁丑進士授工部虞衡司主事外補山西遼州知州調解州再遷浙江台州府知府薦卓異受

天子知調湖州府知府旋遷廣東高廉巡道調肇羅巡道兩署按察使年六十一歲而薨公所到有治績遼州爲山石礮确之地民藝黍畢多通蕩公分別五施授種棉養蠶法置機具于堂皇誅男婦紡織鉤耨勤惰不數年布絹之利賴及他郡其守台也岷縣姦民王開經等篡其邑令吳某山中詈辱之勢甚張撫軍王亶望會同提督進剿槍甲齊矣公時在省入諫曰唐虞之世治

苗民遠方尚以刑不以兵。嶮嶮小醜，毋庸大舉。詣會至其地，會審某案，民頗服。今雖非本屬，願往擒治。撫軍壯其言，許之。公單騎上山，令人前呼曰：「台州知府衛公來。」羣兇素懾，公名咸羅拜爲首者，自反接送縣台，出且訴。所以辱令，故公笑曰：「官固不良，然汝等亦當死矣。」皆泣曰：「公命之死，如不死也。」遂縛十八人歸。奏斬三人流二人，釋三十餘人。湖州北鄉多外省軍犯，張設博局誘良家子，使博而陰開小典，沒入其衣物。日久黨繁，官吏慮捕之將爲變，公偵知姓名，隱而不發。探知某日賽神，儼會諸匪擁儀從，敷粉墨，呼喚入城。公陰乘輿抵虎穴坐。

命諸幹役持繩索伏四門來者縛之當卽子杖派往文武衙門充水火夫給其傭嗣後城鄉肅清公性慈少所管督然義之所在強直不撓或大府前論事不合輒謾然斂袂而起曰衛某以爲不可上游俱嚴懼之署臬篆時治獄尤慎文案稍有踏駁申旦不寐致精神越潔體爲之衰先是公從子諱哲治者從縣令起家官至大司空以廉節惠政名噪淮海間枚宰沐陽隸屬下久所聞多端公行事蓋得其家風云父乾德蒙

覃恩誥授奉直大夫母商劉氏封太宜人妻周氏子四人

女四人孫六人

銘曰真廉勿矜大勇勿爭聖聖衛公秉志孤行爲世甘
澤爲人準繩東甌西晉異音同禰方期大用神化丹青
何圖星隕痛我黎烝儲休啟佑天道神明必有禔禧蔭
及孫曾請看化臺福草叢生

小春山月文集

巡視臺灣監察御史李公墓志銘

公姓李諱元直字愚村山東高密人性介而剛少駉駉
有志行以康熙癸巳進士入翰林校丁酉戊戌兩科鄉
會試乞養八年服闋仍補原官雍正七年改四川道監
察御史當是時世宗憲皇帝喜昌言虛已聽納羣臣
爭上封事公以天下爲己任居臺諫僅八月凡數十章
奏秘外不能知而其所最著者言朝廷都俞多吁咈少
有堯舜無臯夔世宗不悅卽召公并召大學士
朱公軾張公廷玉等廷詰云有是君必有是臣果如汝
言無臯夔朕又安得爲堯舜乎公免冠謝良久世宗

謂諸臣曰彼言雖野心亦無他次日再召入諭曰
汝敢言自好嗣後仍盡言毋懼會廣南貢荔枝卽賜
數枚以旌其直未幾命巡視福建臺灣監察御史取
時憲書親爲擇日而行公感上恩益奮甫到卽奏增
養廉杜餽遺再奏番民利弊數十條上皆是之先是
臺灣爲海外荒服巡使者至自視如客闔門無所理高
枕臥事豈聽于道府相習爲常公悉反所爲又時下所
屬問民疾苦有司怵其害已咸嗾于道府大府以侵官
奏上命議罪遂鑄三級家居二十七年卒年七十三
公受世宗持達之知使稍貶其道和其節藏器待時

則不數年必大用。用亦必有所建立。而公銳于圖報。信
道太篤。不肯須臾從容。致一蹶不起。嗚呼。惜哉。然而公
之賢。世宗知之。公之過。世宗亦知之。赴閩。入見時。
世宗謂其同官奚德慎曰。如李元直者可保其不愛
錢。但慮任事過急耳。又嘗論諸大臣云。甚矣人之難得
也。如李某豈非真任事人。但剛氣逼人太甚。嗚呼。知臣
莫若君。信矣。然古之豪傑。得一知己。即可無憾。而公竟
得一知己于君父。則雖不用。老且死。尚何憾哉。宜公
晚年說及世宗知遇之恩。未嘗不潄潄泣下也。初公
爲翰林時。與孫公嘉淦。謝公濟。世陳公法。交好。以古義

相礚切一時都下有四君子之稱每談必申旦及孫公
總督兩湖承審謝濟世瞻徇撫軍公音問遂疎長子高
以主事簡發山西未一年連得大州公聞不悅高寓書
公甥以自解其干名義大節雖密友愛子不肯苟且如
此乾隆甲辰余遊廣西公第四子憲喬爲岑溪令讀余
文曰班馬儔也願以先人之狀秘于執事余重憲喬學
行而于公又爲同館後輩貞石之文所不敢辭謹按公
父華國知阜城有善政阜城人至今祠之母孫氏封宜
人先後娶兩王氏一任氏皆封宜人子憲高庚戌進士
潞安府同知次憲靈憲嵩憲喬四女四孫莖某

銘曰神羊嶽嶽誰折其角寶劍稜稜其鋒孰鏹既已試
之又復置之非廢棄之將老其才而徐俟之雖然幸而
藏得全其光至今華表尙有寒芒

刁春山文集

翰林院編修候補御史蔣公墓志銘

心餘蔣君既卒之明年其孤以狀來曰先大父母傳志皆先生撰今先君又亡將塋貞石之文知廉等敢循例以請亦先君志也嗚呼余前春過西江君已半體枯聞余至喜力疾懼飲臨別時手平生事略見示余知其意泣而頷之然私心自揣余忝廁詞館先君七科後死之責當在君不在余卽在余亦未必銘君兩代而今竟不然矣然則余之衰固可想見而古人之所謂死友者非君而何謹按君姓蔣諱士銓號清容一字蒼生江西鉛山人父堅有奇節獨行常遊澤州縛君馬背行千餘里

甫四歲母鍾太宜人卽屈竹絲作波磔教之認字君天稟英絕有覽輒記握筆如天馬怒馳超塵絕迹丁卯舉于鄉甲戌考授中書丁丑成進士入翰林散館第一授編修充武英殿纂修分校順天鄉試居官八年乞假養母僑寓金陵大府聘爲叢山崇文安定三書院山長君意洒然有終焉之志會少宰彭公元瑞召見天子問蔣某何在彭以渠母老對及太宜人薨君感上恩入都京察一等引見以御史用旋患風痺還南昌二年年六十一卒君秀眉長身兩眸子奕奕如雷諧謔風發聽者傾靡胸無單複不解囁嚅耳語遇不可於意雖權貴

幾微不能容太宜人慮其性剛勸令歸里及君再至長
安浮沉舊職一二知己盡矣同列皆闕然少年趨尙寡
諧愈益不自喜遂有輕死生一晝夜之意不自珍攝以
致早衰然其胸中非一刻忘世者在鼓山時越中富家
池三江間日久堙廢君力請于大府借帑辦治日事雖
非山長責然食越人粟則視越人如一家焉掃墓鉛山
爲邑人建壩浚渠以通水利修母嶺塢以利文風建棚
縣衙便應試者請移駐巡檢于西鄉河坊警不良者甲
戌禮闈落第 上命九卿各保一人徐少司空將薦君
君讓與孝廉某以其母老也有駱生者負鹽課客死君

連夜作十三札飛遞嶺南俾其孤孀扶六櫬歸君平素
無宿諾故其言于人也信初入京師才名藉甚諸公卿
震若麟鳳爭先覲觀襄文達公在上前薦君與彭公
爲江右兩名士以故上屢問君賜彭公詩并及君
乃二十年來彭公官至尙書而君儻然一老詞臣如故
也雖其俄出俄入自緩官階旁觀者不能無惜焉而要
知命之所存君本無心進取且夫孝者所以事君也古
人一日之養三公不易君奉太宜人設教東南有江山
之勝板輿所臨海內捧杖擊觴而至者屢交戶外高麗
使臣餉墨四笏求君樂府歸聲聞之盛天爵之榮近今

未。有。也。晚。年。雖。病。廢。而。神。明。不。衰。左。手。作。字。橫。斜。入。古。
所。居。藏。園。水。木。明。瑟。五。子。七。孫。穿。花。繞。膝。而。侍。死。之。夕。
無。雲。而。雷。者。三。相。傳。君。生。時。亦。然。嗚。呼。其。來。其。去。豈。偶。
然。哉。君。才。高。而。心。虛。全。集。皆。余。商。定。偶。獻。一。規。登。時。立。
改。常。至。其。家。見。供。兩。木。主。曰。方。伯。彭。公。曰。督。學。金。公。蓋。
君。少。時。受。知。最。深。者。其。敦。師。友。之。義。死。生。不。易。如。此。所。
著。古。文。 卷。詩 卷。銅。絃。詞。二。卷。填。詞。九。種。娶。張。氏。誥。
封。宜。人。子。知。廉。拔。貢。生。次。知。節。知。讓。皆。舉。孝。廉。次。知。白。
知。重。知。簡。知。約。尙。幼。女。一。人。以。 月。 日。葬。
銘。曰。懸。弧。白。日。雷。聲。起。天。若。告。人。生。才。子。既。生。不。用。故。

何以人再問天天嘿矣振古文人多類此漢之崔蔡唐
之李吁嗟蔣君母乃是平生著述千萬紙有如月照西
江水萬古暉暉光不已勝我才華輸我齒貪我作銘先
我死我敢無言報知己古書黑石鐫蒿里兼備他年補

國史

小倉山房續餘文集卷二十六

錢唐袁枚子才

大定府知府張君墓誌銘

君爲東閣大學士張文和公之子東閣大學士蔣文恪公之壻年未冠卽以鹽務運判來江南補通州調泰州遷淮南監掣同知再遷貴州平越府知府調遵義大定兩府年三十八卒其孤婦柩萬里走乞余銘余文恪公門下士也與君通家交最懽誼所不當辭謹按其狀而銘之曰君諱景宗字端文行五生而角犀豐盈容貌充充然常迎駕焦山皇上召見鏡江樓曰此兒面目

頗類伊父君喜益敬勉自奮通州場戶丁糧例不請蠲
君到時會豐利場海口淹沒竟請題免泰州各場災所
借給倉穀及積年銀價一時並徵君請緩于大府民力
以舒淮南儀所爲五省引鹽分運處河淺船滯君請由
瓜州出江抵沙漫州解捆裝載掣費驟減嚴禁船埠乘
商之急匿船居奇有犯者置之法羣船魚貫至貴州貧
瘠平越爲尤一切儀仗輿馬官庄四十八所俱取給間
闕君到免之上游重君遇大事必委辦君亦勸躬圖報
染瘴以卒嗚呼君繁繁大才也嗚矣細務何足展其猷
爲滇黔爲文和公二十年開府之所 天子使君往蒞

其。邦。豈。無。深。意。乃。竟。未。繼。家。風。中。道。而。逝。知。君。者。能。無。
深。悼。哉。猶。記。乙。未。三。月。黃。州。鼠。姑。花。開。君。招。余。偕。諸。賓。
從。坐。小。車。穿。草。徑。張。飲。吳。園。余。席。間。猶。舉。韓。魏。公。金。帶。
圖。故。事。以。相。勗。而。卒。不。驗。然。吟。章。畫。冊。至。今。爛。然。卽。此。
可。以。想。見。君。之。風。調。有。大。異。乎。尋。常。俗。吏。之。爲。矣。生。母。
郭。氏。妻。蔣。氏。俱。蒙。 覃。恩。 誥。封。恭。人。子。三。長。世。倬。候。
選。主。事。次。世。輔。世。恩。女。一。以。 年。月。日。葬。

銘曰君之初生夢麟衞衣君之變化如驥脫羈生于華
冑能耽文詞手握牢盆能樂邱池接其外狀頤邛合儀
叩其淵衷風月襟期可惜小試未竟厥施盤江渺瀰黎

戰險巖君魂雖歸民口有碑

常德府知府呂君墓志銘

余同年。襄文達公奉。

天子命治。幽。兗。揚。豫。四州。水利。最久。最有功。而其所倚。恃。如。左。右。手。者。爲。沐。陽。呂。君。君。以。滕。縣。主。簿。擢。至。沔。河。通。判。曹。州。府。同。知。常。德。府。知。府。再。以。子。貴。誥。封。中。憲。大夫。山。西。葭。寧。道。按。察。司。副。使。其。起。家。故。余。宰。沐。陽。時。守。藏。吏。也。貌。嚴。冷。瞻。視。不。凡。每。執。卷。侍。有。所。詢。則。鈇。削。利。病。以。對。主。撮。無。訛。先。君。子。尤。愛。偉。之。以。重。客。待。君。亦。感。所。知。棄。吏。缺。從。余。蒞。江。寧。料。簡。一。切。後。三。十。年。余。山。居。久。矣。君。忽。驅。五。馬。來。慊。慊。以。故。吏。自。居。走。哭。先。君。墓。

下。升。堂。拜。母。贈。朱。提。數。笏。畱。一。日。裁。去。嗚。呼。君。之。吏。術。
余。深。知。之。君。之。風。義。余。身。受。之。然。則。銘。幽。之。文。非。余。奚。
屬。謹。按。其。狀。而。銘。之。曰。君。諱。又。祥。字。瑞。龍。一。字。鳳。圖。先。
世。居。廣。德。州。大。父。六。吉。公。徙。沐。陽。生。四。歲。而。孤。年。十。七。
卽。在。官。練。習。簿。書。沐。近。黃。河。多。水。患。故。君。于。賑。災。治。水。
事。尤。精。性。沉。摯。勇。于。爲。義。循。例。得。縣。丞。需。次。京。師。過。鄒。
縣。饑。傾。所。有。濟。其。氓。竟。垂。橐。歸。家。居。三。年。再。過。鄒。州。水。
衝。官。道。行。者。滅。頂。君。又。以。爲。已。戚。宿。旅。店。募。夫。購。芻。麥。
竹。槀。躬。自。堵。塞。他。人。行。君。始。行。已。而。効。力。東。河。會。江。南。
張。家。馬。路。災。天。子。命。山。東。助。麥。稽。五。百。萬。撫。軍。楊。公。

慮陸運爲艱君請輦充曹兩郡猶貯單縣之黃岡河借
徐州回空糧船載之由黃河順流下直抵張工楊公壯
之卽委君辦以功借補滕縣主簿會少司農裘文達公
議開伊家河洩微山湖積水君贊畫方畧代繪圖入奏
工成濟寧滕沛等五縣涸田皆出裘公愛其才常以白
隨越二年奏調君赴直隸疏浚河淤 天子許之其時
君已通判泃河矣故事曹州臨河六堡皆百姓歲修君
憫之捐俸開陳家莊引河九百餘丈分黃奪溜不需土
掃民以永寧常德在楚南號稱難治君能除苛解燒合
郡祝延之當君赴任時余從容置酒問何時再見君屈

其指曰一年余疑為期太速且官身未必能自由君笑
 曰先生年三十三而致仕何緣得自由耶已而果如期
 乞病歸余不覺倒冠而迎驚且歎重痛飲為歡而別嗚
 呼即君出處之際或久或速挺然有以自持則他事之
 健決可知也已君在官時病醫請以紫團葠補羸君不
 可曰葠貴藥也未必能濟我命而可以濟民之命以其
 直施棉衣千餘考城滕縣兩主簿某身故眷屬羈留君
 厚卹之送寧其家還鄉後立義學建棲流所分餘田贍
 族人猶孳孳不倦人傳君司閭時天子東巡御舟
 抵臨濟聞僅里許開板橫石罅中急萬夫拔之不起君

禱于神板。忽自躍于水。雖天子神威。百靈効順。而亦未嘗非君之忠誠。有以感格云。卒時年七十。娶吳氏。封恭人。妾李氏。九女。二子。長昌。際官。冀寧道次。昌會。候選。通判。以年 月日 葬。

銘曰。陳殷置輔。周道爲昭。漢之循良。半出功曹。元叔。義手。長揖三公。亦云計吏。爲世儒宗。矯矯呂君。巖視正聽。進固才優。退亦力定。餘澤流光。施于公子。觀察如雲。捧日而起。袁安老矣。曾長陰平。不圖後死。竟爲君銘。美無溢詞。書無愧色。匪元石是勒。將九幽是質。

翰林院檢討李君墓志銘

甲子江南鄉試。余以沐陽合與分校。得士七。而遂捷南宮。入翰林者。惟李君一人。君諱英。字御左。一字蘋圃。晚號蠡塘。其先爲南宋忠定公之後。由晉陵徙宜興。父止齋。生三子。君其長也。以甲子舉人。乙丑進士。授翰林院檢討。分校壬申鄉會試。纂修三禮通考等書。補左翼宗學教習。再分派丁丑庶常教習。今族弟鑒任安徽臬使。者君所教也。戊寅以原官休于家。年七十三卒。君內行純篤。淵然而靜。人見之潭潭自遠。衡文心清目明。無所嫌避。有老友儲學坡主于其家。榜發卽君所薦人。以爲

難掌教海州六安州能張施講說使聖學大明士心歸
依。遮。留。再。三。或。刊。碑。以。紀。其。德。與。余。別。久。忽。一。日。擔。簞
而。至。寓。山。中。七。旬。每。燈。下。談。縷。縷。不。忍。眠。臨。行。手。餅。金
爲。別。曰。知。先。生。無。所。需。然。英。老。矣。無。幾。相。見。三。十。年。受
恩。藉。此。微。申。束。修。之。意。亦。慮。自。此。不。繼。也。泣。數。行。去。果
不。數。年。而。訃。至。當。是。時。余。無。子。學。坡。無。子。君。亦。無。子。人
疑。二。人。者。授。受。同。家。運。亦。相。同。乃。今。余。垂。暮。生。男。而。君
與。學。坡。則。終。于。無。有。且。相。繼。死。矣。悲。夫。君。書。法。清。勁。得
晉。人。遺。意。于。詩。雖。非。專。家。而。清。微。淡。遠。之。音。自。其。心。流
有。不。可。淹。滅。者。纂。成。四。卷。將。梓。而。存。之。娶。黃。孺。人。生。一

女適吳氏以弟子慶來爲已子蒙

覃恩贈三代如君官塋某

銘曰嗚呼自吾之得蠡塘也若古琴之入耳若古玉之
升堂雖卽之之日短而思之之味長一旦淪亡天竟予
喪爲銘貞石以表其藏

小倉山房文集

巴里坤中軍遊擊劉君墓志銘

劉君厚夫。雖以武致通顯。而性耽文翰。獮蒐之餘。必購
晉唐法書名畫。與三代彝器。斷斷判別。若嗜欲之切于
身。官金陵時。與予朝夕游甚狎。亦不自項領。謾其儕偶。
以故。車馬駢麟。戶外之屣。常滿。常謂予曰。小倉山一部。
婁耳子居之。則號名勝。守備官百夫長耳。我爲之便成。
熱官。遂古以來。人貴自立耳。不在所居之地。與位也。予
愛偉其言。亡何。遷任去。別一十有六年。今春。其孤琨送
訃。乞志。幽之文。余按其狀。稱君能事親。能睦宗。能訓卒。
能拯人于難。所舉犖犖諸大事。諒無溢辭。然余聞而悲。

者君以微罪解職蒙天子恩召見而君自戚其衰頗不樂往思歸老白下慮無故人爲伴時時僕指數當年某某零落殆盡惟隨園翁尚存將與下鄰以終餘年而竟不可卒得嗚呼命矣夫君亳州人諱淳號厚夫舉乾隆丙辰武鄉試選江寧城守營守備遷宿州都司鎮番營遊擊再調巴里坤遊擊署安西叅將以失察事罷官歸過蘭州卒年六十五妻李氏五男二女長子琨廩生次毓琇候補知縣次琚次琪次玳三代俱贈如君官君在遊擊任內請賜本身封封其叔父聖鑑大府代奏詔許之塋

銘曰射一鵠能巧任百事能了但小畜于文德不矜情
于壯佼若而人者雖斬板之封亦干城之表

幔亭周君墓志銘

余好畜金石文字而讀至篆籀輒口誦不下幸金陵有二賢焉一曰樊君聖謨一曰周君幔亭二人者皆娟雅君子而周君居近余以故朝夕見尤親得殘碣斷碑必就正焉今年十月老病卒卒時屬其子乞余銘墓余方悲好古之人稀前年樊君亡今年周君又亡嗣後余于古有疑將何人之詢而釋然哉然以余之窳敝寡聞二十年來畧辨妃豨未嘗非二君之功文其幽所以報也謹按君諱架字于平一字幔亭孤矯蓋立目眴轉有芒不諧際人事而瞿瞿然溺苦于古受知漕帥楊敏路公

聘為清河書院師再受知曲阜衍聖公館于府教其二子君之學鈇剝苛碎窮鑿幽隱專為人之所難造渾天

毬拳許繪長江黃運圖僅尺幅而星經地維羅縷畢具窮六書源流一波一磔不苟下嘗登泰岱遊黃山鐫名

最高嶺手摩搨以歸古奧蒼秀宛然開母石闕太室碑也草廬數椽在金陵清涼山下古梅環之客至則捭豚

黍盛以椀廢父子琅琅然度所作曲侑賓或用傳響法擊鉢數下室內酒茗羹馥應聲而出若竈下婢俱解華

嚴字母者然予戲謂鄭康成家牛觸牆皆成八字今觀于周君也信祖籍福建莆田父懷臣始遷江寧九世祖

翠渠公刺廣德州有惠政乾隆二十四年州人慕其遺
風爲營祠置產適君遊廣德遂主其祭捧木主以升亦
異數也所著 若干卷三子俱業儒卒年六十六葬

某

銘曰路非古不行事非古不爭君今古矣君其寧地下
古人無數迎

八卷上
文集

董二樹先生墓志銘

山陰有隱君子曰董二樹先生余耳其名不相識也今春二月先生修志揚州渡江見訪適余遊天台末由傾衿亡何詩人周蓉衣來言先生好余秋間將再至余以卽往揚州故寄聲闌之且約之及登程屢爲他事滯留十月十三日裁至揚而先生已病亡十日矣其孤沁抱詩集一行狀一泣而言曰先人知公將來喜甚病中聞參戶聲輒疑公至委化前一日屬曰吾神氣綿煖度無分見袁公如公至可將詩與生平事狀付之則吾目瞑矣嗚呼古張范之交臨終拳拳彼故結納於生前宜也

若先生一面缺然而遺言丁寧鄭重若此是知己也死友也加古人一等也序其詩銘其墓非夫人之爲而誰爲謹按先生名鈺字二樹號璞岩又號借庵宋慈溪童公亮之後生而炯介篤誠潛心古初棄舉業專攻詩家鄰女史徐昭華七歲時徐抱置膝上爲梳髻課詩及長與劉鳴玉陳之昂號越中三子常往棲鳧村月中行吟得一詩緝襪帶爲一結以記之比曉入城數其帶得二十四結矣其風趣如此受知于河南撫軍阿公恩哈何公燭聘修志乘凡一省三十六縣州分疏總校條清例嚴成無一唇一舌敢掉聲者所得束脩除卹戚里外輒

購秦權漢布法書名畫橫度秘閣相對迥然畫蘭竹水
石皆工而尤長於梅使氣入墨奇風怒雲奔赴毫端海
內爭購有高氏九棺未葬先生揮十紙助之須臾盡讐
窳。窳。以。辦。臨。終。畫。一。枝。韻。贈。花。未。點。而。手。已。僵。古。幹。零
落如賦殘形操嗚呼可哀也已初先生少疾夢有道貌
者相招却之乃去及病甘泉志館夢其人又來爲著五
銖衣牽白鶴使騎各有贈詩醒猶記錄嗚呼死有所歸
今乃於先生見之卒年六十有二娶陳氏生三子七女
以年 月 日葬
銘曰志觥觥行踽踽我欲見之天不許素車入哭淚如

雨。雖。然。生。不。與。君。逢。死。乃。爲。君。主。君。不。見。三。尺。碣。一。坏。
上。永。表。幽。人。萬。萬。古。

阜寧貢士戴君墓志銘

乾隆甲戌吾鄉張季庭來言阜寧戴君之賢余心欽遲之而未見也旋以權子母事貸金七百去未一年折閱殆盡余疑是訛者言耳亡何余負國課君聞之奮曰我義不負長者遂售產以償今庚子歲矣君已亡其子幹來乞余志墓且告曰先生知吾父所以窮乎吾父粵曳任氣希通慕大謂天下事可氣啖取也棄先世田宅畀諸昆而以遺逋自肩家有灘蘆阜寧產鹽乃倣管子煮海法鳩氓設竈構廬輦粟費以萬計滷未乾而黃河決涉爲波濤繼之疫興又施醫藥瘞埋力殫計窮數千

人始。焚券散驚。且憂遂得狂易之疾。乍痊乍復。遂不起。嗟乎。乾壯用首爲善。近名皆道家所忌。君獨兼之。何其知存而不知亡耶。然陽侯之災。百年一逢。而君適丁其躬。毋亦有數存焉。而非人力所能讓耶。卒之危難中。猶能信于友。恩于民。善敗者不亂。亦稱古豪矣。君諱廷瓚。字玉尊。一字融軒。其先從譙縣遷阜寧。生卽赴義。若熱。龐襦拯人。一日眇而斜視。弱冠入學。旋貢于成均。凡邑中修學校。設義學。蠲免灘糧五千頃。皆所倡也。妻徐氏。子二人。皆讀書以善世。其家卒年六十三。葬。銘曰。蛟。蠶。墜。空。方。翔。翊。而。盡。其。容。虎。豹。力。大。一。蹶。以。凶。

戴君行事將毋同雖然水滔滔兮豈其招兮君子于斯
嘆其遭兮

小倉山房文集

郡文學項君萃甫墓志銘

余金陵接士垂四千年凡工詩工文工書工伎術者某
某可數而以畫傳者惟項君一人君諱穆之字萃甫上
元庠生祖適菴公丹青馳譽君繼其業能精心致思勤
摹而廣徵儀神奪貌出聖入智於古名家六法三昧靡
所不窺天子南巡諸大府延入畫局一切名勝圖繪
皆君握管雖支稟假者尙數十輩率皆張目拱手睨君
所爲或捧生紙立階下受教勅惟謹有次子曰思聰能
助父潤色煙墨君倚之甚力今秋將婚染瘵疾亡君自
此孤憤無俚生意頓盡又在局不能諧際人事受人譎

齷性素饕鈍言呐呐不能出口而氣紆鬱時傷于心晨起吮毫嘔血數升須臾遽卒前二日猶詣余有所謹諉余呼車至局爲告當事未及報而君之訃至嗚呼君所遭際無甚厄屯達者觀之殊堪一快而君竟以憂死過矣雖然人不死則其筆墨不貴世之人往往榮古而虐今常也今竟喪君身以貴君畫或者造物意耶然當君在生時踵門者業已嘯嗒難求惟于余執弟子禮甚恭故隨索隨獲因之亦不甚護惜而今則斷紙零縑如明月夜光不可再得矣悲夫君事親孝待弟睦交朋友信死之日知與不知皆爲流涕尊人宗香公壽九十餘

君年僅五十六父子受命不同如此娶汪氏子四人有
方竹軒詩集若干卷以乾隆四十八年十二月二十一
日葬于聚寶門外之宋村

銘曰古○人○有○言○死○生○大○矣○君○殉○亡○兒○母○乃○太○矣○想○恃○其○
伎○有○不○朽○者○在○耶○不○然○則○是○帝○玉○樓○成○召○君○畫○取

八卷上房文集

翰林院編修程君魚門墓志銘

乾隆甲辰秋魚門之喪歸自秦中乙巳十二月二日塋于金陵之馮家山其老友袁枚哭且奠爲銘其墓曰君程姓名晉芳字魚門一字葢園先爲程伯休父之後祖居新安治鹽于淮父遷益生子三人長原衡季述先君其仲也乾隆初兩淮殷富程氏尤豪侈多畜聲色狗馬君獨悵悵好儒罄其貲購書五萬卷招致方聞綴學之士與其討論海內之略識字能握筆者俱走下風如龍魚之趨大壑君不能無用世心屢試南闈不第試京兆不第亡何鹽務日折閱而君舟車僕邀覓覓溫卷之費

頗不賞家漸中落年已四十餘癸未 天子南巡君獻

賦 召試行在賦江漢朝宗詩四章 天子嘉之拔第

一賜中書舍人再舉進士改吏部文選司未幾 天子

開四庫館諸大臣舉君為纂修議敘授翰林院編修分

校禮闈得士若干君耽于學見長几濶案輒心開鋪卷

其上百事不理又好周戚友求者應不求者或強施之

付會計于家奴任盜侵了不勘詰以故雖有俸有伙助

如沃雪填海負券山積勢不能支乞假赴陝將謀之中

丞畢公為歸老計時酷暑索蕭者呼噪隨之君已衰老

乘舟棧車行烈日中頓撼失食飲節又聞西陲兵起氛

甚惡不能無倅遂病至中丞署中一月死年六十七嗚呼君交滿海內而與余尤暱未乞假先致書託寬屋余喜甚謂老可不孤擬某士將向君薦某處將與君遊某文字將待君決可否部署暗定遲君之來不料在嶺南孫中丞補山告君死時方召食驚泣至失匕箸歸舟惘惘行五六千里不能釋君于懷念君重仁襲義德施于人食報未副其量然又念君所難者科名而卒晚遇矣所乏者子嗣而兒生已五周矣所樂者書史而四海九州之秘本大內之所藏已目飽矣且使終于京師慮所以歸其餽恩其遺孤者恐不能如畢公之周摯而恢

宏然則天之所以報施善人似無知又似有知君秀眉
方頤鬣飄飄然左右拂吟論意得濶步搖鯨袍褶風生
與人言暖曖姝姝若恐傷之雖臧獲無所凌誚遇文學
人慄然意下敬若嚴師雖出已下者亦必推轂延譽使
滿其意以故京師語曰自竹君先生死士無談處自魚
門先生死士無走處竹君者君之座主朱學士筠也君
學無所不窺經史子集天星地志蟲魚考據俱宣究而
尤長于詩古文醇潔有歐曾遺意所著周易知旨尚書
今文釋義左傳翼疏禮記集釋各若干卷勉行齋文十
卷藪園詩三十卷初娶蕭氏再娶汪氏俱先君亡先嗣

子瀚後生了深女一人贈君墓地者松太巡道章公攀
世贈墓費者陝西巡撫畢公沅也例得附書銘曰天與
之氣春也玉與之情溫也不踐生草麟之仁也儀于虞
廷鳳之文也秦誓休休一个臣也胡爲乎僂其身容死
于秦也不節之嗟嗚呼哉君也雖然更千百年士林下
馬而棘刺不生者君之墳也

小倉山房文集

錢太恭人墓志銘

乾隆乙未詹事府少詹事兼翰林院侍讀學士

上書房行走錢辛楣先生督學廣東奔封公喪歸里服闋後因太恭人年高不復起侍養七年今秋太恭人薨于嘉定里第先生卜塋有日屬枚銘墓枚伏念先生以績學清望懋伏海內于二千年金石文字尤所詳審枚不文何能爲役然此是何如重任數百里外不他誣諉獨通書命枚或者覽所述作其亦有以取之耶知己之感子姓之誼均不敢辭謹按其狀而銘曰

錢太恭人黃渡沈姓生而媿媿其儀端靜習禮明詩少

成若性長勤婦功勛師以敬歸我封公小山中憲式好
無尤鷄鳴戒旦旁和築里上順尊章小心精潔令聞聿
彰饕餮雍爨虔奉烝嘗執鉞緹誼罔聞曉黃煩擗涉昔
衣采僭齊兩老康娛戚鄰交慶君姑有疾恭人如子夜
不離帶押搯診眠旣歿而髮毀磨無已屏斥佛經恪遵
士禮虛身神傷晨夕曲體每說家常俾舅色喜舅也權
止婦也勢止以愛及愛恩及小姑姑嬪沈氏與婿同殂
孤甥捧檄遠官黎平甥有稚女伶俜難行恭人畱之撫
若孫會有姊有妯如兄如弟始也居同後也室異腹臙
歲時盍殮相繼何以贈之縗三縗二族子彌甥偶來起

居輒與情款。孔晬孔愉。弄藥爭花。紛其座隅。餘須侮用。
仁心矜哀。曰彼不才。方爲輿僮。何所不容。而督咎哉。以
斯懿美。儲休啟佑。大順禱禧。鱗羅輻輳。篤生二子。大昕
大昭。奠室以居。折衷以教。家素食貧。然糠代膏。紡聲書
聲。互答爭高。育成名儒。羽儀

聖朝

聖主南巡。大昕獻賦。口銜日光。躬沾湛露。再捷南宮。再
登瀛路。嶺海衡文。青宮作傳。嚴徐抗肩。夔龍接步。學士
詹事官階。崇隆宜人。恭人重疊。晉封花釵。金鎖其光。熊
熊大昭。淵雅天生。伯仲指日。速飛雙丁。兩宋一婿。五孫

咸○光○家○待○人○之○視○之○門○楣○華○重○誰○知○恭○人○大○行○不○加○身○
膺○翟○第○手○治○泉○麻○七○綫○之○衣○三○簋○之○享○熏○熏○熙○熙○就○兩○
家○養○可○逸○勿○逸○雖○休○不○休○日○導○穀○氣○以○消○滯○留○郤○毋○神○
明○方○希○大○耄○何○肯○春○秋○生○八○十○一○辛○丑○重○九○厥○後○五○日○
離○瑜○復○位○靈○萱○掩○色○卜○蒸○練○川○與○封○公○合○鬱○鬱○佳○城○南○
岸○矩○角○詹○事○與○坎○壘○老○膠○漆○賞○奇○析○疑○益○我○知○識○詹○事○
益○我○實○太○恭○人○德○我○感○德○不○讓○敬○撰○銘○文○千○秋○女○史○視○
此○貞○珉○

袁母韓孺人墓志銘

吾宗有節母曰韓氏孺人年十九來歸奉直大夫候選
知州柳村公爲造室事正室汪宜人甚謹內無違言生
子一女一柳村與宜人相繼亡孺人疑疑守志教其子
廷禱事嫡兄廷禎甚謹外無違行旣長爲娶著姓毛氏
女爲妻乾隆四十六年三月孺人四十生辰廷禎廷禱
謀所以壽孺人者孺人泣曰古稱嫺婦爲未亡人言當
從夫而亡也我昔以撫孤故未亡則家人雖視我尙存
而我之自視久已亡矣今日壽是逆吾志而增吾悲也
奚可哉越兩月孺人果亡蘇州巡撫閔公請旌於朝廷

禱以 年 月日將耐塋孺人於 先期走幣來請

余銘余宗人也又舊史氏也誼與職均不當辭銘曰

三星五噶疇彼東方協耀月儀降於吳閩婉孌莊姝令

聞孔彰吾宗聘之嬪然成行克相良人鈞考家務場出

廩入圭撮靡悞嘯不倚楹織常當戶金井微行從無亂

步敬事民母嫫忽毋虞煩擗衾裯漑濯盤盂丹心寸意

二女同居人之視之如婦從姑一旦溘然所天不祿露

紉爲鬢斂簞而禡曾曾稚子麻衣匍匐乃勤撫字息影

高樓手所拮据齊縷素箚衣不采饋饁不珍羞風晨花

朝背人涕流一十五年志如一日教兒受經爲兒授室

見有至性孝行肫肫設悅之辰將召樂人將會示親母
曰嗚呼是豈余懷單鳧寡鵠不集春臺繆衣萑釵不稱
尊髻捐汝俗禮完我心齋昔我未殉爲汝奠家今汝成
立我事已終將往九京告於而翁果然是秋示疾不起
王女峯傾婺星沉矣頗以叔孫祈死得死今之良媛古
之君子卜於剛曰將耐佳城松兮比貞水兮比清爲衛
共姜爲魯陶嬰千秋萬齡旣固且寧

小倉山房文集

福建布政使錢公墓志銘

乾隆辛未。天子南巡。先一年。卽頒。聖論。不累民間。一草一木。而兩江總督黃廷桂。初辦供張。性又嚴急。不能仰體。聖意。民有調言。吾鄉御史錢公。據實奏。天子立召見。問汝語從何來。公云。風聞奏事。臣之職也。所奏不實。臣之罪也。臣無所辨。若問所從來。臣不敢妄引他人致塞言路。上聽其言。黃聞之。頗加斂束。民情大安。當是時。黃威嚴。有恩眷。公卿百僚。無敢撻其鋒者。聞公奏爭來。窺觀疑必有謬。謬不羣之狀。及見公。則謙謹和顏。弱不勝衣。皆大驚。稱爲仁者之勇。枚年十二。

卽與公同入郡庠交好五十四年故知公爲尤深公諱琦字相人號與沙晚年自號耕石老人以乙卯舉人丁巳進士入詞林轉河南道御史工料給事中出爲常鎮道調江安糧道陞江蘇按察使再陞四川布政使引

見 上問公家世公奏臣母八十七矣 上爲惻然曰

汝且去公謝 恩出未一年調江西再調福建福建雖

鄰浙省而多灘河難奉板輿公屢思終養以受恩深不敢奏旋奉 旨錢琦以京堂補用公方束裝又奉 旨

錢琦有老母在家可卽終養不必來京及服闋入都公年已七十有五正思乞休奏稿繕矣奉 旨錢琦年力

就衰耆以原品休致嗚呼公以一介孤寒旁無援引而
登膺內外重任是非公之所望也養親乞歸是則公之
所望而不敢遽陳者也皇上于公所不望者用之以
盡其才于公所不敢自陳者恩之以副其意而公遂能
事君事親進退寬然以其餘年會耆英而聯洛社康娛
文宴大耋考終今之士大夫如公者有幾人哉然非公
四十年之積誠砥行上下交孚亦不能格天如是之
深也公初生時鄰婦劉氏夢大官張軒蓋抱一兒傳呼
入室喟曰悞矣尙在左壁俄聞人馬聲嘈嘈都往公家
及旦婦來奔告則公已生年十五受知于仁和令胡公

作柄胡每月集諸生會文公所居渙塘離縣署廿里許
四鼓卽起從武林城外走西湖長堤候清波門開天雨
則脫屣踏亂石中兩踵血流胡公憐之畱署中讀書未

幾胡公罷官公益困謀生市塵手一卷偷吟有族叔某

哀其志挈以歸命卒業焉公自幼攻苦食淡于人世紛
華名利視若浮雲每遷一官得一職自覺過分誓以身
報主恩絕無顧忌常慮不能瓦全賴皇上屢稱公

謹慎而公亦清而和坦中率真人一望知爲賢者所遇
大府如尹文端公陳文恭公阿公爾泰皆同道爲朋深
加敬禮卽有一二上游如楊景素輩風趣格格不合然

知公素行高書生無他腸卒亦不能中傷也臺灣舊例
生番殺人地方官處分比熟番加重公奉命巡臺灣
有彰化生番殺內地兵民公據實奏聞總督狗庇武員
奏與公異上嚴旨責公覆奏公改前奏以順
督臣之意公不可曰生番殺人熟番抵命是以人命爲
兒戲也執前奏益堅會斷獄者以生番搶去人頭不能
定案乃各處剖棺借新死人頭以充所殺二十九人之
數滿城哀號有謀叩闕者總督聞之慚悔病死新督崔
公據實上聞番案始定而天子亦召公還都旋奉
命稽查裕豐倉初蒞任卽有番役李五等橫索倉規公

叅奏奉

旨將李五枷示并將例設四十名番役盡行

裁革辛丑

南巡有站道旗兵肆橫瓜州公觀察常鎮

啟知總督轉奏

上卽

命公監斬公常自言我雖信

理而行然非遭逢

聖明恐一事不能辦而禍且立至

矣又常言平生自勉者惟虛心實力四字以故聞過必

改有功不矜集益廣思芻蕘必采按察蘇州時詢余利

弊余陳說十餘條公次第張施吳中父老抄所張告示

爭相傳播訪貪酷吏二人劾其一而公已遷餘一介某

得漏網焉福建災公方議捐賑忽訛傳海寇薄城時已

二鼓將軍約總督用兵公不可曰現今城外災民數萬

大兵一過必生事端倘有寇來藩司可以折箠答之總
督意解明日再探果無影響戊辰上考翰林公欽
取二等第八名以故疊掌文衡乙丑分校禮闈丙子分
校順天鄉試乙卯主試江南皆以得士稱所取錢文敏
公錢士雲蔣元益三侍郎其最著者也性尤真摯人有
誣諉不可者面覆之己負諾責則終夕拳拳必踐之而
后卽安所得清俸葦戚里二十餘棺推不喜陰陽佛老
家言幼時路遇遠方尼言稱皇姑設法誘衆公戲作檄
討之流傳至太守魏公處魏夸公奇童而責逐妖尼魏
諱定國後爲名臣巡撫皖江者也公見解議論往往與

余相合余每還杭州先趨公所去春公已殯殮在床喜
余到猶力疾絮語及余起程走別公公五鼓已亡體尚
溫未殮余得承衾一慟方知公愛余雖死尚留一面以
相待嗚呼其可哀也已祖世英父永賢俱誥贈如公官
初娶魏氏再娶陳氏子 人孫 人有徵碧堂詩集行
世以某年 月 日葬某

銘曰古稱君子世鮮真兮肫肫先生師其人兮懷文抱
質淑厥身兮不詭不隨欣可親兮立朝謇諤能建言兮
施于四方民懷恩兮飄然歸來賦樂只兮天若私公全
終始兮左湖右山供杖履兮子孫繩繩如雲起兮銘

者。誰。是。先。生。之。所。喜。兮。

小春山房文集

小倉山房續餘文集卷二十七

錢唐袁枚子才

內閣學士原任直隸總督臨川李公傳

公姓李諱紱字巨來一號穆堂江西臨川人少孤貧好學常負襆被徒步行千里至徽州吳門訪求賢豪江西巡撫郎公廷極見而奇之厚爲資贈舉康熙戊子鄉試第一己丑進士入翰林安溪李文貞公新城王阮亭尚書俱有國士之目 聖祖知其才從編修超五級爲庶子累遷內閣學士權吏部侍郎兼副都御史出爲雲南浙江兩省主考再充辛丑會試總裁被議罷官出視水

定河 世宗登極復原官侍講經筵眷寵特隆時九門
提督隆科多撫遠大將軍年羹堯俱貴顯用事九卿六
曹唯諾恐後而公獨與之抗無所撓屈出爲廣西巡撫
未二年 召爲直隸總督路過河南河南總督田文鏡
勢方張冒整飭吏治之名一疏輒劾十餘員半皆科目
公乍見揖未畢卽厲聲曰明公身任封疆有心蹂踐讀
書人何也田不能堪卽密以公語奏而公于入覲時亦
首劾田之貪國殃民漏三下猶侃侃未退退又連章糾
之 世宗頗信公言將斥田而田亦再劾公乘張數事
遂兩有所持猶豫未決會蔡尙書珽得罪素與公善忌

公者因以朋黨中之。世宗震怒下公于獄命直隸廣西後任督撫撫公罪狀二臣希。上意互有奏聞于是下刑部訊鞫得應絞者十有七應斬者六共死罪二十有。刑籍其家四壁蕭然夫人所戴釵珥悉銅器也。世宗知公深本無意誅公特惡其崛強故摧折之冀稍改悔。兩次決囚。命縛公與蔡珽同至菜市兩手反接刀置頸問此時知田文鏡好否公奏臣愚雖死不知田文鏡好處乃。宣旨赦還仍囚獄中亡何。世宗傳齊諸王大臣羅列桁楊鉗鋸諸械。召公跪階下親詰責之。天顏甚厲聲震殿角左右股弁而公奏對如常但言

臣罪當誅宜速正法爲人臣不忠者戒 世宗爲之壽

威 命赦出獄纂修八旗志書在館八年 今上登極

召見諭曰 先帝本欲用汝也卽授戶部三庫侍郎

尋改左侍郎公揚休山立鬚眉偉然終日無跛倚之容

于古今事宜朝章典故口滔滔如傾河千夫奪氣又絕

少溫顏曼詞與人諧際以故滿朝文武望而畏之然愛

才如命以識一賢拔一士爲生平大欲之所存形迹嫌

疑漠然不計庚子辛丑兩科倣唐人通榜故事一時名

宿網羅殆盡而程璜不第者至袖笈石相隨填公門幾

滿以此奪職公終不以爲非乾隆元年 詔舉博學鴻

鴻

詞公已薦六人矣格于例限乃取夾袋中某某名姓于朝房中廣託九卿有吳江詩人王藻者尙無薦主乃交門下士孫副憲國璽薦之孫有難色公大怒責其蔽賢孫不得已長跪謝罪允薦乃已次日其事上聞以浮躁失大臣體鐫二級補詹事府詹事丁母憂歸服闋補光祿卿遷內閣學士典試江南闈中得離眴之疾神氣愴恍與人言絮絮萬語猶不知所謂榜發後中外寂然謂獨是科爲最公然所中雋者名流甚稀公之神明亦從此衰矣還朝乞病天子命在京調治卒不痊許原官

歸里

賜詩以寵其行居家十年薨壽七十八公憂國

如家勇于任事不以攬越爲嫌典試雲南歸卽以其地之鹽銅利弊作書告知叅議李公巡撫廣西歸卽以泗城改流調土兵法作書告知總督鄂公過黃河卽以新舊支河宜添兩壩作書告知總督齊公巡漕歸卽以運丁疾苦聞河事宜作書告知總督張公起用未一月卽上疏請停揀選分發之例以息奔競寬公罪處分之條以惜人才專百官職司之任以成政化洋洋數千言

上嘉納之公博聞強記藏書五萬卷手加丹黃其宏綱巨旨都能省記刑部郎中楊某欲試公故意于押赴市曹時探問經史疑義公對赭衣白刃應答如流楊退而

告人曰李公真鐵胎人也少好陸王之學不喜朱子有
中州貴人某嘗謂公曰陸氏之學非不高明然返之吾
心殊多未安奈何公曰公總督倉場時邀 寵進羨餘
不知返之于心可曾安否其芒角皆此類也初公撫粵
時安插一罪苗在安隆州公去苗遁後任撫臣劾公措
置不善 世宗命公單身捕賊不許攜粵中兵役人皆
爲公危公行至半途罪苗束手自歸曰吾不可以負李
公其得夷心如此所著穆堂類稿一百五十卷春秋一
是二十卷陸子學譜二十卷子四孝源孝泳孝游孝洋
並登鄉薦孫棠以進士官翰林

論曰天。之。生。才。若。可。知。若。不。可。知。以。公。之。金。鐘。大。鏞。雖。目。昧。者。亦。不。陳。之。庖。湍。而。必。可。知。者。也。乃。似。遇。非。遇。居。高。位。不。能。終。三。知。者。也。使。公。歛。其。芒。以。柔。道。行。之。當。必。竟。使。孤。行。已。意。屢。起。屢。顛。何。耶。說。者。謂。頗。似。流。然。北。海。以。罪。死。而。公。榮。名。考。終。則。其。廉。逢。盛。世。之。幸。也。余。弱。冠。入。都。袖。文。請。業。裕。論。一。篇。大。書。卷。首。云。盡。洗。唐。鑑。中。腐。語。漓。之。作。真。不。覺。前。賢。畏。後。生。矣。嗚。呼。使。公。亦。豈。在。文。饒。下。哉。

文淵閣大學士太倉王公傳

公諱揆字藻儒一字顓菴江南 蘇州人曾祖錫爵爲

前明宰輔父時敏爲 本朝太常寺卿公生而秀整望

之儼然左目有赤痣長洲宋文恪公奇之妻以女以康

熙庚戌進士入翰林出主山西乙卯鄉試督學兩浙加

經筵講官歷遷內閣 主吏部侍郎當是時廣東南海

縣缺歲入巨萬有內務府總管某之弟賄吏胥銓注得

焉公靳不與曰法當自貴近始故香山令張令憲父子

死難其長孫進例得卹蔭滿洲侍郎某嫌年太久有所

遲疑公曰張令憲以父子兩性命博一蔭忍以苛文恪

之耶知府某原籍遼東祖塋在河南巡撫咨部命其奉
祠亡何有請勒令歸籍者公曰某奉部文守祠已數十
年一旦驅之出塞此與無罪而遣戍何異奏上 聖祖
是之調戶部侍郎再調刑部侍郎先是刑部定讞無漢
字供狀公爭曰 本朝官制兼設滿漢原欲其彼此參
詳以免偏任今獄詞不錄漢語則其事之是非曲直漢
司官何由知之是必隨聲畫諾非所以昭公正也請嗣
後錄供滿漢稿並具奏上 聖祖又是之遂爲定例
聖祖欲懲竊賊詔刑部凡三犯者與強盜同科公奏
皇上嚴竊匪原爲安民起見然穿窬之徒往往有屢偷

不直一錢者遽以三犯故擬斬未免太重不如仍用舊
律尋遷工部尙書再轉兵禮兩部尙書會澤州陳文貞
公薨遂授公爲文淵閣大學士充癸巳會試總裁當是
時。聖祖春秋高儲位未定。公年亦七十餘自念受恩
深。當言天下第一事。遂于丁酉五月密奏請建儲子懇
懇數千言疏留中。是年冬御史某亦奏請建儲。聖祖
不悅遂并發公疏命內閣議處分忌公者因而齟齬之
公止宮門外不敢入。聖祖左右顧問王揆何在首輔
馬濟奏揆待罪宮門。聖祖曰王揆言甚是但不宜與
御史同奏汝等票擬處分太重可速召揆來公聞命趨

入免冠謝。聖祖坐乾清宮，手招公跪。御榻前耳語。

良久，秘人不能知。後五年辛丑正月，公復疏前事，語加激切。三月十三日，又有御史十三人，柴謙等亦上疏如

公言。聖祖震怒，召集諸王大臣降旨責公。植黨希

恩染明季惡習，并令覆奏時舉朝失色。無敢與筆視者。公就宮門階石上裂生紙以唾濡墨，奏臣復見宋仁宗爲一代賢君，而晚年立儲猶豫。其時名臣如范鎮、包拯等皆交章切諫，頭髮爲白。臣愚信書太篤，妄思效法古人，竇未嘗妄嗾臺臣共爲此奏。奏上待罪五日。詔王

揆應謫戍軍臺。姑念年老，免行。著其子奕清隨諸御史

代往爲父贖罪當待罪時滿漢文武期門宿衛以至京師之秀士耆民爭來窺觀稱老相國有愛君之心可敬然無不咋舌爲公危者慮上怒之不測也至是乃齊向公拜賀歌呼先是江蘇多浮糧公密奏明太祖怒張士誠竊據三吳故困以重額本非平政世祖章皇帝深知其非未及施行請皇上七十萬壽之期降此特恩勿交部議以免屯膏疏入留中至是忤旨方與諸建諸劄子一并擲發公門下士陳瓊朱軾額手歎曰吾今而知吾師真古大臣也不然倘有他疏不可以見人者今日并發雖我輩始難爲顏乎是年冬迎駕石曹

聖祖望見遣內侍問公起居明年元旦諸大臣上壽
無公名 聖祖發還劄子命列公名以進隨 賜宴太
和殿畢再 召見西煖閣 賜坐命起原官視事如初
公論事務持大體康熙戊戌春升祔 孝惠皇太后議
者欲祔于 上生母 孝康皇太后之下公不可曰
孝康皇太后雖母以子貴然 孝惠皇太后 章皇帝
嫡配也 皇上聖母格天當 太皇太后祔廟時不以
孝莊躋 端敬之上今肯以 孝康躋 孝惠之上
乎禮部不從 聖祖果以爲非改命 孝惠祔章皇帝
左而奉 孝康居右己亥元旦日食奉 旨停朝賀

廷臣以爲日食乃一定之數不足爲災公言 皇上借

此儆惕卽孔子迅雷風烈必變之意大臣仰成君德正

在此處御史張建策請浙江開礦公劾其言利滋姦

聖祖六十萬壽開科部臣惜費公言士庶之家主人壽

日子孫童僕尙不吝貲財增榮飾觀况以聖人富有四

海而逢非常大慶乎御史鄭惟孜以科場浮議多出太

學奏監生就試本省毋留京師公曰太學之設自三代

迄元明未之或改其可以一二不肖廢千百年興賢育

才之典于是朝賀免開採停恩科開而鄭議亦寢雍正

元年正月上疏乞休 世宗許之月餘復降 旨云朕

不忍此等老臣之去着仍留京師備朕顧問亡何公薨
于奕清官詹事府詹事次麥鴻河南僉寧道

東閣大學士陳文恭公傳

公姓陳諱宏謀字汝咨號榕門廣西臨桂人家本寒素幼好讀書持一卷蔽門坐惟聞京師邸報必向親友處借觀之識者皆知其有大志也 雍正元年舉鄉試第一旋中進士選庶常改吏部文選司郎中遷監察御史當是時 世宗懲生監代考之弊令自首免罪公奏不如寬既往禁將來免胥役訪查滋擾 世宗大奇之卽召見謂大學士曰陳宏謀能識政體必能知文章山西主考雖籤掣有人改令伊去試竣歸 命以御史銜知揚州且曰有大事再奏來未幾遷江寧驛鹽道故事淮

商有樂輸一欵司鹽政者博商人急公之名以空數報
收部文徵取方催輸納公奏停之遷雲南布政使雲南
改土歸流運糧苦遠公建短運遞運之法按程交卸核
數給直增銅廠工本更鑿新礦開采者除抽稅外聽民
貨鬻自此糧運踊躍銅課日增 皇上登極雲督張文
和公薦公視國事如家事 上亦久賢公命巡撫陝西
者四巡撫湖南江蘇者二巡撫甘肅江西河南福建者
一總督兩廣兩湖者一三十年中開府九省所到處必
將各府州境內村莊河道繪圖懸壁環覆審視又將興
革事宜分條鉤考纖屑必周久遠必計刻苦經畫寢食

以之久之編次成書瞭如指掌有戚友官某地者輒來
借觀公亦竊喜自負曰此吾歷任官囊也江西南門外
羅絲港爲贛江分流冲尖城垣公築石隄捍之港下爲
黃牛洲上爲生米渡民多病涉公造浮橋利濟其行陝
無水路爲商州龍駒寨通漢江灘險僅行小舟公修濬
鑿除遂成康莊在江南疏排六塘河之丁家溝展寬邵
伯之金灣壩開徐六涇白茅口以洩太湖築徐州蘇家
山隄以禦河漲卽以開溝之土築圩護田中通渠洞爲
旱潦備其過窪者改令種蘆蠲免其糧金川用兵公奏
添設腰站又奏添棧道驛馬伊犁用兵公奏驅瓜州回

民遊牧吐魯番舊地免生事端又奏官茶壅滯不宜改

交折色福建臺灣米賤例禁外糶民出洋者例禁歸里

公奏請開寬上皆嘉納之尤喜民種樹鑿井在河南

植堤柳無萬數在陝鑿井二萬八千有奇造水車教民

灌溉又考幽風以陝本蠶桑之地乃立蠶局募機匠織

縑上充歲貢其他義倉細學隨地建設州縣人見如老

嫗訓兒諄諄絮語不憚舌敝雖秦土燥寒公去後桑樹

半萎屬吏希公意至有買南絲充秦紬秦絹以爲媚者

然信古受欺識者皆嘉公之志也乾隆二十八年遷兵

部尚書入都尋調吏部尚書加太子太保經筵講官再

授東閣大學士仍兼工部尙書 賜第 賜紫禁城騎

馬年七十六以病乞歸 上賦詩送行 賜御用官服

命經過處地方官二十里以內者出境護送行至山東

韓莊而薨 上聞哀悼賜祭塋文恭公任事不分畛

域亦不避嫌疑在湖南時聞江南災奏運楚米二十萬

石以助賑在西安時聞甘肅軍需少錢請撥局錢二百

萬貫以濟餉 上嘉其得古大臣體任雲南布政使時

奏廣西巡撫某虛報開懇任兩廣總督時奏商人借帑

作鹽本 上嫌公護鄉里交部處分一貶天津道一調

回江蘇又嘗忤雲貴總督慶福慶密劾公亦交部處分

革職留任未幾慶以誣罔賜死廣西後撫楊錫綬覆奏
開懇果虛由是公寃益白而公 眷益深公與相國尹
文端公雖同年同官而風趣迥殊尹高明寬和了事多
從容公終日刻厲無幾微閒然最相得在 上前彼此
薦引公歸時尹已卧疾兩人訣別床前及公舟過德州
病委頓矣接尹訃猶頓足哭曰回船我欲一奠尹公靈
前家人勸之再始止未兩月公亦亡壽七十六公強毅
自信頗堅然亦虛衷聽納治水天津常乘小舟咨詢于
野得放淤之法令水挾沙而行從隄左入隄右出如是
數次沙沉土高滄景一帶皆成沃壤公喜曰此非吾策

教我者老河兵真吾師也嘗向枚自悔疾惡太嚴枚曰
公言未是如果惡耶疾之嚴亦何妨所慮是過也非惡
也又恐悞善爲惡則嫉之且不可而况嚴乎公悚然謝
焉所薦人才如大名道陳法通政司雷鉉荆南道屠嘉
正皆人望也所著有在官法戒錄學仕遺規培遠堂奏
疏稿無子以兄子鍾珂爲後

今集上卷
文集

施秉縣知縣蔡君傳

蔡君諱謹字經山金陵上元人少爲弟子員伉健尙氣有營弁某凌人於塗君怒擒而搏之某訴有司有司笑曰而武人耶辱於儒士尙何訴也以雍正元年舉人補貴州施秉縣知縣施秉者原偏橋衛也去舊施秉九十餘里當黔省衛爲滇南之襟喉苗民雜居向設遊擊官率兵鎮守雍正六年奉旨清理苗疆當事者誤偏橋爲舊施秉地方謂離合拱大營僅里許足資彈壓奏裁此缺十一年君抵任力請於大府仍復舊制大府趨之然有豫未決十三年苗叛破黃平凱里岩門諸城進攻

施邑邑距黃平七十里無一兵寸甲民聞警逃君止之
不可乃手握刀槊練鄉勇家丁百餘人登城捍禦他邑
有來奔者縱之入給糧安置揀其壯者從軍夜然棒香
萬枝遍插城頭苗疑礮火如星不敢逼苗攻南門陰使
其黨自水門入君偵知之密造釘板埋四路苗黑夜跳
足來爲釘所刺仆苗憤用火箭射北門門內草房焚君
預備水龍數條激浪如雨高數丈火不得熾一女苗有
妖術張五色繖畫符左右兩端公誦咒舞標槍衝陣君
噴烏雞血厭之而預設伏兵待之大破之君前後大小
三十七戰自夏徂秋不解甲卧者九十四夜羣苗奪氣

各走散一城獲全貴州總督張廣泗上其功 天子擢授大定府通判未赴任又奉檄勘各處兵災兼清理新城苗寨在道勞頓受瘴病昇回施邑卒卒之日其所得俸罄于賞兵家無一錢邑人罷市致奠助其柩歸建廟勒石朝廷蔭其子寔爲監獄所騎豆青馬龍種也每戰跑踣先登君卒馬不復食後十日亦死

贊曰古文文武無分途蔡君故古吏也能建武功真古豪哉相傳君抵任時施秉人多睨君而笑謂其貌類邑中城隍神厥後臨危制變保障一方至今人呼施秉城爲蔡城然後知士君子寄百里之命血食不絕亦若有數

存焉而非偶然者

雪溪李先生傳

先生姓李諱東紹字見南一字雪溪爲唐西平王晟之後由臨洮遷吉水再遷東粵高祖麗元公卜居信宜父乾學歲貢生生四子先生其仲也年十八補弟子員旋試高等食餼當是時蘇州惠公士奇以名儒督學粵東教諸生崇實學一時摩研編削之才岬然蔚興然能雄其曹者亦往往罕見惟先生秀出儕輩以貢生拔于鄉惠公喜自負以爲常衮之得歐陽詹不是過也爲張酒所歌鹿鳴而送之入京師遊太學名噪公卿聞秋試見厄歸益肆力于經史子集禮樂河渠諸務鉤考叅稽以

待有用。選合浦縣教諭。教諭故闕。曹先居此職者。不自
貴。重每衙大府。與流外偕進退。先生遵會典儀。適雖一
揖不妄。下完治學舍。平其庸庠。訓弟子經義。月課而旬
會之。餐錢外圭撮不受。同僚來刺探。輒謾曰。是莪莪束
修耶。已如數獲訖矣。蓋不肯以苛廉律人也。性尤篤誠。
無調語。雖餘須。扈養輩不以集詬遇之。居喪柴瘠。期功
不嫁娶。兩試廣州。遭友于之戚。竟橐筆歸。躬視醫藥。含
殮平居。不以言智。先人善之所在。如水趨壑。施涖糜資。
蒙袂者。建畝。竹濟病。涉者。構區廬。鳩焚如者。張榻。藜表
野壘者。焚晝。指券。蠲代耕。氓租。凡所張施。一以稗躬澤。

物爲務以故鄉里慈服雖僇子盥夫靡不徹席側行師承父事或素未測交資千金負劑來托或相寇艾紛爭居間者百數卒不解得先生一言渙然冰釋卒之日遠邇泣弔者千餘人嘻誠能動物先生始古所稱陳仲公王彥方一流耶考之禮警宗祀于學鄉先生祀于社如先生者不祀何待卒年六十二私謚文裕先生夫人氏子五人以甲科顯四子宜隨字鑑川寶山縣知縣與余先後同官故余于知先生也詳

贊曰粵東學使自惠公後十餘年有高郵王公安國繼之旋撫是邦入爲大宗伯二公皆君子也操執欸欸客

所許可獨于先生交口之不置然則先生梗槩亦可想見第人有疑者先生踐履不實居句如矩而嗣子鑑川好心性之學多所除掃以詣幽元似與先生相僻而馳不知惟誠故明彊藥之士必生水精鑑川資于父者厚故其得于天者高耶

李孝子傳

嘉定之曲江里有孝子曰李維煌字裕光宋贈太師端伯公之後父岩士生孝子十年歿家無旨畜母詹孺人鍼衽以供孝子出就外塾泣曰養親兒職也兒不養母乃藉母養兒兒心何安遂棄書史勤耕作市珍怪之食進之母而已甘食淡焉母病喉勺飲喀喀不下者二晝夜矣孝子呼天求救母夢神人刺以針曰哀而子之孝也覺一汗而愈雍正七年秋海風起城中生波濤孝子居故穿漏夜半屋搖搖然孝子趨負母伏几下俄而前後廬舍崩所避處獨完孝子父亡逾年大父亦亡孝子

雖終喪不吉服不與賓筵曰古不塋不釋衰今窀穸未
營某方負疚敢施施如平常時耶及其塋也時居嚴寒
體故羸手炭土僵大雪中治冢匠數人蘊火覆之淪以
湯乃蘇年五十卒卒時抱母大慟囑其孤某善事大母
聲語不絕乃頤相傳其幼時居父喪寢苦塊中哀號
三年每出入隣人指曰小孝子小孝子蓋其天姓然也
乾隆二十年大吏聞于 朝建坊曲江里立祠其旁
論曰孝經一書聖人所以爲人子訓曰至矣然世人方
讀書以求孝而李氏子獨因孝以廢書何耶中庸曰率
性之謂道修道之謂教古之能率其性者無俟于教也

不然慈烏反哺羔羊跪乳彼所讀何書哉

小倉山房文集

松潘鎮總兵宋公傳

公姓宋名元俊字甸芳江南鳳縣人以武進士任四川
城守營守備遷阜和營遊擊乾隆三十六年夏金川酋
索諾木襲殺革布土司其黨小金川酋僧格桑亦發兵
侵明正土司據班爛山阻官兵進路被害者相繼告急
總督阿爾泰知公素得夷心命抵賊巢責問原委公至
刮耳厓索諾木迎謁詭以革番內變爲辭公知其詐歸
告阿公曰兩酋掎角爲姦雖陽恭順而陰怙惡非一大
創不可如興師當先取小金川卽獻三路進兵之策一
從班爛山直探卜金門戶一從堯積截取甲金達山梁

救達圍而趨美諾一繞小金川尾間由約咱進攻遜克
宗阿公以其計奏聞 上命副將軍溫福提督董天弼
分路進兵總督阿爾泰駐劄後路居中控制當是時蜀
敘寧日久文武恬熙一旦軍興相顧喑夔兩金川地勢
奇險礪卡柴立兵將未言色沮公獨能聚米借籌歷歷
指畫于是諸將軍運糧出戰一切惟公是詢公探知小
金川所佔明正之達頂山梁與巴底巴旺毗連密令叅
將薛琮挾巴酋暗擊山梁而自統兵從甲楚渡河攻之
賊腹背受敵大驚奔潰收復納頂弼寨百餘卽用納頂
土百戶爲前導直搗約咱賊愈困聞

大兵至卽走登時提督董公破甲金達副將軍溫公收復班瀾山再克卡了 上嘉之擢松潘鎮總兵賞花翎時三十七年正月十日也計進剿小金川未及五月而侵地全收 聖諭褒美公愈感奮將直搗賊巢旋奉將軍命調回籌辦什咱事宜受代而行方攻奪河東時小金川求救于索諾木索諾木許之將襲我後路公得巴爾密報遣使至刮耳崖罵責之索諾木知請得撤回原兵于要隘處增礮固守公請于制府曰大金川逆形已露不可不誅然犯險強攻徒損士卒不如卽用革布逃酋其人自報讐雪恥之心尤悉地形可使也遂密遣番

民乘夜踰山約諸酋連結各寨爲內應而自率遊擊吳錦江等由節木郭度河據勾藏橋舉砲爲號革番從內突出與官兵合力夾攻斬千餘人進圍丹東角洛收復革境三百餘里事聞上愈嘉將賜荷包寵異之先是公別遣守備陳定國潛赴綽斯甲布土司屯兵甲爾龍壩上聽候調遣人莫知其意及革境全平金酋畏綽土司之躡其後不敢傾巢出戰大兵雖在東南而制勝則在西北甲爾龍壩上雖按兵不動而金革兩處已扼咽喉公籌略深沉皆諸將所莫及時上意大兵乘勝即可擒取素諾木而公言兵少未可輕進爲制府所劾調回

大營隨卽革職鬱鬱不得志病卒于軍年五十八公長身聳立音響如鐘響尺許望而知爲偉人料敵審勢毫忽不爽初收復革番所用兵不過千許及進攻金山公建議北路必需三萬人當事者疑公怯不聽所請卒無成功後處將軍明公廣集漢兵士兵三萬人先通路後進兵具言始驗公待士信用法嚴與叅將薛琮交最厚攻小金川時制府重公命以遊擊領兵節制諸將公磨利刀與薛約曰某地某日會我後至君斬我君後至我斬君及公至所期處而薛逾二刻始來公遣飛騎持刃呼取薛叅將頭薛望見笑曰薛頭與賊不與公也奮前

奪數礪反公猶手縛之請罪于制府以功論贖乃已先是取番者平時視若草艾及蠢動又畏如虎 國家所賞緇帛易以絨濫酋叩頭領謝去歸視大恚笑擲于路公有實必佳物其人輒喜相告或昇公抵其巢率妻若文環侍左右公賜以茶烟簪珥兒子畜之小不循法立加笞呵威悚息聽命打箭爐邊關以外官將行李俱畏夾壩出沒惟公與果齋盛太守之箱篋蠻夫爭爲背負或遺于路必擊遂行幄諸番小有動靜先來告公以故凡所料判動合機宜死之日番人梨面環哭聲振巖野平居以忠義自許思立功名然性剛能恤下不能事上

徇自議論慷慨迅厲旁若無人以致讒忌者衆身後家
籍沒兩子戍邊有張芝者以走卒隸公麾下拔至參將
四十一年春大將軍阿公桂平定金山凱旋時芝書公
戰狀抱一冊哭陳軍門將軍代爲奏聞邀 恩赦其子
歸人莫不嘆張能報德公能知人

先妣章太孺人行狀

嗚呼枚辭官奉母垂三十年太孺人壽將滿百神明未
衰海內之人知與不知爭來問訊以爲儲休啓祐所以
享此遐齡者必非無因枚亦思有所稱引以宣揚太孺
人之徽音而曾曾未逮今年春太孺人抱恙枚不孝醫

巫不具又不能籲天請命致承訣慈顏擗踊之餘自傷
白髮知睽離膝下亦不多時恐一息不來而半詞莫措
則人子顯親之志遺恨彌深此張慈誅母之文伊川狀
母之作所爲泪墨交揮而不能自己也謹按太孺人章
姓杭州者工師祿先生之次女年二十來歸先君慈和
端靜所居之室馨欬無聞當是時寒家貧甚先君幕遊
瀕海寄館穀贍其家萬里路遙家書屢斷太孺人上奉
大母旁養孀姑下延師教枚半取給於十指間每至縣
貸路窮百音告匱輒嘿嘿然繞樓而步枚與諸姊妹猶
啼呼索飯不知太孺人力之竭心之傷也及枚鬻年人

學旋即食餼弱冠舉鴻詞科旋入詞林乞

恩歸娶一時戚里姻族爭奔趨懽賀爲太孺人光榮而
太孺人愔愔如常與枚作孩提時無以異也王戍枚改
官縣令四任花封祿養稍厚人爲太孺人慶板與之樂
而太孺人愔愔如常與在詞館時無以異也 王由枚
改官秦中念太孺人年衰陳情乞養僑居金陵之隨園
園中頗饒亭榭水木清華人爲太孺人慶烟雲之奉而
太孺人愔愔如常與在枚官衙時無以異也蓋太孺人
天懷淡定處困履亨不加不損憂喜之色不形於造次
其教枚也自幼至長從無答督有過必微詞婉諷如恐

傷之嘗謂姊曰汝弟類我顏易忸怩故我不以常兒待之故因此愈加悚懼常伺察於無形無聲之間有不憚必痛自改悔佞色笑如常而后卽安晚年抱孫頗遲人以爲晏太孺人絕不介意曰吾見居心行事必當有後如其無之則亦命也吾何容心焉前年弟阿品生男枚抱以來去冬新娶鍾姬有娠太孺人爲之欣然嗚呼其應嗣者太孺人已得而見之矣其將生者太孺人猶未得而見之也雖雄雌未卜而兆已萌芽偏使免乳嬰婉不及待大母含飴一弄是則人倫缺陷枚不能不抱恨於終天太孺人不持齋不佞佛不信陰陽祈禱之事針

尚之餘手唐詩一卷吟哦自娛僮僕微勞必厚犒之鄰

里賤媪必禮下之晚肉作魚味倍甘鮮子婦學之卒不

能及年年花開時諸姬人循環張欲爲太孺人壽太孺

人亦必婆娑置具行答宴之禮嘗戒枚曰兒無他出明

日阿母將作主人也嗚呼痛哉此情此景在當時原早

知難得故刻意承懽亦不圖色笑難追一轉瞬而杳如

天上彌留之際筋骨不舒或爲播摩輒曰汝手勞盍少

休又曰夜已深矣汝且往眠其仁心禮物臨危不亂如

此卒時召枚訣曰吾將歸去枚不覺失聲而慟太孺人

詞曰人心不足見虞耶天下寧有不死人耶我年已九

十四矣兒何哭爲舉袖爲枚拭淚而逝嗚呼痛哉人世以百齡爲上壽再假六年太孺人便符此數天何吝此區區者而不肯賜與耶抑去來有定未可強留耶不然則終是枚調護無方奉養有缺而致太孺人之沉綿不起也此年來枚於古人中百無一慕惟唐詩人邱爲行年八十尙有高堂私心竊向往之今而後方知古人之難及也枚雖蒼蒼在髮而太孺人視若嬰兒每人定省必與一餅餌一果蔬詔以寒暄詢其食飲枚亦陶陶遂遂自忘其衰今而後枚方自知爲六十三歲之人也待膝下愈久離膝下愈難晨昏起居誤呼阿孀瞻望不見

神魂。俛俛。雖苟。活須臾。而生意已盡。嗚呼。尚何言哉。尚
何言哉。太孺人生於康熙乙丑八月二十三日。歿於乾
隆戊戌二月九日。四女三寡。依杖以終。二姊年七十事
母尚健。孫通四歲。女孫二俱未適。人不孝。男枚謹狀。

久保上野文集

書馬僧

江寧嚴星標幕府執徐芝仙蘭皆以耆士在陝督年羹
堯幕府雍正元年青海西羅卜藏丹津不順

憲皇帝授年爲撫遠大將軍四川提督岳鍾琪爲奮威
將軍率兵討之功成年以徐嚴二叟年衰贈金幣送歸
宿蒲州有兩騎客來狀虓猛所肩行李擔鐵也天明行
晚復來宿心悸之卒無如何又客館逢二僧皆猥黠少
年二叟目之一僧吳語云誰無眷屬何看爲始知其一
爲尼急亂以他語出不敢按站行十餘里卽宿僧來排
闥踞上坐揚其目而視之曰我疑若書生也乃亦盜耶

橐內赤金二千從何來一叟駭曰天下財必爲盜而後
得耶朋友贈何妨僧曰若然二君必年大將軍客也曰
然曰幾殺好人起挾女尼走東廂酌酒飲倚而歌聽之
秦聲也抵暮兩騎客亦來解鞍宿西舍庭月大明一叟
閉門卧僧獨步簷外嘖嘖曰好馬好馬亡何兩騎客去
僧闐然叩門巖窘挺身出曰事至此尙何言行李頭顱
都可將去但有所請于和尙指芝仙曰此吾老友七十
無兒殺之耶釋之耶僧笑曰我不殺汝先去之兩騎客
乃殺汝者也詰其故曰凡綠林豪測客囊皆視馬蹄塵
金銀銅分量望塵了然兩盜雖耳雖相伺而眼昧誤赤

金爲錢鏹故不直一下手然非我在此二君殆矣問僧
何來曰余亦從年大將軍處來也公等知將軍平青海
是誰助之功耶余故吳人少無賴好勇被仇作太湖
盜不得已逃塞外隨蒙古健兒盜馬九性遂愛馬亡何
見岳公鍾瑛所乘彪彪然名馬也夜跳匿廐中將牽其韁
未三鼓公起親自飼馬四家僮秉燈至余不能隱被擒
公上下視行刺者乎盜馬者乎曰盜馬問自日闌入
者乎夜踰墻者乎曰踰墻公微瞠若有所思秣馬訖命
隨入室案上酒榖橫列公飲巨觥而以一盞見馮解
衣卧大甔遲明公起盥沐畢喚盜馬人同往大將軍

公先入良久聞軍門傳呼曰岳將軍從者某賞守備衛
効力轅下岳旋出上馬顧曰壯士努力將相寧有種耶
亡何余醉與材官角鬪將軍怒賜杖甫解袴岳公至曰
我將征西藏爲汝乞免汝從我行時雍正二年二月八
日也公侍衛達鼐西寧總兵黃喜林各領兵先自領
五百人爲一隊約某日會于青海界之日月山至期天
暮公立營門諭二領隊曰此行非征西藏也青海西羅
卜藏久稽天誅昨其母與丹津紅台吉二酋密函乞降
機不可失手珠寶一囊金二餅顧余曰先遣汝召賊母
來賊有城甚高非善踰者不入賊營帳四上有三紅燈

者其母也。對面帳居羅卜藏，左右帳居丹律紅台吉。二酋珠寶與金將以爲犒。此大事，汝好爲之。解腰下佩刀授余。余受命叩頭。公起身入天大霧。余飛霧行三十餘里，至賊城勝身而登。果帳燭熒熒然。母上坐，三酋侍側。母年六十許，面方髮微白，披紅錦織金袍。叱余何人。余曰：年大將軍以阿娘解事，識順逆，故遣奴來問好。囊寶貝奉，滄金二餅，餽兩台吉。三人聞之喜，叩頭謝。余知功將成，昨曰將軍在三十里外，待阿娘。阿娘速往。三人相顧猶豫。余解佩刀插其座，鼙厲聲曰：去則去，不去我復將軍。其母曰：好蠻子行矣。上馬與二酋隨，十餘騎行不

十里岳公迎來將其母與二酋交達。龍黃喜林分領之。須臾前山火光起來。道礮發。斬母與二酋。回入軍營。次日。謀者來報。羅卜藏丹津已逃。準噶爾部落岳公命竿三頭狗三十三家。台吉皆震悚。乞降。二十一日。至年大將軍營。往返裁十有五日。三月朔。凱旋岳公首舉余功。大將軍賞游擊銜。余指軍門謝岳公曰。某杖此僅半月耳。大丈夫何顏復來。願辭。公歸別思。所報公笑曰。咄。吾知汝終爲白頭賊也。厚賜爲別。歸次涇州。宿回山王母宮。昵妓女金環。年餘。資用蕩盡。不能歸。憶幼習少林寺。手搏法。彼處何棲。遂與金環同削髮。赴中州。苦無馬。逢

兩盜騎善馬故奪之二叟不信曰彼不受奪奈何僧笑
拉二叟出視廐則夜間已將兩盜所肩鐵擔屈而園之
束二馬首于內不可開二盜氣奪故遁去言畢挾女尼
舒其擔牽馬門外拱手作別曰二君有戒心勿北行可
南去凡李衛田文鏡兩總督所轄地方無憂也後三十
餘年二叟亡嚴之孫用晦過河南登封縣遇少林僧論
拳法曰雍正初有異僧來傳技尤精然無姓名好養馬
因稱馬和尚後總督田公禁嚴僧轉授永泰寺尼環師
今環師亦亡其徒惠來者能傳其術用晦心知馬和尚
卽此僧環師者卽金環妓欲訪惠來以二寺相距十餘

里天大雪不果往

論曰馬僧事類小學爲正史所不書然岳公獲一盜馬賊能留心錄用使奏其能真大將矣其行間致敵不戰而屈人兵機有足法者年羹堯威勝不恤士馬僧太跣跣故無成功皆足爲規戒備書之亦自附于李玉溪之書程驤羅江東之記石烈士云

書朱山

湖州朱君名山者以進士選臺灣諸羅令諸羅近海俗悍難治君到謁廟畢卽詣獄問吏彼纍纍者何囚耶曰竊賊曰吾以爲巨盜耳若小竊何繫焉召而集于庭畀以十金曰與汝作傭與汝約再犯者死應聲曰唯乃悉縱之邑之人相與匿笑以爲君書生泥于古故然亡何所縱者犯法君語行杖者曰立法之始不可寬也欽其足而杖之斃亡何又斃一賊邑之人股栗相與駭曰是非書生乃一健吏亡何又獲賊方喝杖而疑之曰汝面有泪痕何耶曰自分必死適與母訣故悲偵之果一嫗

抱。裹。屍。席。哭。而。來。看。曰。勿。殺。巨。有。孝。心。尙。可。悛。改。再。畀。十。金。曰。汝。持。金。贖。他。方。勿。居。此。爲。老。捕。所。捉。搦。也。仍。縱。之。故。事。臺。灣。道。巡。縣。供。張。華。侈。有。某。公。者。將。至。吏。以。舊。例。白。君。不。可。餽。粟。十。斛。羊。四。羖。某。公。銜。之。俄。而。檄。命。造。冊。將。丈。其。邑。田。君。爭。曰。臺。灣。一。府。皆。濱。海。斥。鹵。之。地。與。他。府。不。同。康。熙。清。丈。時。原。留。餘。地。濟。貧。氓。今。或。有。浮。漏。處。而。生。齒。日。繁。丈。之。將。于。民。大。病。抗。冊。不。上。巡。道。符。下。如。火。督。愈。急。諸。紳。士。謀。賂。萬。金。以。免。君。又。不。可。曰。我。在。此。不。使。諸。君。賄。上。游。鑑。橐。行。矣。半。途。奪。歸。某。大。怒。撫。他。事。由。督。撫。劾。之。委。員。逮。君。諸。羅。民。數。萬。洶。洶。然。揭。竿。起。

將逐委員君曉之曰諸百姓抗王章生事是殺我非愛我也再三言且泣諸百姓曰若然則我等護公往鞫有不測願同公死甫登舟擔服脯糗糧者壓其艙幾滿出海一男子透水上手餅金爲獻問何人曰公所救養母賊也受公金販魚漳浦得十倍利已成家矣今聞公行老母命來報恩君笑曰汝改行與否我實未知手中金安知非又偷而遺我乎拒不受曰公勿受是仍以賊待我也歸何顏見母不如死趨然蹈于海舟人救之腹膨亨矣君不得已受之到省頌繫月餘獄不具會福建將軍新公人覲密以其事奏天子召見復原官再遷灤

州知州順道還家昇至一大宅門牆巍峩君不肯入曰
此非我家輿人笑不言已而夫人子婦出迎曰嘻此前
年君罷官時諸羅人送我家居此也并券在焉出而視
之購價萬金

書悔軒觀察五事

袁子曰士大夫爲政愛民者多知所以愛者少孔子云可與立未可與權孟子曰是乃仁術也聖賢行事不諱權術要歸于適道歸于仁而已余偶聆悔軒先生稱說作州縣時五事出奇智異術牖民可以觀可以師愛而錄之示後之從政者

先生權安化縣時南鄉李姓族繁始祖有仕元封萬戶侯者賜墓某山碑禁後人耐墓乾隆初族人李澄犯禁李經阻之澄恚棄棺控縣縣令往視棺已焚矣乃收殘骸貯庫申牒大府澄與經各以焚尸互控歷任信鞠株

引百餘三十餘年獄不具先生抵任憫兩家之苦訟也亦知兩家之厭訟也堂問其人爾等若干歲矣曰三十有奇曰四十有奇先生笑曰焚棺事有三十年前汝等幼未曾目擊今日之訟何由措詞皆叩頭曰明知官民兩累奈焚尸罪重兩家騎虎不下奈何先生曰當阻塋時棄棺在屋乎在野乎曰在野野有蟲裡掩棺乎抑暴露乎曰以茅覆之曰若然則兩家之訟之誤久矣阻塋者不必焚棺盜塋者不忍焚棺此人情也棺旣在野又覆以引火之茅安知非他家上家人化紙錢因風延燒耶汝等退訪明復再訟何如越三日李氏族千餘人泣

謝曰公神明也。訪諸耆老，焚棺事悉如公言。先生命別擇地，葬庫中骨，兩家祭奠，爨爨諸大府銷案。

先生宰益陽時，縣民劉克俸有臨街五樓，身居其三，以其二賃與張某，亡何張族兄錦文來，亦借居焉。張妻下樓執爨，怪錦文行李狼籍，檢之失銀二百張，兄弟偕地保報官，訴壁瓦無穿窬形。先生問何不與房主偕來，曰：「侵晨外出矣。」方疑詢際，忽堂上擊鼓聲甚急，則房主人劉克俸也。先生叱曰：「汝胆太麤。」白曰：「攫人金，尙敢來報我乎？」克俸嗒然，口不承，而色已奔脅。以三木乃曰：「問龔四龔四者，其家傭也。先生知情，已得不過欲卸罪于龔。」

乃遣役至克倭家問其妻曰汝夫同龔四竊張錦文銀何在妻哭頓足曰我勸吾夫毋作賊今果敗矣出銀二百封記宛然或問先生何以知之曰渠擊鼓時手戰而目斜睨故疑之且報竊乃尋常事非奇冤官又在堂何必擊鼓耶

先生知衡陽時邑紳趙某虎而冠者也入粟得州同銜以罪褫再爲子入粟得封典以罪褫乾隆庚辰冬報失千金先生知其狡也單騎往驗見穴難容肩墻幾鑿痕亦小訊其家屬一媪從龕下出面焦然雪中猶敝葛先生不問竊事但好語曰汝供役人何寒至此媪曰老婢

投身十餘年矣。主人不衣食之，又不許去。奈何？先生曰：官作主，汝卽得脫。但主人失竊事不明，汝何能去？曰：此事易明也。主人刻暴而嗇，且病有妾李氏，久不侍寢，又虐使之，李亦求去，不得。其兄某賣酒回，雁峯下暗相往來。老婢不敢聲，此可疑也。喚李至，則甚少艾服飾，嫣然而愁鬱，態眉頭，不由先生亦不問竊事。但好語曰：主人待汝何如？不荅曰：汝甘心事主人乎？抑不得已而居此乎？又不答。先生曰：我知之矣。趙刻暴而嗇于汝，無恩汝亦如老嫗之求去不得，故不便明言耳。李且泣且叩頭。先生曰：老嫗告我，此金乃汝竊也。趙某尸居餘氣，死

期近矣。汝不得不爲身後計。故私匿其金。信乎李抵攔先生曰。汝慮罪。故不承。耶律載親屬相盜者。勿論。况趙某匪人。不宜之財。一朝失去。人人稱快。汝以情款。所不爲。汝脫身者。有如此。曰李涕雨下曰。妾死罪。主人金止六百。妾竊二百。藏兄某家。餘四百。尙在笥中。所報千金。僞也。墻穴係妾用小刀開鑿。假作穿窬狀。公所勘者。亦僞也。妾願隨役到兄家取金。先生許之。果得二百。搜趙笥中。果存四百。趙駭服。先生怒責之曰。孟子云。身不行道。不可行于妻子。汝之謂也。汝浮報欺官。理宜治罪。姑憐汝病。爲汝懺悔之。取二百金分賞老嫗及李氏。命嫗

送李氏還其兄家

先生牧平定州時樂平縣民侯充世者富而無子嗣兩
異姓者一名百糧一名丙寅旋娶妾生三子長曰觀音
保才五歲充世死未逾年其妾赴縣訴百糧不孝縣斷
百糧異姓不得爲後酌給田產歸宗百糧不服訴臬司
稱侯氏疎族某貪其遺資屢誘繼母變產百糧阻之以
故陵訟臬司委先生決之先生曰縣令依律而斷不爲
踏駁但于侯氏後患未爲置想按侯氏本族未嘗無子
而充世兩繼累姓其不悅于本族可知百糧果不孝充
世必逐之于生前不待繼母逐之于死後婦人耳軟受

惑亦間有之。倘今日逐百糧，明日再逐丙寅，則累然一寡婦抱三孤兒，何以自存？一義子之忤母，易制而羣族之窺產，難防。是不可不爲之慮也。應將充世家資區分爲四所，生三子，各得其一。百糧丙寅共分其一，仍依繼母居代爲料簡。俟觀音保成立後，去留聽便。臬司謹之。依斷立案，合郡悅服。侯氏至今小康。

衡陽民爭墳山甲墓久矣，以傍地賣與乙乙利其風水，先墓墳于所買處，繼埋骸囊于甲山。甲不服，具控先生往勘，閱其譜牒，斷山歸甲。乙爭曰：某有糧，彼無糧，公何據而斷？先生曰：據無糧斷也。湖南田土康熙三十六

年巡撫趙公通省丈量始陞科則甲。墓于未。丈量前故。無糧汝墓于已。丈量後故有糧。是無糧者先主其地。明也。乙詞屈乃出魚鱗印冊抗爭。先生笑曰。此卽趙公所丈冊也。此冊縣令印之冊書掌之。安得在汝處。明係汝乘新舊官交代時賄胥私造爲訟根耳。汝不服。試以冊附卷待嗣後民間爭產。再有以魚鱗冊呈者。直汝未遲。乙不能荅。際聲去。明日遣役拘之。已挈所埋骸甕遁矣。

小倉山房續餘文集卷二十八

錢唐袁枚子才

錢璵沙先生詩序

庚子秋璵沙先生執訊來曰子許序吾詩二十餘年矣
今兩人俱年衰而吾詩適又編成子其償諾責哉余伏
思先生不必以詩傳者也先生之詩又不必以序傳者
也然而先生雖官尊雅好吟詩余少所伏膺獨嗜先生
之詩在當時所以欲序而未遑者原擬積歲月工吾文
以寫宣懿美而不意先生之詩日進而吾文日退則敢
不就吾所能言者及今述之爲讀者先乎嘗謂于古文

章傳真不傳偽故曰詩言志又曰修詞立其誠然而傳
巧不傳拙故曰情欲信詞欲方又曰神也者妙萬物而
爲言古之名家鮮不由此今人浮慕詩名而強爲之既
離性情又乏靈機轉不若野氓之擊轅相杵猶應風雅
焉先生之詩其神清其韻幽曲致而不晦于深直言而
不墜于淺沈隱侯稱斯文如日月雖終古習見而光景
常新陸魯望稱張承吉善題目佳境不可刊置別處此
爲才子之最也能之者其先生平先生立朝有風節仕
外多惠政余疑其不屑爲詩以詞臣改臺諫司倉司關
再司刑獄屏藩兩省走燕吳楚越蜀江閩海萬餘里余

疑其不暇爲詩乃每落筆而乙乙抽思有專門名家所
不能到者然後嘆白太傅蘇玉局一流代不乏人而轉
覺當年之房杜無詩李杜無官爲可惜也余半世山居
視先生勛高而望隆殊不相侔然垂髫時卽隨先生入
泮弱冠後追步詞垣晚年又同奉大臺親終養林泉五
十年來數當時朋輩零落殆盡而此二人者猶能白髮
如此各寄一編相悅以解相倚以傳嗚呼豈偶然哉昔
白公與孔子論微言曰以水投水何如孔子曰淄澠之
合易身能嘗而知之余因讀先生之詩而愈有味乎聖
人之語也

小倉山房
文集

趙雲松甌北集序

晉溫嶠恥居第二流而雲松觀察獨自負第三人意謂探花辛巳而于詩則推伏余與蔣心餘二人故也夫以雲松之才之高而謙抑若是疑是調語不足信今年以甌北集來索序擷之祇心餘數行而他賢不與焉然後知雲松于余果有偏嗜耶抑其詩別有獨詣之境已不能言他人不能言必假余與心餘代爲之言耶嘻余與心餘之詩之所以然俱不能自言也又烏能言雲松哉然去春過南昌心餘病握余手誦詩序一如雲松擷卷首一序并無然後知此二人者交滿海內而孤晚隻

視爲余是好然則余誰衰殆不許其嘿嘿然竟以不言已也今夫越女子論劍術曰妾非受于人也而忽自有之夫自有之者非也與之天與之也天之所與豈獨越女哉以射與羿奕與秋聰與師曠巧與公輸勇與賁育美與西施宋朝之數人者俱不能自言其所以異于衆也而衆之人方且彎弓鬪棋審音習斤學手搏施朱粉窮日夜追之終不克肖此數人于萬一者何也雲松之于詩目之所寓卽書矣心之所之卽錄矣筆舌之所到卽奮矣釋史方言龜經鼠序之所載卽闌入矣李衛尉之營陣隨處可置也能宜僚之丸信手可弄也而忽正

忽奇忽莊忽俳忽沉驚忽縱逸忽叩虛而逞臆忽數典而鬪靡讀者游心駭目礫碌然不可見町畦或且規唐摹宋千力萬氣以與之角卒之騏驥追日未暮而日已在其前所以然者又何也嗚呼此皆羿與秋師曠公輸賁育西施宋朝之所不能言而惟越女能言之者也余之爲雲松言者亦止此而已矣或謂雲松從征西滇官海南黔中得江山助故能以詩豪余謂不然世之行萬里歷險艱者或十倍焉而無加於詩如故也或惜雲松詩雖工不合唐格余尤謂不然夫詩寧有定格哉國風之格不同乎雅頌皋禹之歌不同乎三百篇漢魏六朝

之。詩。不。同。乎。三。唐。談。格。者。將。奚。從。善。乎。楊。誠。齋。之。言。曰。
各。調。是。空。間。架。拙。人。最。易。藉。口。周。櫟。園。之。言。曰。吾。非。不。
能。爲。何。李。格。調。以。悅。世。也。且。多。一。分。格。調。者。必。損。一。分。
性。情。故。不。爲。也。玩。此。二。公。之。言。益。信。雲。松。之。所。以。長。處。
余。不。能。言。雲。松。之。所。以。短。處。余。轉。能。言。之。此。卽。雲。松。之。
所。以。謝。却。他。人。而。必。亟。亟。焉。以。詩。序。見。屬。之。本。意。也。

蔣心餘藏園詩序

作詩如作史也才學識三者宜兼而才爲尤先造化無才不能造萬物古聖無才不能制器尙象詩人無才不能役典籍運心靈才之不可已也如是夫然而自古清才多奇才少晉人稱謝邈清才宋神宗讀蘇軾文嘆奇才奇才中分量又不可以十百計蔣君心餘奇才也癸酉過真州見僧舍題壁心慕之遂與通書後來金陵唱隅講討相得益甚去年余遊匡廬過君家君半體枯矣聞余至蹶然起力疾遮留手乞乞然授口吃吃然托曰藏園詩非先生序不可藏園者君所居園名也嗚呼

君之初心豈欲以詩見哉。及今病且老，計無所復而欲以詩傳，可悲也。然君有所餘于詩之外，故能有所立于詩之中。其搖筆措意，橫出銳入，凡境爲之一空，如神獅怒蹲，百獸懾伏，如長劍倚天，星辰亂飛，鐵厚一寸射而洞之，華嶽萬仞驅而行之，目巧之室自爲奧阼，袒而搏戰，前徒倒戈，人且羨且妬，且駭且却，走且訾，若無不有也。然而學之者非折脅卽絕膚矣，非壺哨卽鼓僂矣，故何也。則才之奇不可襲而取也。雖然，君之奇見獨詩而已。耶君秀挺，藍立目長寸許，聞忠義事慷慨欲赴，趨入之，急若鷲鳥之發，恩鰥寡者艾無所靳，諧笑縱謔，神鋒

森然其意能寄初入京師望之者萬頸胥延登玉堂將
速飛忽不可于意掉頭歸其行止奇不數年間天子
屢問及之乃往供職卒浮沉不遷及召見將以御史
用而君病甚不得已歸遇合尤奇嗟乎君之數奇豈其
才之奇有以累之耶然使君竟不病竟不歸義義而升
安知不躡青雲爲麟鳳之翔又安知不缺且折爲干將
莫邪之傷今雖其官棄其身全殘于形不殘于神其名
固以藏也取善刀而藏之之意宜也不知刀可藏詩不
可藏周官之書藏山岩屋壁矣白傳之詩藏香山東林
兩寺矣千百年來誦讀遍天下藏耶不藏耶同時趙雲

松觀察服君最深適以詩來索序余老矣思附兩賢以
傳遂兩序之而兩贊之

碧眼齋詩存序

碧眼齋詩妹婿書巢作也書巢之詩不得已而存焉者也書巢弱冠舉于鄉從桂林來修婚兄弟禮既見卽別別三十四年矣聞其成進士宰什邛走川峽再爲東諸侯遷郡將登臨于秦岱琅琊之罍間凡一切大府艱巨事皆所辦治又性好交契重然諾廉俸朝入饋遺暮盡答四方箋奏日春斗麵爲糊五記室掌之手腕欲脫猶不能編此其希通慕大豈肯以一吟一咏竇竇然作學子終哉其所癖嗜尤在于書署中縹素山積躬自排比雖園溷所猶手一編拳拳不釋今年秋以詩集見寄且

曰子爲我序而行之嗚呼吾今乃知書巢真欲以詩自存矣今夫孔雀負青天而飛方將追鳳皇儀虞廷不自知其身有丹翠也及其折清風而抃茫茫無之則不覺自憐其尾作吉光片羽之珍使書巢當得意時一日千里隆隆而升必無暇爲詩就使爲詩不過編成于故吏門生之手甘苦終難自知乃書巢之于宦途也若稱意若不稱意莫益之或擊之三仕之三已之年垂六十髮蒼然而室蕭然除骨肉妻孥外只此一編與伴晨昏其理而存之也可喜也尤可悲也然世之寵榮赫耀十倍于書巢者一旦聲漸影滅沒世無稱其效亦歷歷可觀

矣。天。之。厚。書。巢。而。使。之。有。詩。書。巢。之。能。承。天。之。厚。之。之。
意。而。能。工。于。爲。詩。皆。所。謂。三。公。不。易。者。也。其。碎。而。公。諸。
天。下。也。奚。疑。哉。奚。讓。哉。惜。余。年。衰。不。獲。與。書。巢。多。相。唱。
隅。以。抒。老。懷。且。喜。書。巢。詩。集。之。成。得。于。吾。身。親。見。之。故。
爲。述。其。生。平。梗。概。以。見。書。巢。之。所。以。爲。書。業。者。別。自。有。
在。原。不。與。富。貴。浮。雲。同。爲。留。去。者。也。至。于。其。詩。之。淵。源。
得。力。處。諸。序。中。申。之。甚。詳。余。不。復。贅。

錢竹初詩序

竹初明府爲少司寇錢文敏公之季弟生而娟雅有仲
容之姣傳其家學麗詞雲委余曩以清才目之尙未審

其學之深力之宏也前年余還杭州讀其全集能破萬
卷而總百家昔人云應瑒和而不壯劉楨壯而不和竹
初爲能兼之今年春余從天台歸竹初方宰鄞縣見餉
古風二章修意修言進而愈上余方惜竹初以如是才
宜登蘭臺上石渠咏歌昇平何屈于州郡之職爲梁敬
叔所嘆哉乃其精思詣微若因簿領煩人而轉有進焉
方信古之人誦詩三百授之以政政之道原息息與詩
通毳衣政嚴緇衣政寬皆于詩乎見之故曰詩者持也
持其性情使不暴去然後可以臨民今人界詩與政而
二之詩之廢政之憂也竹初之詩如是其政可知且余

嘗謂作詩之道難于作史何也作史三長才學識而已
詩則三者宜兼而尤貴以情韻將之所謂絃外之音味
外之味也情深而韻長不徒詩學宜然卽其人之餘休
後祚亦于是徵焉東坡詩風趣多情韻少晚年坎坷亦
其証也竹初音情頓挫使我誦之而憬然不忍與之離
然則千秋萬世又誰誦之而忍與決捨哉竹初晚景之
榮詩之傳俱無疑也惜予老矣自文敏公亡後諸賢零
落無可與言不圖遲暮重遇竹初竹初之乞序于余也
余之序竹初也豈徒稱引爲哉區區甘苦亦欲借此數
行交相質證故讀其集勸其粹以行世而倏然以余言

爲之先焉

童二樹詩序

嗚呼余束髮受詩交天下詩人多矣或先知之而後見之或先見之而後知之常也若相知三十年相訪數百里而卒不得一見以至於死者可不謂大哀乎雖然見其面不如見其詩何也面形骸也詩性情也性情得而形骸可忘則吾與山陰童君二樹是矣君有越中三子集行世丙子歲余讀而愛之無由得見今春忽拖舟至值余浙行又不得見及冬初余往揚州就訪之則君死永不得見矣亡何吾鄉詩人周汾來曰先生知童君之願見先生更於勝先生之願見童君乎君矜嚴少所推

許獨嗜先生詩稱爲本朝第一病殫殍矣夢中憤呼

猶日望先生至揣其意蓋自知年命不長將以數千篇

嘔肝擢胃之作就平生所心折者而証定之耳余感其

意入哭寢門抱其集歸伏讀三日嘆曰君之詩惟我爲

知之亦惟我能序之今夫導官之擇米也已堅好矣必

春揄揚簸使趨於鑿乃名侍御王所食也歐冶之鑄劍

也取精鐵矣必千辟萬灌青氣旣極乃成千將帝所佩

也君天資超絕又能鞣轆書史烹煉烟墨窮高絕深播

爲風騷此亦導官歐冶之故智也常恃其逸足往往奔

放作七古題畫疊着字韻百餘首藻思空湧與古梅槎

朽同。搖風雲。古之人。古之人。君奚讓哉。惟是我兩人道
合。若是。倘一握手。罄胸中言。當不知作如何。懽怵而卒
使錯。午膠。轉此來。彼去。如相避。然不獲半面。以抵於死
天耶。人耶。誰靳之耶。徒使我咨嗟。涕洟。至今。如有所負
而不能自克也。昔張堪。臨終。以妻孥。託朱季元。微之病
命家人。將詩集。交白二十二郎。古人身後拳拳。大概如
斯。然吾謂。托妻孥。易托文字。難何也。妻孥之計。或十年
或二十年。足矣。文字之計。動關百千萬年。尚無津涯。非
精思。詣微。同歷。苦甘者。疇能任之。余年垂七十。竊不自
揆。謹取君集。排比分疏。缺摘英華。得

卷共

首將明以示海內而幽以質九原焉嗚呼童君不見之
見始應見耶

何南園詩序

詩。不。成。于。人。而。成。于。其。人。之。天。其。人。之。天。有。詩。脫。口。能。吟。其。人。之。天。無。詩。雖。吟。而。不。如。其。無。吟。同。一。石。獨。取。泗。濱。之。磬。同。一。銅。獨。取。商。山。之。鐘。無。他。其。物。之。天。殊。也。舜。之。庭。獨。臯。陶。賡。歌。孔。之。門。獨。子。夏。子。貢。可。與。言。詩。無。他。其。人。之。天。殊。也。劉。賓。客。亦。云。天。之。所。與。有。物。來。相。彼。由。學。而。至。者。如。工。人。染。夏。以。視。羽。畎。有。生。死。之。殊。矣。何。子。南。園。生。而。與。詩。俱。來。者。也。雖。爲。秀。才。不。喜。制。藝。雖。讀。書。不。矜。博。覽。雖。爲。詩。不。事。馳。騁。其。志。約。故。邊。幅。易。周。其。思。專。故。性。情。易。得。居。秣。陵。城。闔。愔。愔。然。竹。籬。堊。垣。與。方。外。

人遊懋薄醉微慵雨餘風停有愜于懷一付于詩久之
而何子與詩亦兩相忘也子往往見人之先天無詩而
人之後天有詩于是以門戶判詩以書籍炫詩以疊韻
次韻險韻敷衍其詩而詩道日亡然則吾安得忘詩之
人而與之言詩哉若何子者斯其人矣

莊念農遺稿序

余○老○矣○世○上○事○百○不○經○意○惟○于○友○朋○存○歿○之○感○偶○振○觸○焉○輒○低○徊○留○之○而○不○能○自○己○况○平○生○所○最○愜○與○常○酬○唱○者○哉○莊○君○念○農○亡○十○餘○年○其○季○子○宸○選○持○詩○二○卷○索○余○爲○序○嗚○呼○君○抱○經○世○畧○鬱○爲○時○用○僅○官○太○守○中○年○而○殂○又○值○天○子○四○巡○江○南○以○供○張○得○多○終○日○瞿○瞿○然○心○計○手○畫○徽○紕○靡○寧○不○特○其○治○民○之○才○有○所○未○盡○卽○吟○咏○之○情○亦○有○所○未○已○也○然○資○稟○絕○奇○雖○單○言○片○詞○必○有○天○真○溢○流○篇○什○具○存○徽○徽○可○誦○惜○君○不○自○料○其○歿○歿○時○宸○選○尚○幼○故○詩○多○零○落○近○年○遍○覓○于○酒○樓○僧○壻○親○知○故○舊○家

才得若干其志可哀而取也猶記君好余詩雖隆冬嚴寒必呵手抄存積數寸許余或有遺忘必向君處借而証之今君詩散失而余當時未留善本代爲護持揆之古人先施之義不能無愧然則君之詩愈少而余之愧愈多矣揭揭焉就其少者而存之豈徒副宸選之求哉亦聊以補余過云爾

作詩

必其

安大

句之

標舉

求其

傳疏

發明

子夏

朱子有見于此別爲集解推其意亦不過據己所見羽翼詩教發後人而並非禁天下好學深思之士以意逆志也吾友程君編莊爲詩說二卷其思深其義遠攝捨妙蘊皆前儒所未發編莊之于朱子也卽朱子之于毛鄭也師其意不師其詞可謂善學朱子者也或者以爲詩人不作未能知其必盡合也然詩人不作又何以知其必不盡合哉

玉井拳蓮集序

乾隆壬申夏余與華陰令姚君同遊華山姚至青柯坪
便止而余則勇進三里許覺巖壑斷絕氣奪而返忽忽
三十稔矣今冬嚴道甫先生以玉井拳蓮集見寄所稱
天井之阻犁溝之險塌嶺三巒之崔巍皆余昔未遊目
者身既未臻語何能詳故爾時小有吟咏亦自覺無俚
而先生則如悍將追敵不掃其穴不休卒使山無剩境
境無遁形危辭硬語凌暴莽蒼絕深者而出之揚隱者
而明之以七尺軀三寸管與四千仞奇峯相爲倣詭噫
何其壯也夫安近者其耳目不周才絀者其賦物不工

無翼助者其舉趾不勇先生以沉鷺之性雕鑿之筆又
藉中丞畢公禱雨之便爲之召夫役具組布以張之是
殆穢靈間寂渴思文藻故暗中嗚呼以相成就耶昔曹
孟德謂楊修云我不及卿乃三十里余不及先生且數
百萬文匪徒才懸抑亦膽薄雖然余羸老也諒難再從
先生補前遊之缺而讀此一編則古人所謂金精削成
鳥猿愁視者一旦呈形獻狀於簾席間豈非才人咳唾
遠勝眞靈位業圖哉唐賢羽皇周氏以到難命篇述所
到之難也余謂所到不難到而能言之之爲難耳到而
能言則不到者皆如到矣

嚴道甫侍讀五十壽序

余居山久矣于海內士夫不敢迎而距之也亦不敢迎而許之然未見輒相思與之言惟恐其去若是者三十年來胸中不過數人而適甫嚴君其一也君負萬夫之稟聰強絕人于學若泛海然探之莫窮其厓挹之必有所益其恢宏深沉往往流露于眉睫間意其仕于朝必有奇術異智爲人之所不能爲者而無如余年衰伏而不出君又未嘗自言則不得不以欽挹之懷徒相索于文字之末而已今年八月君五十生辰其公子進狀君事余文以壽君余讀之可喜可愕而于救羅公源浩事

爲尤奇羅公者滇南監司也分僮汪別駕帑金有詔逾期卽誅羅繳不如數期過十日逾矣乃牒請弛限

天子命軍機大臣會刑部議之其時諸城相公主試禮闈秋曹無任其事者君時以內閣侍讀直機地因搗鼓入棘闈見諸城公曰羅事急矣第所追乃分僮屬吏汪某帑也今汪已捐復將曳紱綬出都而羅乃駢首東市于義未協按法宜着汪某分繳以活羅命以昭公平諸城公曰具疏稿乎曰不具稿不敢見也振其袖而出之詞義明析諸城公喜卽畫諾奏聞天子是之羅獄遂解其他事多類此受恩人有畫君像以祀者今夫梟俊

之士智者慮明能者慮策尙矣然大槩已謀者多人謀者少縱有一二妹妹然號稱惠慈者又或無術以濟之無勇以決之則亦不能迂其身以拯人于危若君者可不謂賢哉然君之視官職也甚淡其家居也甚靜兩持所生服卽乞病不起同僚或至方伯連帥而若絕無所欣人多疑君之嘿嘿藏身與其矯矯行義兩不相符豈真賢者之不可測哉余曉之曰在易豫之六二曰介如石不終日貞吉此言自守之堅也夫子繫之曰君子知微知彰知柔知剛萬夫之望此言澤物之宏也兩者亦不相符也然夫子合而言之者何也蓋言有見幾之

智。有。介。石。之。操。而。後。可。以。損。剛。益。柔。以。澤。萬。物。也。使。君。非。有。恬。退。之。懷。輕。視。爵。祿。之。意。則。闌。入。禁。地。豈。無。處。分。焉。肯。佻。然。挺。身。而。往。又。非。深。知。天。子。之。聖。相。公。之。賢。亦。必。不。肯。為。無。俚。之。舉。賢。賢。然。向。人。白。冤。君。之。嘿。而。當。言。而。當。進。而。宜。退。而。宜。皆。有。見。幾。而。作。不。俟。終。日。之。妙。焉。惟。深。也。故。能。通。天。下。之。志。惟。幾。也。故。能。成。天。下。之。務。古。惟。留。侯。鄴。侯。能。之。而。君。亦。庶。幾。其。近。之。矣。余。平。生。不。以。文。壽。人。嫌。其。體。之。戾。于。古。也。然。犬。馬。之。齒。于。君。有。一。日。之。長。慮。不。能。為。傳。志。以。揚。君。而。性。又。樂。道。人。之。善。則。姑。擷。其。事。之。至。大。者。聲。之。以。應。公。子。之。請。後。之。人。知。余。

集○中○有○介○壽○之○文○者○蓋○爲○君○始○也○雖○然○有○介○壽○之○文○而○
無○期○頤○昌○熾○壽○常○祝○嘏○之○詞○則○自○余○始○也○

小倉山房文集

胡勿厓時文序

古。人。者。自。言。其。言。時。文。者。學。人。之。言。而。爲。言。自。言。其。言。
以。人。所。不。能。言。而。已。能。言。爲。貴。學。人。之。言。亦。以。人。所。不。
能。言。而。已。能。言。爲。貴。夫。至。于。學。人。之。言。而。爲。言。似。乎。傳。
聲。搏。影。而。言。人。人。同。矣。不。知。所。學。者。何。人。也。聖。人。也。聖。
人。之。言。聖。人。之。心。也。能。得。聖。人。之。心。而。后。能。學。聖。人。之。
言。得。之。淺。者。皮。傳。于。所。言。之。中。而。不。足。得。之。深。者。發。明。
于。所。言。之。外。而。有。餘。孔。子。學。周。公。者。也。孔。子。所。言。周。公。
未。嘗。言。孟。子。學。孔。子。者。也。孟。子。所。言。孔。子。未。嘗。言。周。程。
張。朱。學。孔。孟。者。也。周。程。張。朱。所。言。孔。孟。未。嘗。言。時。文。者。

依周程張朱之言以學孔孟之言而實孔孟與周程張
朱皆未嘗言然明諸大家學其言而言之矣本朝諸大
家又學其言而言之矣言之肖與否雖不能起數聖賢
于九原而問之而天下之人皆以爲肖皆以爲聖人復
起不易其言此四百年來時文之所以至今存也胡先
生學聖人之言爲能深妙奇博有直而致者有曲而宣
者有澄其神詣微而索之者有取材卷軸旁引曲証以
光明之者要于聖人之心不差累黍嗜其至矣或謂時
文小道不足以取士不知天下事莫不有名焉有實焉
如務其名乎則古之鄉舉里選卽今之時文也古之策

論詩賦卽今之時文也其無人焉一也如按其實乎則
于時文觀心術卽古之鄉舉里選也于時文徵學識卽
古之策論詩賦也其有人焉一也若胡君者可謂有人
中之一人雖然韓子稱聖人者時人之耳目也吾以爲
能學聖人之言以得聖人之心者亦時人之耳目也胡
君于聖人之心旣先衆人而得之矣顧墨墨然私諸已
而秘之不肯以其言示天下可乎然則君之編所作文
而開雕之也非好名也亦韓子意也

集中不存壽序及時文序此篇與嚴侍讀壽序俱破
例而存之亦不免蹈歸熙甫之陋習云 自記

史閣部遺集跋

少宰彭公以明故閣部史道隣先生像并家書絕筆進
呈 皇上蒙 上深許其忠賜題賜謚其裔孫開純感
君恩懷祖德將 聖製及先生遺文開雕傳後而屬

爲跋

枚

謹按夏禹封防風氏之臣成湯不徵巢伯之朝

皆三代大聖人混人我之見扶植纓綸非凡所及後世
雖忠如文信國爲元祖深知而身後之恩禮無聞其他
則袁粲除名韓通無傳者更不勝屈指矣獨先生殉節
前明百數十年後遺像忽蒙 聖覽苦節忽蒙 聖褒
遭逢之隆千秋獨殊然在當時先生自矢孤忠豈復有

心○希○恩○異○代○即○異○代○之○恩○亦○未○必○為○先○生○所○樂○受○而○卒
 之○幽○隱○之○光○日○炤○之○而○愈○明○梅○檀○之○氣○風○吹○之○而○愈○芬
 凡○此○者○皆○天○也○我○皇○上○先○天○而○天○不○違○將○假○先○生○以
 立○萬○世○人○臣○之○式○故○不○吝○洋○洋○聖○謨○而○嘉○嘆○之○又○寵
 宣○之○亦○豈○欲○前○代○之○臣○銜○恩○地○下○哉○世○之○為○臣○子○者○得
 是○編○而○雜○誦○之○可○以○觀○可○以○興○矣○

德山公手書詩卷跋

嗚呼此吾師德山先生之手迹也先生開府桂林枚才
弱冠以八千里外諸生蒙國士之知館籓三月代爲治
裝薦博學鴻詞入都雖廷試報罷而從此名聲起公卿
間遂得登館閣擢吏卒走數州今當不親學之年息影
蓬廬百事屏棄惟省記平生知己欽欽在抱逢北人來
必問先生墓所及其後嗣而後耗杳然今年季夏廬存
齋太守見訪道是先生第三婿因得見先生手書立幅
墨瀟淋漓彷彿二王家法疑先生在天靈爽必欲一見
白髮門生故藉此數行俾女夫傳到耶紙尾紀元乾隆

丙辰正枚受知歲也四十三年來世事遷變何可紀核
而此一箋者獨完善如初若有神物呵護嗚呼豈偶然
哉詩多見道之言神韻高淡又想見撫粵九年政簡刑
清光景似此公卿何可得願盧氏世世萬子孫其實
藏之

小倉山房續餘文集卷二十九

錢塘袁枚子才

所好軒記

所好軒者袁子藏書處也袁子之好衆矣而胡以書名蓋與羣好敵而書勝也其勝羣好柰何曰袁子好味好色好葺屋好遊好友好花竹泉石好珪璋彝尊名人字畫又好書書之好無以異于羣好也而又何以書獨名曰色宜少年食宜饑友宜同志遊宜晴明宮室花石古玩宜初購過是欲少味矣書之爲物少壯老病饑寒風雨無勿宜也而其事又無盡故勝也雖然謝衆好而暱

焉此如辭狎友而就嚴師也好之僞者也畢眾好而從焉如賓客散而故人尙存也好之獨者也昔曾皙嗜羊棗非不嗜膾炙也然謂之嗜膾炙曾皙所不受也何也從人所同也余之他好從同而好書從獨則以所好歸書也固宜余幼愛書得之苦無力今老矣以俸易書凡清秘之本約十得六七患得之又患失之苟患失之則以所好名軒也更宜

散書記

乾隆癸巳 天子下求書之詔余所藏書傳抄稍希者
皆獻大府或假賓朋散去十之六七人卹然若有所疑
余曉之曰天下豈有不散之物乎要使散得其所耳要
使于吾身親見之耳古之藏書人當其手抄繚易侈侈
隆富未嘗不十倍于余然而身後子孫有以論語爲薪
者有以三十六萬卷沉水者牛宏所數五阮言之慨然
今區區鉛槧得登 聖人之蘭臺石渠爲書計業已幸
矣而且大府因之見功賓朋因之致謝爲子計更幸矣
不特此也凡物恃爲吾有往往皮置焉而不甚研閱一

且○澠○然○欲○別○則○鄭○重○審○諦○之○情○生○予○每○散○一○帙○不○忍○決○
捨○必○窮○日○夜○之○力○取○其○宏○綱○巨○旨○與○其○新○奇○可○喜○者○腹○
存○而○手○集○之○是○散○于○人○轉○以○聚○于○己○也○且○夫○文○滅○質○博○
溺○心○寡○者○衆○之○所○宗○也○聖○賢○之○學○未○有○不○以○返○約○爲○功○
者○良○田○千○畦○食○者○幾○何○耶○廣○廈○萬○區○居○者○幾○何○耶○從○來○
用○物○宏○不○如○取○精○多○刪○其○繁○蕪○然○後○迫○之○以○不○得○不○精○
之○勢○此○予○散○書○之○本○志○也○

散書後記

書將散矣司書者請問其目余告之曰凡書有資著作者有備參考者備參考者數萬卷而未足資著作者數千卷而有餘何也著作者鎔書以就已書多則雜參考者勞已以徇書書少則漏著作者如大匠造屋常精思于明堂奧區之結構而木屑竹頭非所計也考據者如計吏持籌必取証于質劑契約之紛繁而圭撮毫釐所必爭也二者皆非易易也然而一主創一主因一憑虛而靈一核實而滯一恥言蹈襲一專事依傍一類勞心一類勞力二者相較著作勝矣且先有著作而後有書

先○有○書○而○後○有○考○據○以○故○著○作○者○始○于○六○經○盛○于○周○秦○而○考○據○之○學○則○自○後○漢○末○而○始○興○者○也○鄭○馬○箋○註○業○已○回○冗○其○徒○從○而○附○益○之○抨○彈○踳○駁○彌○彌○滋○甚○孔○明○厭○之○故○讀○書○但○觀○大○畧○淵○明○厭○之○故○讀○書○不○求○甚○解○二○人○者○一○聖○賢○一○高○士○也○余○性○不○耐○雜○竊○慕○二○人○之○所○見○而○又○苦○本○朝○考○據○之○才○之○太○多○也○盍○以○書○之○備○參○考○者○盡○散○之○

洞庭徐氏重修始祖吉卿公墓碑記

徐君西園邀予遊西洞庭授館其家因得瞻其棠里宗祠棟宇隆赫栗主森布皆合族所僮然共力而西園弟禮珍所營治者予不覺心儀徐氏多賢而嘉其門風之足爲天下式也遊于野見頽垣中古樹蒼鬱氣葱葱若兆域然西園曰嘻此始祖吉卿公之墓也吉卿公諱壽宋乾道間爲平江太守能奪金人詔書爲孝宗所重卒後其子大本感古人隨葬爲達之義卽合窆其母夫人于是而子孫附焉予往拜墓下一塚土七百餘年風雨頽侵無巽如鬲如之象矣予因謂西園曰檀弓雖云古

不修墓而周禮有墓大夫之職南齊劉彪以不修墓貶
官然則復土樹欒似亦仁人孝子所不宜得已者也越
翼日禮珍來肅予而請曰修墓之事先生命之今如命
矣卽煩先生記之予思古人營寢廟所以妥先人之靈
崇馬鬣所以寧先人之魄孝子求神于陽求神于陰二
者能兼可謂知禮徐氏以予一言齊其心謏然歛袂而
興聞義能徙誠可嘉尙而予以遊故得拜先賢祠墓并
從與後嗣增其堂防觀美是因遊而有所得于遊之外
者也善哉遊也爲記其壙域丈尺券臺廣狹昭穆位次
宰樹若干勒諸石俾徐氏子孫隆基養本罔堙替焉

銅陵永濟橋記

濟人於水者舟。濟人於陸者橋。舟之用濟百十人而止。橋之用濟千萬人而未止。木橋之用濟百十年而止。石橋之用濟千萬年而未止。若是乎濟人之中亦有大小久暫之分焉。銅陵陶村三溪會流綿亘六十里行者有揭厲之虞。土人絙五板渡臨流岷木道雖行而日炙雨淋勢易顛。隋蔣君蒞齋行義素高將裒家資創易石之謀功未竟以歿。其子廷爵與其弟憲章踵而行之。以某年月日興工。某年月日橋成。凡長十丈闊一丈有奇。費金若干。邑之人僮僮然車輦馬駢萬趾魚貫以達于莊。

達一切夫錢物價蔣獨任之不借助于將伯余按國語
單襄公適陳因輿梁不修知陳之衰孟子譏子產以乘
輿濟人惠而不知爲政彼皆君大夫也操任事之權猶
不能賦工屬役爲所當爲而蔣氏父子兄弟獨能繼繼
承承濟人于久遠此豈徒其仁可嘉哉其孝亦加人一
等矣余白下羈客也未至陶村因蔣氏孫嘉猷受業門
下狀其事索文故爲記其顛末且名其橋曰永濟俾銅
陵人之世世來往于此橋者一舉踵一曳履而毋忘所
自

榆莊記

凡園近城則囂。遠城則僻。離城五六里而遙。善居園者。必于是矣。揚州撫松主人有榆莊。城外遊者。約炊五斗。黍許。卽詣其所。乾隆庚子春。主人招余同往。門外白榆。厯厯始悟命名之意。堂三楹。署曰城南別墅。栽鼠姑花。循堂而右。爲無隱樓。再右爲同春閣。樓下植桂。閣上望遠。江南諸山可坐而致也。東有薜荔。觀髮號翠微。深處竹猗猗者。號此君軒。架石棧。曲榭紆回。以達于梅亭。而遠見耕氓者。一號寒手亭。一號小滄溟。其朶瘤。戍削。窾宦蔽。虧而宜于冬者。號雲窩。爲瓜邪。墜。行以通小池者。

號魚樂國此園中卽景分名之大概也是日酒半巡主人索余爲記余思揚州古稱信士左思所謂繁富夥鈞處也又孔穎達云揚州人性輕揚故曰揚州因之爲園者靡不百栱千櫨以爲勝抗虹翼綺以爲華而且所與遊者非高軒引喙卽豪士投斃其爲魚鳥所嗤業已久矣獨撫松主人道韻平淡朴角不斲素題不枘除一二幽人憇息外雖顯貴挾勢以臨之卒色然而拒守園如守身有古人鑿坏闔土之遺風園將隱焉用文之哉然而余羸老也路隔一江未卜何時再到性又善忘勝景過目少縱卽逝矣畫以珍之不如記以存之雖微主人

誣諉亦必纂。便槩爲卧遊。張本而况。二人之趣甚同。交
甚狎耶。其時偕遊者一爲孫君芝亭。一爲汪君芝圃。皆
余戚也。合牽連得書。

小倉山房文集

重修南捕通判廳壁記

代弟香亭作

嘗讀孫可之書褒城驛歎官舍常新振古爲難矧今之通判權輕而俸薄士大夫之履斯任而郵驛視之也亦宜雖然不有署何有官不有官何有政腹擊爲室而鉅曰以安民也叔孫昭子所到雖一日必葺其牆屋古之君子于私居之舍猶矜矜然鄭重將之而况懷印曳紱將呼唱于堂皇以治事者乎庚子春余承乏江寧南捕之職入其門與草滿焉行其庭宋席墜焉考之府志缺不載也詢之耆氓杳不知也相傳署本前明監司舊居頽圯已久乾隆壬辰前任密公葺向西三舍以寧其孳

此外承塵搏壁日就顛儕幾無容膝處矣余不得已請于大府命隸須材工屬役慮事量功璧襪塗墍凡成堂樓庖漏賓館丙舍五十九處費金九百有奇支廉俸也益之以三百有奇指私財也一時過客來遊者靡不豪余所爲余笑告之曰余惟不豪于官故豪于屋耳夫外任閔曹有閔于通判者乎使急于進取者居之方決捨之不暇何肯儻然造作哉惟余之性拙而才疎官于是卽安于是將盡臣職而報君恩亦未嘗不在于是然則公舍也卽私舍也人居也如已居也掾之築之苟美苟完吾已乎哉園之西有水有石有古柳有高梧猶人

有美質而未學鋤理出之亦足小寄情賞功既成爲文
以記其梗槩而意有未竟乃爲之歌曰日之斜兮吏散
衙兮棘茨旣剪樹檜枒兮通判何判盜判花兮公事餘
兮步塵除兮小池旣情水渠渠兮南捕何捕盜捕魚兮
勿懈當官勿侵事權施于有政作造屋觀平水置棊表
正形端後賢定笑雍之言然

小倉山房文集

重修中和道院碑記

人。但。知。道。教。無。爲。不。知。惟。有。爲。也。而。後。可。以。無。爲。有。爲。者。勇。猛。精。進。所。以。成。天。下。之。務。也。無。爲。者。幽。深。元。妙。所。以。研。天。下。之。幾。也。務。之。不。成。幾。于。何。有。班。固。之。言。曰。道。家。者。流。清。虛。以。自。守。卑。弱。以。自。持。及。放。者。爲。之。則。曰。獨。任。清。虛。可。以。爲。治。夫。但。言。清。虛。之。守。而。不。言。創。造。之。功。此。道。法。所。以。不。振。也。古。之。人。相。馬。以。與。相。士。以。居。與。與。居。尙。不。可。苟。况。真。靈。之。所。棲。符。籙。之。所。藏。而。可。遽。廬。視。之。乎。吾。家。月。渚。道。人。深。契。此。旨。前。年。持。湯。文。正。公。手。書。道。院。碑。記。屬。余。爲。跋。今。年。又。以。重。修。道。院。狀。屬。余。爲。記。

按院始於洪武初。歷歲四百，興廢屢矣。本朝自薛文憲、葺治後，王沈二公又繼志焉。星霜既移，侈剝旋生。月渚纂其師，退庵公餘業，尺管寸度，積累成功。安神則有真武神，武桂香三殿，尊祖則有柏庭澹寧，迎暉聽雨諸舍。踵舊者，改朗吟閣爲敬畏堂，是也。新增者，雨蕉書屋，卧雪廬，是也。其他爲著，爲陳，爲宥，爲涵，爲蒲，牢爲法鼓，爲長庚，重椽爲央，賚匱，豬爲錙，壇之官，爲麗，譙之所，靡不精心致思。明分殊事地，則黜之，墻則聖之，度筵而堂，建度几而室，立落成後，增榮益觀。邦之人咸儻儻然，胸轉以遊，藜拱以敬，嘻非月渚才之敏，心之堅，何能如是。

昔王荆公作龍興講舍記。羨浮屠慧禮之能。以爲此失而彼得焉。似若閔儒而如墨者。不知周孔之教。以開物成務爲貴。月渚爲吾宗。六俊公後裔。通儒書。耽吟咏。以幼病故。習靜院中。是蓋先有得於此。而後旁通於彼者也。其索記也。豈好名哉。亦欲留此規模。俾後之人。肯堂肯構。踵而行之。庶幾無形之道。教藉有形之道。院而永永無極焉。貞石有靈。亦當鑒其志矣。

八卷目頁
文集

遊仙都峯記

或告余曰子從雁岩歸則永嘉之仙岩縉雲之仙都峯均可遊焉余謹識之悞記仙岩爲歸途之便舟行十里方詢土人曰南北殊路矣心爲缺然及至縉雲以仙都謀之邑宰有難色以溪漲辭余遂絕意于遊行三十里止黃碧塘日已昃望前村瓦屋鱗列從隸曰此虞氏園也蓋往小憩如其言園主迎入茗飲未暇深語仍還旅店將弛衣眠聞門外人聲嘈嘈則虞氏昆季曰別後見名紙先生卽袁太史乎曰然乃手燭上下照喑且駭曰我輩初讀先生文以爲國初人年當百數十歲令神采

若斯是古人復生矣。願須臾留明日陪遊仙都。余未及
答而少者捲帳長者捧席家僮肩行李已至其家折墜
張飲。次日廚具饌里具車導入响岩石洞。隆然叩之應
聲。有小赤壁有鼎湖草樹崱高不可上。仙榜岩雉堞
橫。排可書數百姓名。陽谷爲溪水所嚙。非梯莫登。僅遙
矚于大方石。上有宋嘉定磨厓及王十明詩約畧可識。
未一日而仙都之遊畢。仍宿虞氏家。嘻。是遊也。非虞氏
主之。則仙都不可遊。非從隸有請。則不詣虞氏。非日尙
晏。温或有雨。則從隸雖請亦不往。非具生紙以名。通則
虞氏亦不知我爲何人。我之當遊仙都。仙都之當爲我。

遊天也。非人也。然仙岩咫尺可遊。而于意外失之。仙都心已決。拾萬不能遊。而于意外得之一遊也。無大關係。而世事之外。午如是其他何。可類推。哉。函記之以志遭逢之奇。以表虞氏好賢之德。主人名沅。字啟。蜀爲唐永興公之後人。

遊黃龍山記

壬寅四月余遊天台雁宕畢遊處州之黃龍山山皆磈
礧大圓石坻伏鬱堙各相踰藉類東魯嶧山與台岩絕
異人疑造物矜奇乃爾子曉之曰此豈造物者之有意
爲哉使有意爲之必不能成如是形就成如是形亦不
能有此奇變惟其氣化推遷偶然而生適然而成正恐
造物者有意不爲之而反有所不能何也余幼時嬉戲
好置水盂鎔錫投之沸然有聲俄而立者蹲者卧者登
爲架倚者巨而宏者碎且雜者欹側而斜橢者若相鬪
又相悅者蓋無弗備焉其狀則爲獅爲象爲龍爲馬爲

雞。蟲。雜。物。爲。華。嶽。嵩。岱。諸。名。勝。亦。無。不。備。焉。是。豈。余。之。有。意。爲。哉。其。傾。之。于。水。也。余。之。所。知。也。其。成。如。是。形。也。非。余。之。所。知。也。問。之。錫。錫。不。知。問。之。水。水。亦。不。知。山。之。道。何。獨。不。然。當。元。黃。未。判。時。元。氣。茫。茫。山。水。土。沙。鎔。爲。一。片。石。如。柔。乳。麤。和。其。間。一。旦。天。浮。地。沉。沙。飛。水。歸。風。從。而。蕩。揉。之。星。橫。于。天。石。橫。于。地。詭。狀。殊。形。或。開。闢。卽。露。或。俟。後。人。搜。爬。始。露。歷。年。愈。久。蘊。畜。愈。厚。山。形。愈。奇。今。人。見。山。頂。有。坳。有。厓。有。屋。有。朽。榘。此。豈。真。有。人。焉。飛。上。置。之。哉。所。以。然。者。職。此。之。由。惜。人。形。體。小。年。壽。促。後。天。地。生。先。天。地。亾。不。能。坐。而。待。之。瞭。然。視。之。耳。然。其。理。

不過如是或曰是山說也非山記也于黃龍何與曰舉一隅可知三隅并可知于百萬隅余因遊黃龍而憬然有悟故揭所見以書之且遊台岩俱有詩遊黃龍無詩記之所以代遊黃龍之詩也

浙西三瀑布記

甚矣造物之才也。同一自高而下之水，而浙西三瀑三異。卒無複筆。壬寅歲，余遊天台，石梁四面，舉者屢屨重者，獻陳皆環梁，遮迤梁長二丈，寬三丈許，若鰲脊跨山腰，其下嵌空，水來自華頂，平疊四層，至此會合，如萬馬結隊，穿梁狂奔。凡水被石撓，必怒，怒必叫號，以崩落于尺之勢，爲羣礫，礫所攔，拙自然，拗怒鬱勃，喧聲雷震，人相對不聞言語。余坐石梁，恍若身騎瀑布上，走山脚，仰觀則飛沫濺頂，目光炫亂，坐立俱不能牢，疑此身將與水俱去矣。瀑上寺曰上方廣，下寺曰下方廣，以愛瀑故。

遂兩宿焉。後十日至雁岩之大龍湫。未到三里外，一疋練從天下，恰無聲響。及前諦視，則二十丈以上是瀑，二十丈以下非瀑也。盡化爲烟，爲霧，爲輕綃，爲玉塵，爲珠屑，爲琉璃，絲爲楊白花，旣墜矣，又似上升，旣疎矣，又似密織。風來捲之，飄散無着。日光照之，五色旖麗。或遠立而濡其首，或逼視而衣無沾。其故由于落處太高，崖腹中窪絕無憑藉，不得不隨風作幻。又少所抵觸，不能助威揚聲。較石梁絕不相似。大抵石梁武龍湫，文石梁喧龍湫，靜石梁急龍湫，緩石梁衝盪無前。龍湫如往而復，此其所以異也。初觀石梁時，以爲瀑狀，不過爾爾。龍湫

可。以。不。到。及。至。此。而。后。知。耳。目。所。未。及。者。不。可。以。臆。測。
也。後。半。月。過。青。田。之。石。門。洞。疑。造。物。雖。巧。不。能。再。作。狡。
獪。矣。乃。其。瀑。在。石。洞。中。如。巨。蚌。張。口。可。吞。數。百。人。受。瀑。
處。池。寬。畝。餘。深。百。丈。疑。蛟。龍。欲。起。激。盪。之。聲。如。考。鐘。鼓。
于。壑。內。此。又。石。梁。龍。湫。所。無。也。昔。人。有。言。曰。讀。易。者。如。
無。詩。讀。詩。者。如。無。書。讀。詩。易。書。者。如。無。禮。記。春。秋。余。觀。
于。浙。西。之。三。瀑。也。信。

小倉山房文集

遊黃山記

癸卯四月二日余遊白嶽畢遂浴黃山之湯泉泉甘且冽在懸崖之下夕宿慈光寺次早僧告曰從此山逕仄險雖兜籠不能容公步行良苦幸有土人慣負客者號海馬可用也引五六壯俊者來俱手數丈布余自笑羸老乃復作襁褓兒耶初猶自強至憊甚乃縛跨其背于是且步且負各半行至雲巢路絕矣躡木梯而上萬峰刺天慈光寺已落釜底是夕至文殊院宿焉天雨寒甚端午猶披重裘擁火雲走入奪舍頃刻混沌兩人坐辨聲而已散後步至立雪臺有古松根生于東身仆于西

頭。向。于。南。穿。入。石。中。裂。出。石。外。石。似。活。似。中。空。故。能。伏。
匿。其。中。而。與。之。相。化。又。似。畏。天。不。敢。上。長。大。十。圍。高。無。
二。尺。也。他。松。類。是。者。多。不。可。勝。記。晚。雲。氣。更。清。諸。峰。如。
兒。孫。俯。伏。黃。山。有。前。後。海。之。名。左。右。視。兩。海。竝。見。次。日。
從。臺。左。折。而。下。過。百。步。雲。梯。路。又。絕。矣。忽。見。一。石。如。大。
鰲。魚。張。其。口。不。得。已。走。入。魚。口。中。穿。腹。出。背。別。是。一。天。
登。丹。臺。上。光。明。頂。與。蓮。花。天。都。二。峰。爲。三。鼎。足。高。相。峙。
天。風。撼。人。不。可。立。幸。松。針。鋪。地。二。尺。厚。甚。軟。可。坐。晚。至。
獅。林。寺。宿。焉。趁。日。未。落。登。始。信。峰。峰。有。三。遠。望。兩。峰。夾。
峙。逼。視。之。尚。有。一。峰。隱。身。落。後。峰。高。且。險。下。臨。無。底。之。

溪。余。立。其。巔。垂。趾。二。分。在。外。僧。懼。挽。之。余。笑。謂。墜。亦。無。妨。問。何。也。曰。溪。無。底。則。人。墜。當。亦。無。底。飄。飄。然。知。泊。何。所。縱。有。底。亦。須。許。久。方。到。儘。可。須。臾。求。活。惜。未。挈。長。繩。繩。精。鐵。量。之。果。若。千。尺。耳。僧。大。笑。次。日。登。大。小。清。涼。臺。臺。下。峰。如。筆。如。矢。如。筭。如。竹。林。如。刀。戟。如。船。上。桅。又。如。天。帝。戲。將。武。庫。兵。仗。布。散。地。上。食。頃。有。白。練。繞。樹。僧。喜。告。曰。此。雲。鋪。海。也。初。濛。濛。然。鎔。銀。散。綿。良。久。渾。成。一。片。青。山。羣。露。角。尖。類。大。盤。凝。脂。中。有。筭。脯。蠹。現。狀。俄。而。離。散。則。萬。峰。簇。簇。仍。還。原。形。余。坐。松。頂。苦。日。炙。忽。有。片。雲。起。爲。蔭。遮。方。知。雲。有。高。下。迥。非。一。族。薄。暮。往。西。海。門。觀。

落日草高于人路又絕矣喚數十夫芟夷之而后行東
峰屏列西峰插地怒起中間鵲突數十峰類天台瓊臺
紅日將墜一峰以首承之似吞似捧余不能冠被風掀
落不能鞮被水沃透不敢杖動陷軟沙不敢仰慮石崩
壓左顧右睨前探後矚恨不能化千億身逐峰皆到當
海馬負時捷若獐猿衝突急走于萬山亦學人奔狀如
潮湧俯視深院怪峰在脚底相待備一失足不堪置想
然事已至此惴慄無益若禁緩之自覺無勇不得已托
孤寄命憑渠所往覺此身便已羽化淮南子有膽爲雲
之說信然初九日從天柱峰後轉下過白沙碓至雲谷

家人以肩輿相迎計步行五十餘里入山凡七日。

小倉山方文集

遊廬山黃厓遇雨記

甲辰春將遊廬山星子令丁君告余曰廬山之勝黃厓
爲最余乃先觀瀑于開先寺畢卽往黃厓厓仄而高篔
輿升奇峰重累如旗鼓戈甲從天上擲下勢將壓已不
敢仰視貪其奇不可不仰視屏氣登巔有舍利臺正對
香爐峰又見瀑布如良友再逢雖百見不厭也旋下行
至三峽橋兩山夾溪水從東來巨石阻之小石尼之怒
號噴薄橋下有宋祥符年碣諦視良久至棲賢寺宿焉
次日聞雷已而晴乃往五老峰路漸陡行五里許回望
彭蠡湖帆竿排立已所坐舟隱隱可見正徘徊間大雨

暴至雲氣空湧人對面不相識輿夫認雲作地踏空欲
墮者屢矣引路里保避雨遠窺大聲呼杳無應者天漸
昏黑雨愈猛不審今夜投宿何所輿夫觸石而顛余亦
仆幸無所傷行李愈沾濕愈重擔夫呼譽家僮互相怨
尤有泣者余素豪至是不能無悸踣躄良久猶臨絕壑
忽樹外遠遠持火者來如陷黑海見神燈急前奔赴則
萬松菴老僧曳杖迎喏曰相待已久惜公等誤行十餘
里矣燒薪燎衣見屋上插柳方知是日清明也次日雪
冰條封山觸履作碎玉聲望五老峰不得上轉身東下
行十餘里見三大峰壁立溪上其下水潺潺然余下車

投以石久之寂然想深極故盡數十刻尙未至底耶旁積石礎碎瓦礫無萬數疑卽古大林寺之舊基輿夫曰不然此石門澗耳余笑謂霞裳曰考据之學不可與輿夫爭長姑存其說何害乃至天池觀鐵瓦就黃龍寺宿焉僧告余曰從萬松菴到此已陡下二千丈矣間遇雨最險處何名曰犁頭尖也余五年遊山皆樂惟此行也苦特志之

ノイロノ文集

遊丹霞記

甲辰春暮余至東粵聞仁化有丹霞之勝遂泊五馬峰
下別買小舟沿江往採山皆突起平地有橫皴無直理
一層至千萬層箍圍不斷疑嶺南近海多螺蚌故峰形
亦作螺紋耶尤奇者左窗相見別矣右窗又來前艙相
見別矣後艙又來山追客耶客戀山耶舛午情恍不可
思議行一日夜至丹霞但見絕壁無蹊徑惟山齧裂一
縫如斜鋸開人側身入良久得路攀鐵索升別一天地
借松根作坡級天然高下絕不滑履無級處則鑿崖石
而爲之細數得三百級到闢天門最隘僅容一客上橫

鐵板爲啟閉一夫持矛鳥飛不上山上殿宇甚固甚宏
淵鑿厓作溝引水僧厨甚巧有僧塔在懸厓下厓張高
幕吞覆之其前羣嶺環拱如萬國侯伯執玉帛來朝間
有豪牛醜犀犁軒幻人鴟張蠻舞者余宿靜觀樓山于
仞銜窗而立壓人魂魄夢亦覺重山腹陷進數丈珠泉
滴空枕席間琮瑋不斷池多文魚泳游余置筆硯坐片
時不知有世不知有家亦不知此是何所次日循原路
下如理舊書愈覺味得立高處望自家來蹤從江口到
此地蟠蚓屈縱橫無窮約百里而遙倘用鄭康成虛空
鳥道之說拉直綫行則五馬峰至丹霞片刻可到始知

峽江寺飛泉亭記

。余年來觀瀑屢矣。至峽江寺而意難決。捨則飛泉一亭。為之也。凡人之情。其目悅其體不適。勢不能久留。天台之瀑。離寺百步。雁宕瀑。旁無寺。他若匡廬。若羅浮。若青田之石門瀑。未嘗不奇。而遊者皆暴日中。踞危崖。不得從容以觀。如傾蓋交。雖權易別。惟粵東峽山高。不過里許。而磴級紆曲。古松張覆。驕陽不炙。過石橋有三奇樹。鼎足立。忽至半空。凝結為一。凡樹皆根合而枝分。此獨根分而枝合。奇已。登山大半。飛瀑雷震。從空而下。瀑旁有室。即飛泉亭也。縱橫丈餘。八窗明淨。閉窗瀑闔。開窗

瀑。至。人。可。坐。可。臥。可。箕。踞。可。偃。仰。可。放。筆。研。可。淪。茗。置。
飲。以。人。之。逸。待。水。之。勞。取。九。天。銀。河。置。几。席。間。作。玩。賞。
時。建。此。亭。者。其。仙。乎。僧。澄。波。善。奕。余。命。霞。裳。與。之。對。枰。
于。是。水。聲。棋。聲。松。聲。鳥。聲。參。錯。竝。奏。頃。之。又。有。曳。杖。聲。
從。雲。中。來。者。則。老。僧。懷。遠。抱。詩。集。尺。許。來。索。余。序。于。是。
吟。咏。之。聲。又。復。大。作。天。籟。人。籟。合。同。而。化。不。圖。觀。瀑。之。
娛。一。至。于。斯。亭。之。功。大。矣。坐。久。日。落。不。得。已。下。山。宿。帶。
玉。堂。正。對。南。山。雲。樹。蒼。鬱。中。隔。長。江。風。帆。往。來。妙。無。一。
人。肯。泊。岸。來。此。寺。者。僧。告。余。曰。峽。江。寺。俗。名。飛。來。寺。余。
笑。曰。寺。何。能。飛。惟。他。日。余。之。魂。夢。或。飛。來。耳。僧。曰。無。徵。

不信公愛之何不記之余曰諾已遂述數行一以自存
一以與僧

遊桂林諸山記

凡山離城輒遠。惟桂林諸山離城獨近。余寓太守署中。晡食後卽于子馬而遊。先登獨秀峰。歷三百六級。詣其巔。一城烟火如繪。北下至風洞。望七星巖如七穹龜團。伏地上。次日過普陀。到棲霞寺。山萬仞。壁立旁有洞道。人秉火導入。初尙明。已而沉黑。窅渺以石爲天。以沙爲地。以深壑爲池。以懸崖爲幔。以石脚插地爲柱。以橫石牽挂爲棟梁。未入時。士人先以八十餘色目列單見示。如獅。龍。象。魚。網。僧。磬。之屬。雖附會亦頗有因。至東方亮。則洞盡可出矣。計行二里許。俾晝作夜。倘持火者不

繼。或。堵。洞。日。則。遊。者。如。三。良。殉。穆。公。之。墓。永。陷。坎。窞。中。
非。再。開。闕。不。見。白。日。吁。其。危。哉。所。云。亮。處。者。望。東。首。正。
白。開。門。趨。往。捫。之。竟。是。絕。壁。方。知。日。光。從。西。罅。穿。人。反。
映。壁。上。作。亮。非。門。也。世。有。自。謂。明。于。理。行。乎。義。而。終。身。
面。墻。者。率。類。是。矣。次。日。往。南。薰。亭。隄。柳。陰。翳。山。淡。遠。縈。
繞。改。險。爲。平。別。爲。一。格。又。次。日。遊。木。龍。洞。洞。甚。狹。無。火。
不。能。入。垂。石。乳。如。蓮。房。半。爛。又。似。鬱。肉。漏。脯。離。離。可。摘。
疑。人。有。心。腹。腎。腸。山。亦。如。之。再。至。劉。仙。巖。登。閣。望。關。雞。
山。兩。翅。展。奮。但。欠。啼。耳。腰。有。洞。空。透。如。一。輪。明。月。大。抵。
桂。林。之。山。多。穴。多。竅。多。聳。拔。多。劍。穿。蟲。嚙。前。無。來。龍。後。

無。空。蹤。突。然。而。起。戛。然。而。止。西。南。無。朋。東。北。喪。偶。較。他。處。山。尤。奇。余。從。東。粵。來。過。陽。朔。所。見。山。業。已。應。接。不。暇。卑。者。復。者。豐。者。殺。者。揖。讓。者。角。鬪。者。綿。延。者。斬。絕。者。離。奇。鷓。九。首。獾。疏。一。角。不。足。喻。其。多。且。怪。也。得。毋。西。粵。所。產。人。物。亦。皆。孤。峭。自。喜。獨。成。一。家。者。乎。記。歲。丙。辰。余。在。金。中。丞。署。中。偶。一。出。遊。其。時。年。少。不。省。山。水。之。樂。今。隔。五。十。年。而。重。來。一。邱。一。壑。動。生。感。慨。矧。諸。山。之。可。喜。可。愕。哉。慮。其。忘。故。咏。以。詩。慮。未。詳。故。又。足。以。記。

遊端州寶月臺記

亭館之宜避寒易避暑難大概氣疏以達少日而多風
爲避暑之最也端州北門外有寶月臺夷庭高基梁長
九丈餘六古榕樹東西遮蔭北望曠如荷萬頃搖風送
香遠望七星巖如竹林客差肩而坐余雖好遊得此干
他處甚寡且喜離府署近常攜筆視避暑其間高要令
楊蘭坡知余之好之也時時招客治具爲老人歡六月
朔自臺醉歸天大風次日水暴至城不沒者三版臺爲
巨浸矣嘻家弟守端州三年未嘗一詣臺所自余遊焉
而臺名大噪四方之履屐至又未半月河伯亦慕而奪

焉。名。之。不。可。久。居。也。如。是。夫。然。臺。不。余。約。而。余。來。余。不。楊。約。而。楊。公。來。余。與。楊。公。俱。不。水。約。而。水。又。來。名。勝。之。隱。晦。人。事。之。變。遷。居。處。之。久。暫。人。耶。天。耶。若。可。知。若。不。可。知。雖。水。退。後。臺。將。自。出。而。余。則。齒。衰。路。遙。不。可。以。久。留。矣。明。年。避。暑。時。余。之。不。能。忘。情。于。臺。與。楊。公。猶。臺。與。楊。公。之。不。能。忘。情。于。余。也。爲。文。以。記。之。使。明。府。高。義。此。邦。陳。迹。常。留。存。于。人。間。而。不。隨。水。爲。滅。沒。云。

遊武夷山記

凡。人。陸。行。則。勞。水。行。則。逸。然。山。遊。者。往。往。多。陸。而。少。水。惟。武。夷。兩。山。夾。溪。一。小。舟。橫。曳。而。上。溪。河。湍。激。助。作。聲。響。客。或。坐。或。臥。或。偃。仰。惟。意。所。適。而。奇。景。盡。獲。洵。遊。山。者。之。最。也。余。宿。武。夷。宮。下。曼。亭。峰。登。舟。語。引。路。者。曰。此。山。有。九。曲。名。倘。過。一。曲。汝。必。告。于。是。一。曲。而。至。玉。女。峰。三。峰。比。肩。翠。如。也。二。曲。而。至。鐵。城。障。長。屏。遮。泄。翰。音。難。登。三。曲。而。至。虹。橋。岩。穴。中。度。柱。棋。百。千。橫。斜。參。差。不。腐。朽。亦。不。傾。落。四。五。曲。而。至。文。公。書。院。六。曲。而。至。晒。布。崖。崖。狀。斬。絕。如。用。倚。天。劍。截。石。爲。城。壁。立。成。削。勢。逸。不。可。

止竊笑人逞勢。天必天闕之。惟山則縱其橫行。直刺凌
逼。莽蒼而天不怒。何耶。七曲而至。天游山愈高。徑愈仄。
竹樹愈密。一樓憑空起。衆山在下。如張周官王會。置八
荒。蹲伏又如禹鑄九鼎。罔象夔魃。軒豁呈形。是夕月大
明。三更風起。萬怪騰蹕。如欲上樓。揭煉師能詩。與談燭
跋。旋即就眠。一夜魂營營。然猶與烟雲往來。次早至小
桃源。伏虎岩。是武夷之八曲也。聞九曲無甚奇勝。遂即
自厓而返。嘻。余學古文者也。以文論山。武夷無直筆。故
曲無平筆。故峭無複筆。故新無散筆。故道緊不必引靈
仙。荒渺之事。爲山稱說。而即其超雋之槩。自在兩戒外。

別。豎。一。幟。余。自。念。老。且。衰。勢。不。能。他。有。所。往。得。到。此。山。
請。嘆。觀。止。而。目。論。者。猶。道。余。康。強。勸。作。嵯。峒。峩。巒。想。則。
不。知。王。公。貴。人。不。過。纍。拳。石。滂。盈。敵。池。尙。不。得。朝。夕。玩。
遊。而。余。以。一。匹。夫。髮。種。種。矣。遊。遍。東。南。山。川。尙。何。不。足。
于。懷。哉。援。筆。記。之。自。幸。其。遊。亦。以。自。止。其。遊。也。

祭孔南溪方伯文

嗚呼同年者四海九州之人耳何君與余之獨親既乍見以欣然情彌久而彌真苟逾時之契濶必執訊之殷勤上堂輒攬其衣裾入座必契其車輪僣從不知其故賓朋莫探其因謂兩人之名位相同耶乃一則顯而一則藏也謂兩人之情性相合耶又一則狷而一則狂也然則胡爲固結而不可解耶亦各指心而口不能詳也憶君之初來爲江城之司馬偶承顏以接詞便慄然而意下降夫人之魚鞵迎諸郎之偏駕龐公妻子不知主賓祖約深談屢忘晨夜已而揚州領郡蘇州專城再遷

轉運再司祥刑以周昌之強直兼伯夷之孤清上游無
誣諉之事僚屬斷聽請之情惟余飛一詞以相抵則儼
然桐魚之扣而石鼓爲之應聲其性夷姤其心淡泊笑
比河清政如霜肅不寵人以片言不受人之半菽惟余
之清詞曼句則時時雜誦而當作笙簫雖余之廢札頽
箋亦必急急潢洽而寶如珠玉偶來秣陵衙叅大府王
事敦迫未詣我所叵何書來陳謝千語謂子見責胸中
有吾若竟愬然視吾如無請將歉懷爰告僕夫庶幾見
諒待吾如初嗚呼一鄙人何足爲君輕重而竟若是之
瞿瞿乎客歲之秋 天子命公屏藩江左老幼呼曰正

人來矣民其帖安余亦喜曰彼君子兮此來爲我誰知
未稔遽爾懸車君恩愈深臣力愈差神雖存而形敝
耄未至而凶嗟值我病疴未能走送君來訣別登床號
慟雖四奴之扶顛猶雙趺之怯重果白首之恩知付黃
墟之一夢嗚呼傷哉人生局促逝者如斯溘然化盡賢
聖何辭情依依而宛在魂茫茫以何之我差君兮三歲
知後死兮幾時折疏麻兮遙奠特覩縷以陳詞不然我
兩人之風義將千秋其誰知哀哉尚享

小倉山房文集

祭李竹溪文

嗚呼竹溪竟先我死我失良朋世喪君子既搏我膺更
僕我指海內之交如君有幾昔舉京兆榜下散矣雖同
師門一揖而已後二十年君宰上元蒙來相訪澁于語
言如玉在璞其光勿宣心猶遲疑未審君賢及觀君政
漸見本原勞不言勤清不言貧無須答吏吏不爲姦不
夸愛民民情歡便交君既久敬君彌篤毅而能擾剛而
勿穀先施忌菴有諾不宿辭隆就歲風神落莫余雖山
居惟君是適誤君官衙是我書室茶呼兒烹酒喚嫂設
君但倏然笑言吃吃君畢王事亦詣我家壽或拜母聞

花詩謀一字書借五車嬖媿稚女呼君爲爺奴婢。
驚詢官耶客耶君丁外艱貧不能去余典裘裳悉力相
助旁觀嘖嘖此叟非豪如何楊朱肯拔一毛我但匿笑
難語爾曹推遷評事得拜 殿上 帝知老吏命陳忠
讜君奏民隱如指諸掌未盡臣言已聞 天獎遂擢不
次惠州黃堂嶺南一過金銀爲牆豈知君心淡如雪霜
萬車圍轉一輪獨方如何能行宜斷厥鞅微罪歸來廉
泉滿口對余大笑未辱君友余亦稱賀還我故人且住
隨園痛飲十旬臨行訣別流涕覆面各指頭顱無幾相
見果然信至元晏病風細玩手書點畫猶工雖枯半體

不廢兩肱可憐膠漆難通鱗鴻白門河門雲山萬重君
接我書如獲珍怪潢治收藏誰誦必再我接君書喜極
而拜所拜者天留君尙在今年四月郎君寄訃述君遺
言命余志墓嗚呼竹溪竟返真矣而我僂然尙爲人矣
追思疇昔隔兩塵矣如日之夕難再晨矣且喜類侵逾
七旬矣與世漸疎與君親矣有芻一束有文一道遠寄
郎君必祭必告哀哉尙享

小倉山房文集